


〔重刊訂正本〕

中國醫學大成

錢若利題



【二二三】

83470


〔重刊訂正本〕

中國醫學大成

三三三

上海科學技術出版社

C0159040



中國醫學大成（全套共五十冊）

上海科學技術出版社出版

（上海瑞金二路四五〇號）

新華書店上海發行所發行

上海市印刷十廠印刷

開本七八七×一〇九二

三十二開

精裝

總字數二二,七九〇,〇〇〇

總印張八六二

一九九〇年六月第一版 一九九〇年六月第一次印刷

一草亭目科全書

〔清〕鄧苑撰述

異授眼科

〔清〕胡芝樵重校

銀海指南

〔清〕顧錫著述

原編曹炳章

總審定裘沛然

總審閱蕭敏材朱邦賢沈麗君

重刊訂正《中國醫學大成》序

《中國醫學大成》一書，我鄉先輩四明曹炳章先生所輯集，爲發揚中醫學，保存古醫籍，以饗同道並惠後學作也。曹氏纂集是書時，正值西學東漸，國內淺見倖進之徒，競尙浮華，大肆鞭撻我國文化固有之精英，如民族醫學，悉在消滅之列，中醫學不絕如縷。而先生乃在此時從事中醫叢書巨著之編輯，姑不論其學術價值，獨其保存民族文化精粹之苦心孤詣令人可敬，其卓識遠見，又何其可欽也。

楊志一在原書序中有說：『大凡學術之成立，歷久而不敗者，必有其真實之價值在。』善哉言乎！中華民族立國數千年而得以生存繁衍，如無優秀之文化及可貴之醫學，則亦何逃於優勝劣敗之例。尤

其在科學迅猛發展之今日，百技更新，而古老之中醫藥學日益引起國內外有識之士之重視。各類中醫藥研究所之建立，亦爲保護人民健康之需要，順應世界醫學發展之潮流而設。凡此種種，夫豈偶然。

惟中醫學歷史悠久，濫觴於炎黃，昌盛於漢唐，歷代醫家多有創見，其學術經驗載於文獻者浩如煙海，遺佚者可弗論，僅就先生纂集之時，存書尙達萬種，學者既不能盡讀，又無力購置，且諸書精粗雜糅，版本文字舛誤殊多，使學習中醫者常興望洋之嘆。先生乃爲之博採精選，上自先秦，下迄近代，凡理論、方藥、臨床各科咸備，別爲十三類，書計三百六十五種，分醫經、藥物、診斷、方劑、通治、外感病、內科、外科、婦科、兒科、針灸、醫案及外集雜著各類。其中傷科、眼科及五官病歸入外科，推拿、手術歸入針灸，醫論、醫話、醫史歸入雜著。所收各書，皆中醫要籍，大都內

容精粹，切合實用，版本亦從精選，並加句斷。各書之首，皆列著作校刊略歷及內容提要，以便讀者入門粗知梗之助。

中醫學歷來叢書頗少，是書搜羅廣而選擇精，洵爲前所未有之巨著。惜全書印刊未半而抗戰軍興，烽煙迷漫，醫籍出版被迫中輟。而已印行之一百三十六種，今亦散佚不全。上海科學技術出版社爲應學者需求，重爲付梓，並影印以存原貌。書中明顯錯訛者，由我院及中醫文獻研究所等有關單位專業人員校勘改正，使之益臻完善。

夫文以載道，中醫學爲我國醫學之重要財富，文獻則是寶庫中之重要內容。故有志斯道者，務求先通中醫之理論法則、方藥效用和臨床處置，使對中醫學有全面之理解，更須驗之臨床，以汲取其理論精華與豐富經驗。學問之事，原恃艱苦以求而非獵取可得。昔張仲景勤求古訓，博採衆方；孫思邈青衿之歲，高尚是典，白首之

年，未嘗釋卷；葉香岩以不讀破萬卷，不敢輕言醫。茲三人者，皆由勤奮好學而成一代高醫，故學習中醫宜下一番札實工夫。在此基礎上運用現代科學技術研究和整理中醫學，才有闡明和提高希望。中西醫結合，亦將另具特色。以務實精神，走中醫現代化循序而進之道路，勇於繼承，敢於創新，使傳統醫學有所發現與創造。苟能如此，不僅爲祖國爭光，並將爲人類造福。

本叢書一百三十六種，分爲五十冊；每冊後並皆附有全部書目。它的出版，爲中醫和愛好中醫者提供珍貴之醫學文獻，讀者勤習而深研之，必能奠定中醫學根柢，大有助於中醫事業之繼承與發展。

裘沛然

一九八八年六月作於
上海中醫學院

〔清〕鄧苑撰述

一草亭目科全書

中國醫學大成

一草亭目科全書 附 薛氏選方提要

清、鄧苑撰。苑字博望。清江人。康熙丁酉年希堯同異授眼科合刊。名曰啓矇真諦。光緒八年。胡芝樵先生因年公刻於康熙朝之啓矇真諦。忽忽二百年。板片殘缺。字跡磨滅。原刻舊本已不可得。至今所傳。乃抄本。傳寫脫誤。亥豕殊多。恐年久湮沒。爰不揣淺陋。逆其意而尋其義。略點竄而正之。不敢正者。注明於逐條之上。俾用者酌之。又以他得經驗奇方。附於後。曰啓矇真諦。刊而廣佈之。後經申報館鉛字排印。出書有限。而無板續印。購書稍後者。即不可得。光緒二十七年。嘉興姚伯純爰募資重刊。不特病瞽者有復覩天日之歡。是書亦得藉以流傳云。一草亭目科全書。首列目論目議。次辨外障及治法。次辨內障及治法。次論小兒痘毒眼治法。及治小兒雀目法。後附薛氏選方。各方之下。註明主治效能。然已百試輒效。讀者毋少忽之。

年序

人身五官中。惟耳目爲尤重。而司聰之外。莫若司明。目雖開竅屬肝。然五臟之精液。皆上注於目。而爲之睛。故養生家有內視靜功。目光宵燭之說。惟內養既充。外邪不擾。則眸子瞭然常明。第人生斯世。勞心勞形之事。誰能或免。或被風霜所冒。暑熱所侵。則受傷於外。或爲鬱怒傷肝。營血摧耗。則受損於內。斯則欲因病療治。則終身明瞽之關。皆出自醫者之手。可不慎哉。然世所謂能撥雲霧而睹青天者。伊何人乎。舍清江鄧子。其誰與歸。予嘗覽其一草亭目科全書。其自序業醫之緣。蓋本於宋儒爲人子者。不可不知醫之論。則其人孝矣。且以文正范公不爲良相。卽爲良醫之旨。矢志自期。則其人仁矣。仁孝之人。殫精醫學。烏有不造於神明之域者。故立論列方。內損外因。分割詳悉。奇偶制度。精專明備。且其所傳。又迴出尋常萬萬者。是以用其方藥。輒試輒驗。惜乎棗梨殘缺。其書不傳。予得是書藏之。什襲久矣。今不敢自私。重付剞劂。公之斯世。匪第爲仁人孝子表揚著作之苦心。抑亦爲天下後世。凡苦目病者。揀方療治。得以復明。不須內視之功。自可保五官之

最重。而不慮風霜忿鬱之傷。則鄧子一草亭書。其功寧有量哉。是爲序。
康熙歲次丁酉菊月廣寧年希堯書於金陵官署

曹序

夫人之有目。猶天之有日月也。假使天無日月。何以判陰陽。人而無目。何以辨物色。故目爲司明之官。心肝脾肺腎五經皆繫焉。然則目亦烏可不明耶。嗟夫。世之病目者多。或以酒色而起星障。或以風火而生雲翳。不有良藥。何以療之。然良藥非良醫。莫能用也。余嘗聞蘇子有言。藥雖進於醫手。方多傳於古人。旨哉斯言。今業三指禪者。不揣醫者意也。之義不究病源。妄施藥餌。轉致瞽廢終身。良可慨焉。爰思十室之邑。必有忠信。天下之大。豈乏良醫。其有能起瞽廢者。復遊於光天化日之下。厥功亦偉矣哉。胡芝樵太守。嫺川名下士。嘗仕吳楚間。多惠政。迨改官之。閩宰沙縣。令龍溪。深得國僑寬猛之術。民情翕然。去思來暮。所至興歌。余同舟十稔矣。第知太守之學問淵邃。潛心好古。其撐腸文字。奚啻五千卷而已哉。從未知其通岐黃學。唯其家人間有疾作。未嘗延醫於外。竊有疑焉。客冬荆人患喘瀕危者。屢矣。有謂太守能治之。遂延至寓。投以劑。卒賴以安。太守其扁鵲後身乎。會出示手鈔年偶齋所刊目科。爲清江鄧氏書。後附異傳目科七十二問答。合成一冊。

重加校訂。名之曰啓矇真諦。藏之有年。不欲祕自炫奇。亟付鉛槧。以公同好。乃問序於余。余自慚譾陋。不諳醫理。何敢序是書。噫。是誠問道於盲也。今觀夫是書之有條不紊。意義兼賅。運用之神。非蠢能測。洵目科中未見書也。余何幸而見之。今一展卷間。便瞭然於中。竊謂不特啓予一人之矇。將以啓天下千萬人之矇也。太守以啓矇真諦而名是書者。其誰曰不然。

光緒八年歲在壬午燈節後一日嘉善曹晉墀謹序於綠榕城西之尺蠖居

胡序

余讀書之暇。好涉獵雜藝。自少性已然。故岐黃學。竊粗曉大義。雖習未精。然偶審證酌古而運用之。治輒驗。壯宦湘南。同治歲丁卯。兒子烈。目忽疾。雲翳遮睛。視字墨者漸色白。浸淫乎盲矣。余探古方。百治卒罔效。古人欺我耶。抑擇之不精。而運用之不神耶。或者治目有祕諦。古未洩其真。將盲而可憫者多矣。豈獨余子哉。有友人某者。示以抄本目科。謂家藏累世矣。特未試其方何如耳。余受覽之。見其爲二冊合抄。其前冊曰一草亭目科全書。清江鄧博望先生所撰。廣采羣方。論次精微。余固知爲盲者之寶筏。其後冊曰異授眼科。其著書人姓名則不傳。製藥成方。屬屬獨造。七十二證治法。設爲問答。探本究源。精深顯豁。義意美備。仙乎隱乎。莫可思擬。爰爲兒子烈。揀方治其目。不旬日而翳散。光明如初。余於是乎愈益信。是書之果有濟於世。始恍然其真諦在此矣。遂乃立願製藥施貧盲。適以事改官淮。忽忽未暇辦此。己巳庚午歲。奉檄司權靖江。同僚楊君。目將廢。余爲藥之。應手復其明。乃竟羣相驚異。於是踵門求醫者無虛日。主藥輔藥者。是書中之最神妙方。

也。然費頗不貲。余貧無力製備。姑僅修合蘆甘石四分之方應之。無不立著效。迨余又改官閩。一行作吏。未嘗舉以告人。光緒己卯秋。權稅崇安。復藥人盲。愈者更難以枚舉。廣寧年公偶齋。官於康熙朝者也。嘗惜一草亭簡殘缺。爲重梓之。嘗懼異授世無刊本。恐磨滅爲創刻之。忽忽二百年至今。而余所得乃抄本。傳寫脫誤。亥豕殊多。欲證疑似。歷求坊間而不得。蓋年刻既寡。又久遠就湮。況復經夫兵燹耶。余不揣淺陋。逆其意而尋其義。略點竄而正之。不敢正者。注明於逐條之上。俾用者酌之。諒博望諸賢。及後之精岐黃者。或不妄我於上下數百年間歟。噫。今余年將老矣。愧少壯所學所宦。皆無大規模垂不朽。孰是書而濟世。一人所及其愈能幾何。且殷殷然其久而失傳是慮。爰謀之梓。續不絕一線。又以他得經驗奇方附諸後。願舉而示世。曰此啓矇真諦也。因以名是書。而各仍其舊。名判種部。付之手民。刊而廣布之。俾天下盲者不盲。盡遊光天化日中。而無所患苦。是區區所深幸。經驗奇方者。雖小品僅二。然余已百試輒效。其功用大矣。閱者毋少而忽之。

光緒八年歲次壬午孟春月。媯川胡崧芝樵氏序。

張序

昌黎韓子曰。莫爲之前。雖美而弗彰。莫爲之後。雖盛而弗傳。旨哉斯言。千載上下。賴繼續。不然。前之人苦心積慮而有所成者。後之人漠而視其殄滅漸盡。不承往古。以開示來茲。幾何不胥天下而盲哉。是故抱殘守缺之君子。尤於絕學三致其意焉。良有以也。史遷著書成。其自序則曰。藏之名山。傳諸其人。嗟乎。其人豈易得哉。媿川胡公芝樵者。好學而慕古。博藝而多能。惟博藝也。故惜藝如命。惟慕古也。故懼古就湮。所學所能。余望其洋而莫測其涯涘矣。今特於其校刊啓矇真諦也。蠡舉一勺。願與天下共測之。啓矇真諦者。媿川總括兩家目科名之也。其一清江鄧博望先生著。有一草亭目科全書。原簡殘缺。其一不知何許人著。有異授眼科。留於天壤間。有掃雲之巧。有撥霧之奇。康熙朝年公希堯舉鄧書而重刊。又異授而創刻之。今徧求之。不能得其本。惜哉惜哉。其學絕矣哉。余賦性疏狂。不甘牖下處。好遊也久矣。交士大夫亦多矣。所過而見者。錦繡之華麗。珍寶之充盈。光怪陸離。駭耀俗耳目。則往往皆是。然余視之蔑如也。兩目直若盲。夫余不盲於目。而若

盲於目。則知彼不盲目。而實不特盲目。且盲於心矣。悲哉悲哉。是誰使之胥世之寡識者。而竟盲之哉。光緒庚辰春。余下龍眠。入於閩。一見輒相得者。則有胡媯川而已。戾止其廳事。名書畫數幅。陳設寥寥。渾樸而近古。揖坐而談之。狀貌盎岸。而言皆有物。退而折矣。謂是可以啓余之盲矣。居無何。不知媯川於何所取余。歟而館之家。命幼子受經焉。日月逾邁。寒暑已兩嬗至今。初余之至館也。不意心目間蔑視於彼。而忽駭耀於此矣。何爲其然也。登其堂書而已。入其齋書而已。憩其舍書而已。琅函山架。牙籤叢積。其視錦繡珍寶。則倍蓰其光怪陸離矣。觀止矣。其蔑以加矣。迨余館居久。乃愈識媯川邃於經。熟於史。錯綜諸子百家言。尤深岐黃學。尤匪特此也。尤有可異者。星象也。指奕基堪輿也。捕龍虎陽宅也。按義索卜筮也。懸龜鑒而六壬。尤精風鑑也。具隻眼而妍媸。而善惡。而邪正。而吉凶者。俱呈露而莫能遁其形。神峰則舉天下窮通壽夭。歸指掌之間。兵法則嘗試之矣。殺賊於湖湘。昇平之世無所用。媯川固秘而絕口不談。凡此者。固又媯川之錦繡。媯川之珍寶。光怪陸離於其胸腹中者也。豈特岐黃之學哉。岐黃洋海一以耳。是故今者所校刊。拳拳然殷殷然。惟古絕學。於我乎是續爲快。噫吁嘻。博望諸賢。旣絕而復續。

於自今以後也。苟非賴有好學慕古。博藝多能之媯川。將何所於傳。得其人哉。假使是書僅落他人手。其漠不知寶惜者。委置於櫺架。若非蠹蝕而鼠嚙。卽將上漏下濕。糜爛不堪。付之故麓。投之水火耳。誰復過而問哉。其知之爲寶也者。則又深藏而祕之。獨得以居奇。私持其術。射利於天下。療天下之盲。以盲天下之耳目。使羣驚爲空前絕後奇特技。是更博其名。而其究也亦同歸於盡。然則藏之名山。傳諸其人者之兩等人。夫豈其人哉。今媯川惜之至。懼之深。惜其藝之將絕。而又懼古之就湮。舉而刊之。以廣布天下。傳矣。博望諸賢。不僅當年一時之盛矣。後之人苟有精其藝而擅善用之美者。舉皆啓矇。直諦是宗矣。執藝以成名。名藝必具彰彰矣。嗟乎。媯川一人耳。上往古。下來茲。爲之後而爲之前。真欲持是以不盲天下。天下安得而測之。嗟乎。嗟乎。余性疎且狂。願大召告天下曰。盲者可不盲。其不盲者。勿自抵於盲。當保其目。如保其心也可。

光緒八年歲次壬午孟春上澣皖桐張壽六拙我氏序

一草亭目科全書 張序

姚序

一草亭異授眼科各一卷。康熙時爲廣寧年偶齋先生希堯所刻。歷年既久。原書罕見。其流傳者。率係鈔本。近經申報館以活板排印。出書有限。而無板不能續刷。購書稍後者。卽不可得。書中各方。歷經遵仿施治。頗著奇效。屢思付梓。以廣其傳。庚子冬避兵旋里。晤表舅父許君鼎翁。談次與有同心。爰仿股份票例。共爲勸募。集貲重刊。是書成。不特病瞽者有復覩天日之歡。而是書藉以流傳。凡靠是者。得所依據。以神而明之。馴致於上壽。所全豈淺鮮哉。是爲序。

光緒二十七年歲次辛丑仲春上澣嘉興姚寶圻伯純甫謹序

一草亭目科全書 姚序

一草亭目科全書目錄

目論	一
目議	二
外障	三
外障治法	四
內障	一
內障治法	二
小兒痘毒眼治法	二四
小兒疳積眼治法	二七
治小兒雀目法	二七
附刻薛氏選方	二八

一草亭目科全書 目錄

一草亭目科全書

清 清江 博望 鄧 苑撰述

鄧縣 赤電 曹炳章圈點

目論

經曰。五臟六腑之精華。皆上注於目。骨之精爲瞳子。屬腎。筋之精爲黑珠。屬肝。血之精爲絡。屬心。氣之精爲白珠。屬肺。肉之精爲約束。屬脾。血氣之精脈所係。上屬於腦。後出於項。苟被六淫外感。七情內傷。飲食失節。勞役過度。皆能損目。夫目通肝竅。腎藏其精。一有怫鬱。則相火挾肝木而上行。遂致轉變多端。有七十二症之名。總不越內外二障而已。華元化云。目類丸形。瞳神居中而前。如日月之麗東南而晦西北也。有神膏。神水。神光。真血。真氣。真精。此滋目之源液也。神膏者。目內涵膏。神衰則有損。神水者。由三焦而發源。先天真一之氣所化。目上潤澤之水也。水衰則有火勝燥暴之患。水竭則有目輪大小之疾。耗澀則有昏眇之危。虧者多盈。

者少。是以世無全精之目。神光者。原於命門。通於膽。發於心。火之用事也。火衰則有昏瞶之患。火炎則有焚燥之殃。夫心君主也。通於大眚。故大眚赤者。實火也。命門爲小心。小心相火也。代君行令。通於小眚。故小眚赤者。虛火也。若君主拱默。則相火自然清寧矣。真血者。卽肝中升運。滋目注絡之血也。此血非比肌肉間易行之血。卽天一所生水。故謂之真也。真氣者。卽目之經絡中往來生運之氣。乃先天真一發生之元陽也。真精者。乃先後二天元氣所化之精汁。起於腎。施於膽。而後及瞳神也。凡此數者。一有所損。目則病矣。無閭子曰。夫目者。先天之氣所生。後天之氣所成。陰陽之妙蘊。水火之精華。血養水。水養膏。膏護瞳神。氣爲運用。神卽維持。喻以日月。理實同之。人身至寶。所當重也。

目議

黑珠屬肝。肝爲木也。東方屬木。木生風。在臟爲肝。應目中。暴怒不常。生內鬱。更因風熱翳侵瞳。其症因惱怒不常。勞役過度。外感風寒。內傷色慾。以致頭目眩暈。視物不明。日久不治。遂成昏暗等症。

大小皆屬心。心爲火也。心居包絡名君主。血逐火奔眼內凝。皆頭大小分虛實。遠視還同是火星。其症因憂愁煩勞。悲苦思慮。內傷於心。外攻於目。赤筋灌瞳。努肉攀睛。日久不治。漸至失明等症。

上下胞屬脾。脾爲土也。太陰屬土主脾元。積熱相干病有源。上下胞瞼腫又赤。挑針時發蒂依存。其症因多食熱物炙燂辛酸。壅熱在內。瘀血腫痛。粟沙隱澀。日久不治。以致爛弦倒睫。纏綿不已等症。

白珠屬肺。肺爲金也。肺臟停留心熱攻。雙睛微見絳紗籠。但宣腸胃辛涼劑。方解昏昏似火紅。其症因凌霜冒雪。飢飽失常。風邪外受。內熱上攻。日久不治。以致視物不明。變成白膜遮睛。疼痛難開。衝風出淚等症。

瞳人屬腎。腎爲水也。又通膽竅。此水木有相生之義。肝腎有同治之方。腎膽同源精自華。陰虛火旺便生花。上衝神水還成綠。急養化源不用嗟。其症因嗜慾無厭。房勞過度。大驚傷神。大恐傷志。水火既虧。陰陽漸損。冷淚流於臉上。飛花越於目前。綠水灌瞳。青盲內障等症。

外障

裏急外弛。	青翳。	乾翳。	旋螺翳。	小皆赤澀。	時發有根。	雀目凝睛。	烏珠突出。	衝風出淚。	努肉扳睛。	白珠生瘡。	暴發時眼。
跌撲損傷。	黃翳。	釘頭翳。	浮翳。	大皆赤澀。	瞼硬腫脹。	撞破生翳。	偷針時發。	漏睛膿出。	赤筋貫瞳。	粟沙隱澀。	疼痛難開。
	黑翳。	白翳。	實翳。	冰輪翳。	瞳神脹痛。	血灌瞳神。	胞肉生膠。	傷寒流毒。	翳膜遮睛。	瞼腫胞爛。	時眼傳染。
時發時散翳。	紅翳。	濕翳。	梅花翳。	時發癰澀。	飛塵傷目。	風牽喎斜。	烏珠下陷。	垂簾翳障。	拳毛倒睫。	羞明怕日。	

外障治法

世謂眼病屬火。然非外受風邪。眼必不病。因腠理為風邪所束。內火不得外洩。挾肝木而上奔眼竅。血隨火行。故患赤眼。及時調治。自獲全愈。倘日久不治。及治而無效。為粗工所誤。遂成外障等症。外障者。風凝熱積血滯也。法當除風散熱。活血明目。須用加減金液湯主之。外點玉華丹自愈。如患翳膜遮睛者。用仙傳紫金膏點之。此膏能開瞽。或武當人龍。此君亦妙。

金液湯 治外障等症。

軟前胡 一錢

白桔梗 八分

直防風 一錢

川獨活 三分

京芍藥 一錢

肥知母 五分

荊芥穗 五分

蘇薄荷 六分

蔓荊子 七分

北柴胡 一錢

片黃芩 五分

咀片水煎熱服。

如受風寒重者。初二劑加。

羌活 五分

小川芎 二分

白芷梢 二分

後服仍去。

如淚多者。加。

北細辛 二分

家園菊 五分

如腫脹者。加。

葶藶子 三分

如痛甚者加

厚黃柏三分

如紅甚者加

連翹三分

紅花三分

如翳膜者加

木賊四分

如翳障努肉者加

石決明煨一錢

如昏瞶者加

密蒙花八分

如大眦紅者加

梔仁炒七分

如小眦紅者加

酸棗仁炒一錢

麥冬去心一錢

家白菊三分

熟地黃一錢

生地黃一錢

當歸尾三分

遠志肉

甘草煎水浸軟去骨炒一錢

如初發赤眼服藥六七劑可愈。目無後患。外點藥

如屢發者。風邪積熱。入在經絡。遇寒即發。服金液湯十餘劑後。或作散。或作丸

服。調理三十四日。外用玉華丹日點一次。即愈。

如體虛者。須用加減地黃丸。空心服。飯後用金液散。此法最妙。

如服金液湯。須飯後熱服。每日止服一劑。不可驟進。恐傷胃氣。服至六七日。自愈。

如外障等症。多是有餘。不可妄投補劑。恐助邪。爲害不淺。

如內熱甚者。大便閉結。兼以體旺年少之人。加大黃一二錢。通後除去。此病北京最多。湯用五龍。

五龍湯 治暴赤腫痛。如北地體旺者。宜服。

陳麻黃

荊芥穗

白桔梗

牛蒡子

莊大黃

咀片各一錢三分。作一劑。生薑五錢。葱頭二兩爲引。服後腫消紅退。仍用金液湯三四劑。外點玉華丹。

玉華丹 治眼患外障。紅腫羞澀。昏瞶翳膜等症。

盧甘石

二兩取白而輕者如雲片及羊腦髓樣

川黃連

一兩去蘆切碎水一鍾浸半日隔湯煮汁

童

便者一鍾取男半歲無病者同連汁和作一碗

將甘石置傾銀罐內。炭火煨成碧色。取起。以連汁。童便。淬之。如此煨淬七次。加

硃砂三錢。同研爲末。水飛去脚。候乾又研。極細如塵。收貯聽用。名曰丹頭。另製珍珠。將珠錢許。置豆腐內。碗盛蒸一時久。研極細。收貯聽用。丹頭一錢。加珠末一分。旋研。冰片三分和勻。入磁罐封固。凡一切外障眼。以銀簪或象牙簪沾藥。點兩眥內。閉一飯久。仍以簪撥出藥屑。每日早飯後點一次。或夜點亦可。

仙傳紫金膏

真黃丹

五兩研細水飛候乾用厚綿紙或鍋內炒熟取起地上

川黃連

去蘆淨二石燕一雌一雄大者如檳榔與

石

蟹雌雄等分搗末水飛燕

訶子個十二

真熊膽

三錢或五錢多則效速試法塵撒水面取

冬白蜜總淨

先將連訶用井水三碗煎至一碗半。以蟹燕爲細末。水飛過。調和藥汁同蜜。銀鍋慢火煎三五沸後。入丹再煎。取柳條或桃槐條。不住手順攪。用水一盆在旁。如沸起。卽抬鍋放水盆內。待藥有絲爲度。入熊膽。再旋百餘旋。勿令雞犬生人婦人見之。此方專治男婦一切眼疾。雙目不見十餘年者。竟能還明。但用兩蛤

許。每日點五七九次。不用雙點。初點七日。停三五日。又點七日。用燈草振其翳膜。眼自明矣。如重者不過三七日。神效。
七寶膏 去諸翳障。

珍珠三錢

琥珀三錢

水晶三錢

龍齒一錢

石決明三錢

熊膽三錢

龍腦五分

右搗碎研細。水五升。砂鍋內煎至一升。去粗。用銀鍋熬至一盞。入淨白蜜五錢。和為膏。每夜臥後點之。旦不可點。

武當秘授仙方

武當山上一仙方。洩漏天機不可當。巴豆蕤仁和製石。礪砂龍骨白丁香。不論遠年翳膜障。管教一點便開光。

製石二錢

巴豆一錢

蕤仁一錢二味同煎水去渣以

礪砂用田螺一個。漂二日。泥淨開口時。以礪砂三四分入內。候其化水。以銀鉚煎乾收貯。每用二釐。

龍骨

火煨為極細末二分

白丁香取兩頭尖者端午取用甘草湯浸一宿晒乾研細收貯旋加少許點翳膜努肉

人龍散 治紅腫翳膜。

人龍一條。取壯大色白者。以線繫首尾。入長流水洗淨。將磁尖破開。滴白漿。入製石內。點目亦效。

一去努肉。用杏仁百粒。搗爛取汁。調製礪砂點。或又用白丁香亦可。

此君丹 治翳。

淡竹殼不拘多少。用布拭去毛。燒灰存性。每藥一錢。加麝香三五釐。同搗細末。點在翳上亦妙。

凡治外障眼。切不可用刀針鉤割。恐傷眼血。後成痼疾。不可治療。經曰。眼得血而能視。則血何可損也。但用金液玉華等方。自愈。

一凡飛絲入眼。用鹽一粒。在口嚙化。其絲自出。或用香草子一粒入眼。其子在眼走動。振絲撥出。自愈。

一凡嘴眼歪斜。服去風藥數劑。脈平又服溫補。外用鱧魚血磨白芨塗面一邊。立見其貌端正矣。

劉禹錫方 治一切患眼。

用黃連末、蕤仁、去皮研以棗二枚。開頭少許。去核。以藥填滿。仍將棗頭合上綿裹。用銀鍋煎水一碗。至小半濾起。待冷洗眼立效。棗用大而端正者。而銳。啗之隨效。宜常啗以聚其力。治一切外障等症。如開鍋蓋法。常使邪毒不閉。令有出路。然力少

鵝不食草二錢 青黛一錢 川芎一錢
右研為細末。先嚙水滿口。每用如米許。啗入鼻內。以淚出為度。

內障

綠水灌瞳。	蠅影飛越。	瞳神闊大。	抱輪紅。	瞳神焦小。
亡血過多昏暗。		瞳神返背。	能遠視不能近視。	
瞳神缺陷。	能近視不能遠視。		瞳神破損。	婦人胎風。
瞳神空散。	倒經血出。	坐起生花。	小兒痘翳。	青盲翳障。
小兒疳傷。	冷淚時出。	黑霧蔽空。	眩暈轉睛。	雀目夜發。
烏風時發。	不能久視。			

內障治法

內障受病。多因瞳神不紅不腫。人不經意。日久不治。便成痼疾。瞳神屬腎。又通膽腑。人身最靈者。惟此瞳神。而人身最重者。惟此腎經。所謂乙癸同源之義也。夫人有陰虛者。有陽虛者。陰虛則水不滋木。少火挾肝木而上炎。肝通眼竅。眼斯病矣。蓋腎經如太極圖也。水火具焉。右腎屬陽水。左腎屬陰水。命門少火居中。少火者陽也。以一陽陷於二陰之中。成乎坎之象。故易謂天一生水也。水火和平。百骸通暢。然脾土非少火不生。肝木非腎水不養。脾氣足自生肺金。肝氣充自培心火。則腎爲五臟之源。所謂先天真氣。生身立命。正在此也。故無水者。壯水之主以鎮陽光。無火者。益火之源以消陰翳。非獨治目。諸症可例推矣。此水火乃無形之水火。卽先天真陰真陽也。陰虛補陰。陽虛補陽。脈候參之。庶幾勿失。若水火有虧。瞳神受疾。遂爲內障等症。內障者。血少神勞。腎虛也。法當養血補陰。安神明目。須用加減地黃丸主之。空心服。兼進五寶丹。飯後服。自獲奇效。或千金磁硃丹。與石斛夜光丸。連服。及後方選用。

六味地黃丸 壯水之主。左尺微弱。補水以配火。

懷地黃 酒洗蒸晒九次又

懷山藥 炒四兩

山萸肉 去核四兩洗

白茯苓 去皮屑淨蒸

牡丹皮 去骨三兩

光澤瀉 去毛三兩

俱為末。同地黃膏搗勻。加煉蜜為丸。如梧子大。每日空心。用滾水吞三錢。即以

美膳壓下。直至腎經。且無泥膈之事。

加當歸、五味、生地黃、柴胡。名益陰腎氣丸。等分

加枸杞、白菊。

八味地黃丸 益火之源。右尺火衰。補火以固本。

六味加製附子 一兩

肉桂 一兩

愚以附桂性烈。用還少丹代之。尤妙。

還少丹 滋補腎水。溫養少火。諸虛百損。男婦咸宜。久服卻病延年。

懷地黃 竹四兩酒潤蒸晒九次

甘枸杞 乘熱同人乳蒸二次

肉蓯蓉 二兩酒洗去浮甲

川巴戟 乾酒浸去骨晒

川續斷 酒炒二兩

川牛膝 酒炒二兩

川杜仲 炒斷絲二兩薑汁

山萸肉

去核淨二兩酒洗蒸過晒乾炒

遠志肉

水洗去骨晒乾二兩炒

石菖蒲

用小而節密者去毛二兩炒

楮實子

陳淨二兩炒

小茴香

二兩炒

白茯苓

去皮木屑水淘淨蒸過晒乾二兩

懷山藥

二兩蒸炒

各製就和勻。用棗肉二百枚。搗和。加煉蜜爲丸。如梧子大。每日早晚滾湯好酒。任服。任吞五七十丸。此丸久服。健筋骨。利關節。充精血。美顏色。有大滋益。養生至寶。昔仙密授婦人服之。果得高壽。且如童顏。因子不服。鬚髮皓然。筋骨痿軟。時當怒責。一官遙見。拘問女何打父。婦曰。是吾子也。不服吾藥。故打之。取方歎賞。名打老兒丸。原係孫真人自龍宮得來。凡腎經補藥。俱可漸加。加味逍遙散。治鬱怒傷肝。眼目赤澀昏暗。婦人多有之。血虛發熱。口乾自汗。月經不調。腹痛等症。

大當歸

酒洗一錢

白芍藥

酒炒一錢

白茯苓

去皮一錢

白

朮一土錢

北柴胡

錢一

牡丹皮

一錢

蘇薄荷

三分

甘

草三分

川黃連

三分用吳茱萸煎湯拌炒

右咀片水煎。古方有梔仁。趙氏恐其傷胃氣。故去之。

歸脾湯 治思慮傷脾。不能攝血。或健忘怔忡。驚悸盜汗。寤而不寐。或心脾作痛。嗜臥少食。大便不調。或肢體重痛。月經不調。赤白帶下等症。

人參一錢 白朮一錢 茯苓一錢 棗仁一錢
遠志一錢 歸身一錢 黃耆一錢 木香三分
甘草三分

右咀片水煎。龍眼肉三個爲引。心藏神而主血。肝藏魂而藏血。脾藏意而統血。若思慮俱傷。而血不歸經。故有前症。治以此方。使氣血和暢。補肝實脾。血之散於外者。悉歸中州。而聽太陰所攝矣。

天王補心丹 治心血不足。神志不寧。津液枯竭。健忘怔忡。大便不利。口舌生瘡等症。

人參去蘆一兩 元參炒一兩 丹參炒一兩 天冬去心一兩
麥冬去心一兩 五味子蜜浸蒸如生二兩 柏子仁炒二兩
酸棗仁炒二兩 遠志肉甘草煎水浸一宿炒二兩 白茯苓去皮木
歸身酒洗烘二兩 白桔梗錢炒五 生地黄酒洗薑汁炒二兩

右爲末。煉蜜爲丸。如椒目大。白滾湯吞服三錢。臥時服。

五寶丹 主開瞽復明。瞳神缺者能圓。陷者能起。突者能平。真至寶也。

夜明沙 水洗極淨。晚蠶砂。極淨醋炒。子鳳凰退。殼內白。衣洗淨。微火

老母鴨肝 水泡乾。忌鐵器。新瓦。嫩雄雞肝。前製如

各爲極細末。各等分。和勻。每日早晚用酒調服三錢。服至七日見效。如重者。再服一料自愈。

千金磁硃丹 治神水寬大漸散。昏如霧中行。漸覩空中黑花。又漸覩物成二體。久則光不收。及內障神水淡綠色。淡白色者。

磁石 吸針者。二兩。辰砂 一兩。神麴 四兩

共三味。先以磁石置巨火中煨。醋淬七次。晒乾。另研極細。水飛候乾二兩。辰砂另研極細。水飛候乾一兩。生神麴末三兩。與前藥和勻。更以神麴末一兩。水和作餅。煮浮爲度。摻入前藥內。煉蜜爲丸。如梧子大。每服二十九。加至三十九。飯湯送下。空心服。

右方以磁石辛酸寒。鎮墜腎經爲君。令神水不外移也。辰砂微甘寒。鎮墜心經。

爲臣。肝其母。此子能令母實也。肝實則目明。神麴辛溫甘。化脾胃中宿食爲佐。生用者發其生氣。熟用者斂其暴氣也。服藥後。俯視不見。仰視漸覩星月者。此其效也。亦治心火乘金。水衰反制之病。久病屢發者。服之則永不更作。空心服。午前更以石斛夜光丸主之。

石斛夜光丸 治症上同。

天門冬去心焙

揀人參二兩

兔絲子酒黃製 五味子炒

麥門冬去心焙

杏子仁泡去皮尖

白茯苓去皮 枸杞子七錢

川牛膝七錢

生地黃一兩

熟地黃一兩 家白菊七錢

白蒺藜五錢

金石斛五錢

肉蓯蓉五錢酒洗 真川芎五錢

中甘草五錢

陳枳壳去穢

懷山藥七錢 青箱子五錢

直防風五錢

川黃連五錢

草決明七錢 羚羊角五錢

烏犀角錢五

右二十五味製末。煉蜜爲丸。如梧子大。每服三五十丸。溫鹽湯任下。右方滋補藥也。補上治下。利以緩。利以久。不利以速也。故君以天冬、人參、兔絲

之通腎安神。強陰填精也。臣以五味、麥冬、杏仁、茯苓、枸杞、牛膝、地黃之斂氣除濕。涼血補血也。佐以菊花、蒺藜、石斛、菴蓉、川芎、甘草、枳殼、山藥、青箱之療風治虛。益氣祛毒也。使以防風、黃連、草明、羚羊、烏犀之散滯瀉熱。解結明目也。陰弱不能配陽之病。並宜服之。此從則順之治法也。

熊膽丸 觀音治眼方。載藏經。一人患目翳障遮睛。諸醫不效。自念惟佛可救。於是禮佛甚謹。夜夢阜衣人告曰。汝要目明。當服熊膽丸。俱在藏經。後依方修製服之。旬日目明。眸子瞭然。即治人目疾多愈。

真熊膽 一分

川黃連 五錢兩

密蒙花 五錢兩

防風 五錢兩

川羌活 五錢兩

龍膽草 一兩

地骨皮 一兩

蛇蛻 一兩

木賊草 一兩

仙靈脾 一兩

旋覆花 五錢

瞿麥 五錢

白菊花 五錢

麒麟竭 一錢

蔓荊子 一合

蕤仁 五錢

俱為細末。以羯羊肝一具。煮其半。焙乾入藥。取其半生者。去筋膜。研爛入藥。杵而丸之。梧子大。飯後米飲下三十丸。諸品修製。唯木賊去節。蕤仁用肉。蔓荊子水淘。蛇蛻炙云。

烏龍丸 呂仙翁治眼方。一人性喜雲水。見必邀款小閣。供奉純陽像。奉事甚謹。一日有客。方巾布袍入。語曰。汝目昏多淚。當服烏龍丸可愈。於是依方治藥服之。月餘目復明矣。夜能視物。年至九旬。耳目聰明。精神如壯。

生地黃

熟地黃惟出懷慶者佳

川花椒出四川開口者勿用

三味各等分爲末。煉蜜爲丸。如梧子大。空心鹽米湯吞五十丸。竟可常服。

報恩丸 一官治罪囚出活之後。囚因病死矣。官患目疾。爲內障所苦。喪明年餘。適夜半獨坐歎息。聞階下窸窣之聲。官問爲誰。答曰。是昔蒙活囚。今來報恩。乃告一方。

川黃連一兩

白羊肝一具去筋膜忌鐵器

以連末和肝於沙盆內。研令極細。丸如梧子大。每服以滾水下三十丸。連作五劑。言訖忽不見。於是修服。數日復明矣。凡目疾皆可治。忌猪肉冷水雄雞。

孝感丸 一人父歿。奉母周遊四方。事母盡孝。淳熙中寓秦州。因患赤眼食蟹。遂成內障。諸醫無效。素解暗誦般若經。出丐市里。所得錢持歸母。凡歷五載。忽夜夢一僧。長眉大鼻。托一鉢。鉢中有水。令掬以洗眼。復告之曰。汝此去當服羊肝

丸也。意其爲佛。拜乞其方。僧遂以授之。

夜明砂洗淨

當歸酒洗

木賊去節

蟬蛻去足

各一兩。共研爲末。用黑羊肝四兩。水煮爛。搗如泥。入藥拌和。又搗丸如梧子大。食後滾水下五十丸。服之百日復明。與其母還鄉。母亡棄家遂入道矣。後竟仙去。

三奇丸 治內障等症。

熟地黃九製

麥門冬去心

車前子去殼

各等分爲末。煉蜜爲丸。如梧子大。食前服。用滾水下五十丸。

一子丹 葛仙翁治赤眼翳膜等症。

大訶子一枚

以蜜磨點目中。

二百花草膏 蜂採百花。羊食百草。

用羯羊膽灌入好蜜攪勻。線緊縛蒸過。懸風處候乾。入瓶點目。一人患目。服黃柏、知母之類。更加便血何也。曰。此脾虛不能統血。肝虛不能藏血。

也。當用補中益氣湯。吞六味地黃丸。果愈。
補中益氣湯 治勞倦傷脾。中氣不足等症。

黃耆一分蜜炙

人參去蘆一錢

甘草炙一錢

歸身酒洗一錢

白朮土炒一錢

陳皮去白五分

升麻三分

柴胡三分

右咀片。薑棗水煎服。

一富家子。忽病視正物皆以爲斜。凡物必更移令斜。自以爲正。其父求醫。一醫留其子。盛設暢飲至醉。乃扶坐轎中。使人抬之。高下其手。常令傾側。展轉久之。方令登榻而臥。達旦酒醒。遺之歸家。前日斜視之物。皆理正矣。父母躍然而喜。往謝。問方何神效如此也。醫曰。令郎無病。是醉中常閃倒肝一葉。搭於肺上。不能下。故視正爲斜。今復飲之。醉則肺脹。展轉之間。肝亦隨下矣。藥安能治之哉。
一孕婦忽然視物不明。目昏作痛。此因胎熱傷肝。毒氣上冲。或外傷風熱。內食炙煇性熱之物。以菊連湯主之。或金液湯治之。無不效也。
菊連湯 治婦人胎風眼。

防風一錢

荆芥穗五分

家白菊五分

蟬蛻五分

連翹 六分

枯黃芩 七分

川黃連 三分

梔仁 六分

牛蒡子 五分

大當歸 八分

真川芎 五分

白芍 八分

懷地黃 一錢

右咀片。生薑一片。燈心一九爲引。熱服。

一乳婦因悸而病。既愈。目張不得瞑。醫曰。煮郁李酒飲之。使醉卽愈。所以然者。目

絲內連肝膽。恐則氣結。膽衝不下。郁李能去結。隨酒入膽。結去膽下。目能明矣。以

一醉飲主之。

一醉飲

郁李仁 三錢

酒一瓶煮熟。飲之果驗。

一婦人年四十餘。兩目昏昧。咳嗽頭痛。粗工罔效。一醫診脈皆細弱。脾部尤近弦弱。曰脾虛也。東垣云。五臟六腑皆稟受脾土。上貫於目。脾虛則五臟精氣皆失所司。不能歸明於目矣。邪逢其身之虛。隨眼絲入於腦。則腦鳴而痛心者。君火也。宜靜。相火代行其令。勞役運動。則妄行侮其所勝。故咳嗽也。不理脾養血。而以苦寒

治眼。是謂治標不治本也。症脈既詳。方從意立。醫者意也。因取曰如意飲。

人參五分錢

黃耆五分錢

麥冬去心一錢

貝母一錢

歸身八分

陳皮五分

川芎五分

黃芩四分

家菊五分

麥芽四分

甘草三分

右煎服二劑。前症悉除。

一婦人患爛弦風眼。用覆盆子葉。旋採以手揉碎。入口中咀嚼。而留汁滓於小竹筒內聽用。取皂紗蒙眼。用筆畫雙眸於紗上。然後滴藥汁漬眼下弦。轉盼間蟲出紗外。以數十計。其狀如絲。色赤而長。復用前法滴上弦。又得蟲數十。兼服消風清熱活血之劑。遂獲全愈矣。

覆盆葉

能去眼

覆盆子

能治目暗不見物冷

覆盆子草

多取晒乾用時搗令極爛薄綿裹之以人乳浸之如人行入里九

蓋治目妙品也

一人患赤目腫痛。脾胃虛弱。飲食難進。診其脈。肝盛脾弱。如服涼藥以治肝。則損

脾。飲食愈難進。服暖藥以益脾。則肝愈盛。而加病。何以治之。乃於溫平藥中。倍加肉桂。不得用茶常啜。恐傷脾也。蓋肉桂殺肝而益脾。故一治兩得之。傳曰。木得桂而槁也。

一人久患目盲。有白翳遮睛。服藥罔效。蓋此眼緣熱藥過多。乃生外障。視物不明。彼皆以爲肝損腎虛。補其肝腎。則眼愈盲。治以救苦丹。一月目明。

公猪膽一個。微火用銀銚內煎成膏。候冷。入冰片末二三釐。點入眼中。漸覺翳輕。又將猪膽白膜皮晒乾。合作小繩如釵。火燒灰存性。點翳。甚者亦能治之。

小兒痘毒眼治法

痘毒入眼。有赤腫而痛不能開者。有翳障遮蔽而不能視者。自古方書所論。及俗說所傳。皆以爲痘瘡入眼。而不知此非有形之瘡。乃無形之毒也。其遮睛之翳。有似痘瘡。而實非也。蓋有形之瘡。發於咽喉者有之。發於口舌者有之。然皆外瘡起脹時。內瘡亦盛。外瘡收靨時。內瘡亦消。惟痘眼之毒。必作於收靨之時。或還元之

後。與咽喉口舌之痘迥異。此以其非有形之瘡也。蓋眼者五臟氣血之精華也。痘毒之鬱滯於肌膚者。為癰為癤。而其留滯於精華者。則發於眼患者。毒已留於氣血精華之分。則其受病也深。故患此者。當乘時調治。收功於數十劑之後。切不可鹵莽草率。責效於數劑之間。何也。痘後之人。元氣已弱。受毒又深。而其毒火發露在表。又在至高之位。若驟用寒涼。峻攻其裏。而疎利其下。則既傷其元氣。又拂逆其病勢。未有不至於喪明者。且或生他症。而為大患者多矣。須用清毒撥翳湯。從容調治。使其毒氣漸退。而元氣不損。此萬不失一之術也。切戒熏洗。若日久不治。亦致失明。患此症甚多。彼不知治法。又何怪乎。

清毒撥翳湯

防風	五分	荆芥穗	四分	蘇薄荷	四分	前胡	七分
蔓荊子	四分	京芍藥	六分	桔梗	五分	北柴胡	七分
片黃芩	炒五分	連翹	四分	肥知母	炒五分	牛蒡子	炒研五分
白菊	三分	密蒙花	四分	白蒺藜	去刺七分	木賊	三分
牡丹皮	四分						

水煎熱服。

如紅甚加

紅花三分

桑白皮四分蜜水炒

如翳膜遮睛加

石決明八分煨研

如多淚加

北細辛三分

如內熱甚加

黃連三分炒

如甚者可兼用後數方。

紫龍丹 治小兒痘毒眼。外用吹耳。

黃丹五分

真輕粉五分

俱爲末。研勻。如左眼患吹右耳。右眼患吹左耳。每日吹二次。每用釐許。

密蒙花散 治症前同。

密蒙花

酒洗曬乾五錢

蟬

蛻去足土五錢

穀精草五錢

望月沙

洗淨曬乾一兩

俱爲末。每用獾猪肝一兩。以竹刀披開。將藥一錢和在內。用碗盛蒸熟服。亦效。

穀精草散 治症前同。

穀精草一兩

生蛤粉二兩

俱爲極細末。每用獾猪肝一兩。去淨筋膜。以竹刀切片。和藥一錢。蒸熟服效。
以上二方用母雞肝亦可。

小兒疳積眼治法

小兒腸胃柔脆。早不可飢。晚不可飽。衣服隨時。自不生病。因飲食失宜。過飽過飽。食後便睡。日晚加餐。寒熱不調。外感或少。內傷實多。元氣阻滯。漸致虛弱。遂難運化。釀而成疳。又貪飲食。肌肉愈瘦。腸脹下利。日久不治。疳蟲傷肝。目則病矣。或閉或翳。而變生諸症。從而夭折。可不悲哉。醫不及時。治非良法。始尙不覺。久則喪明。須用祕授王龍丹主之。

王龍丹 治小兒疳積傷眼。

真雄黃爲末 三錢 寒水石九錢

右二味和勻。每日用雞肝一具。竹刀切片。去淨筋膜。同藥一錢。入酒一盞。碗盛蒸食。五日見效。竟能開瞽。

治小兒雀目法

世傳雀目者。何也。曰。每至日晚。二目不見。又號雞盲眼。經謂眼得血而能視。肝血有虧。熱入血室故也。血主陰。晚夜屬陰。以類相從。治不得法。亦能爲害。須用照月飲主之。或決明夜靈散更妙。

照月飲 治雀目立效。

真雄黃飛候末水乾

用生雞剖取熱肝。搗極爛。和黃五釐。溫酒調服。

決明夜靈散 治雀目。大人亦有此症。並治。

石決明洗煨爲末

夜明沙洗淨爲末

公猪肝每用一兩羊肝更妙

以竹刀切開肝。作二片。將藥各二錢。鋪在肝上。合定。用線縛之。入沙罐內。米泔水煮熟。臨睡時。連肝藥汁俱服。

附刻薛氏選方

明目地黄丸 治男婦肝腎俱虛。風邪所乘。熱氣上攻。目翳遮睛。羞澀多淚。

牛膝酒浸三兩

石斛四兩

枳殼炒四兩

杏仁去皮尖

防風四兩

生地黄一斤

熟地黄一斤

右爲末。煉蜜爲丸。如梧子大。每服三五十丸。食前鹽湯下。

按此方可治內外二障。但體虛者及年老者甚宜。

加減駐景丸 治肝腎氣虛。兩目昏暗。視物不明。

熟地黄八兩

當歸五兩

川椒一兩

楮實一兩

兔絲子八兩

五味二兩

枸杞三兩

車前五兩

各製末。蜜丸梧子大。每服三五十丸。食前溫酒下。

按此方治內障。滋養神水。目自明矣。

地芝丸 治目能遠視不能近視。漸至近亦昏蒙。

生地黄四兩

天門冬四兩

枳殼炒二兩

甘菊花二兩

右爲末。蜜丸梧子大。茶清送下百丸。

按陰虛不能近視。此方補陰藥也。故主之。

定志丸 治目能近視不能遠視者。

白茯苓三兩

人參三兩

遠志肉二兩

石菖蒲二兩

右爲末。蜜丸如梧子大。以硃砂爲衣。每服七丸至二十丸。溫米湯下。食後服。日三服。

按陽乏不能遠視。此方補陽藥也。故主之。但此症年老宜之。空心當服還少丹。及補腎陽之藥。

菊睛丸 治肝腎不足。眼目昏暗。常見黑花多淚。

枸杞子 四兩

肉蓯蓉 一兩

巴戟天 一兩

甘菊花 四兩

右爲末。蜜丸如梧子大。每服五十丸。鹽湯溫酒任服。

按此方專補命門少火。此水中之火不足。蓋水滋肝木。肝通眼竅。是以神水足而神膏養。神光自發。瞳神可保無恙矣。明目何疑。可加熟地八兩。

五秀重明丸 治翳膜遮睛。隱澀昏花。常服清利頭目。

甘 菊 開頭五

荆芥穗 五兩

木 賊 去節五

川花椒 五兩

楮實子 五兩

爲末。蜜丸彈子大。每服一丸。細嚼徐徐嚥下。

按此方俱輕清上行之品。治標可也。宜暫用之。

瑞竹四神丸 治腎經虛損。眼目昏花。

甘枸杞一斤取色赤滋潤者作四分用酒一杯潤之

一分川椒一兩同炒。一分小茴一兩同炒。一分芝麻一合同炒。一分獨炒。炒過將椒等篩揀去。加熟地黃四兩。白茯苓三兩。甘菊花二兩。共為末。蜜丸如梧子大。每服五七十丸。空心溫酒送下。

按此方中年以後。每日常服。不獨可保目明。而却病廣嗣。其功甚大。

天麻丸 治小兒肝風眼疳。

青黛一錢

黃連一錢

天麻一錢

川芎一錢

蘆薈一錢

五靈脂一錢

夜明沙炒一錢

龍膽草一錢五分

嫩防風一錢五分

蟬蛻一錢五分

全蠍少許

麝香少許

干蟾頭二錢炙焦

俱為末。公猪膽汁浸糕。丸如麻子大。每服十丸。薄荷湯下。

按此方疳傷五臟。各有現形。唯傷肝者。水因風動。遂為目患。品味週至。誠良劑也。然余全書內玉龍丹效甚。

濟生桑白皮散 治肺氣壅塞。毒氣上攻眼目。白睛腫脹。日夜疼痛。

元參

桑白皮

枳殼炒

杏仁

甘菊

旋覆花

防風

京芍

黃芩

甘草

甜葶藶炒

柴胡炒

右各一兩。爲細末。滾水調一錢。飯後服。

按此方治風熱之劑。凡外障睛珠腫脹疼痛宜服。

密蒙花散 治風毒攻目。昏暗眵淚。并暴赤腫。

羌活一兩

白蒺藜炒一兩

木賊一兩

密蒙花一兩

石決明兩一

甘菊家園者二兩

右爲末。每服二錢。清茶食後調下。

按此方治風毒。凡翳障眼宜服。

蟬花散 治肝經蘊熱。毒氣上攻。眼目赤腫。多淚羞明。一切風熱昏翳。

穀精草一錢

甘菊六分

蟬蛻五分

羌活五分

甘草三分

蒺藜一錢

草決明一錢

防風七分

山梔七分

川芎三分

蒙花七分

木賊五分

荊芥穗三分

黃芩五分

蔓荊子五分

右爲末。每服二錢。食後茶清調下。

按蟬花散治外障蘊熱等症固宜。但症有不同。或新起久患。或氣血虛實。量人加減。詳在全書。

洗心散 治風壅壯熱。頭目昏痛。熱氣上衝。口苦脣焦。咽喉腫痛。心神煩躁。多渴。

五心煩熱。小便赤澀。大便秘滯。

大黃六錢

甘草六錢

當歸六錢

芍藥六錢

麻黃六錢

荊芥六錢

白朮五錢

右爲末。每服二三錢。生薑薄荷煎服。

洗肝散 治風毒上攻。暴作赤目。腫痛難開。眵淚。

薄荷

當歸

羌活

防風

山梔

甘草

大黃酒洗

川芎

右各二兩爲末。每服二錢。食後滾水調下。

按前二方。人多用之。故存備參考。或問曰。洗心。洗肝二散。治目何如。答曰。方以洗名。尅伐可知。蓋爲體壯氣實者。感冒風寒。外來腠理。內火不得消散。實熱上炎。奔入眼竅。暴赤疼腫。大便燥澀。姑以此暫用解散。否則不敢濫試也。人體不同。又爲可執泥乎。

〔清〕

胡芝樵

重校

異授眼科

中國醫學大成

異授眼科提要

原著者闕名。矯川胡芝樵重校。首述明目論。眼病熱眼冷眼各歌訣。光明眼藥賦。辨五經虛瀉五經火。眼目虛實寒熱論。點藥藥性。炮煉藥法。男女禁忌。看眼法。演藥法。點藥法。製藥法。煎膏法。研藥法。合藥法。用藥法。服藥法。禁忌法。主醫方。輔醫方。加減方。水眼藥方。按五輪治療捷法。應用湯丸方。七十二證醫治問答。每證各附湯丸點藥各方。末附七鍼丹。治內障雲翳神效方。偶齋年公跋云。異授眼科一書。予家姑丈涿鹿李先生所授也。此書傳自異人。世無別本。予見而愛之。乞以攜歸。秘之篋中者二十餘年矣。癸巳歲宦遊粵西。文華王公時中丞適旬宣是邦。晨夕過從。偶於案頭得睹是書。因謂予曰。此盲者之寶筏也。何以珍之篋中。不廣爲傳佈耶。隨即舉而授之梓。並按方修合。遇病目者療之。無不隨手立愈。可知是書之爲眼科祕本。非虛譽也。

異投眼科提要

異授眼科目錄

明目論	一
看眼訣圖	二
眼病歌訣	三
冷眼歌訣	四
熱眼歌訣	四
藥性光明賦	四
五經虛	五
瀉五經火	六
眼目虛實冷熱論	六
點藥藥性	七
炮煉法	八
男女禁忌	一一

看眼法	一一
演藥法	一三
點藥法	一三
製藥法	一四
煎膏法	一四
研藥法	一五
合藥法	一五
用藥法	一五
服藥法	一六
禁忌	一六
主藥方	一七
輔藥方	一九

異授眼科目錄

加減方	一九
按五輪治療捷法	二四
四季加減煎藥方	二七
眼有七十二症醫治	三〇
經驗奇方	七〇

異授眼科

清 嫺川 胡芝樵 重校


鄞縣 曹炳章 圈點

明目論

人之兩目。猶天之日月。視萬物。察毫末。何處不至。日月有一時之晦昧。風雲雷雨之所致也。眼有一時之失明者。六慾七情之所害也。蓋目乃五臟之精華。爲一身之主宰。故五臟分爲五輪。八卦分爲八廓。五輪者配五行。金木水火土也。肝屬木。名風輪。在眼爲烏睛。肺屬金。名氣輪。在眼爲白睛。脾屬土。名肉輪。在眼爲上下胞。心屬火。名血輪。在眼爲兩眦。腎屬水。名水輪。在眼爲瞳神。至於八廓。無位有名。膽之腑爲天廓。曰乾。膀胱之腑爲地廓。曰坤。命門之腑爲水廓。曰坎。小腸之腑爲火廓。曰離。大腸之腑爲山廓。曰艮。三焦之腑爲澤廓。曰兌。脾胃之腑爲雷廓。曰震。肺之腑爲風廓。曰巽。此爲眼目之根本。而藉之胞絡。故五臟蘊積風熱。或七情之氣。

鬱結不散。上攻於目。各於五臟而見之。或腫癢羞明而多淚。障膜昏暗而不明。其病有七十二症。須究其源。若是風邪則驅散之。熱即清涼之。氣結則調順之。切不可輕用針刀鉤割。偶得其愈。出乎僥倖。一或有誤。遂成終身之患。且又不可過用涼藥。恐冰其血輪。凝而不流。反成痼疾。更當量人之老幼。體其氣血之虛實。方可用藥。無不應驗。假令人眼目無光。或生冷過多。須當用補藥以暖下元。益其腎水。北方之人患眼最多。皆因日冒風沙。夜臥火坑。二氣交蒸。使之然也。治之當用涼藥。所以北方稟氣與南方不同故也。凡小兒痘疹之後。毒氣鬱結於心肝二經。發於眼目。傷害瞳神。素無治法。如浮於肺經。而障膜遮睛。可治也。竊聞孫真人傳得仙方。濟人一眼。九世其昌。今此書真有點石化金之奇。撥雲見日之妙。凡患目者。宜看五輪。有餘則瀉。不足則補。且如肝者木也。木能生火。火乃木之子也。木爲火之母。肝經虛也。虛則補其母。實則瀉其子。此良法也。治眼不過審其金木水火土。虛實子母相生相尅。宜補宜瀉。如此而已。七十二症問答。簡而且明。宜珍視之。真有神聖之功。手到病除之奇。

看眼訣圖



大小皆、為血輪。屬心火。
黑睛、為風輪。屬肝木。
瞳人、為水輪。屬腎水。
白睛、為氣輪。屬肺金。
上下瞼、為肉輪。屬脾土。

大小皆屬心。病則赤。大皆赤則心實。小皆赤則心虛。或昏熱赤爛腫痛。多生浮翳。
血貫瞳人。若大皆先赤而傳小皆。左眼先病而傳右眼。其病在心。
黑睛屬肝。病則昏花黑暗。頭疼流淚。其病在肝。
上下瞼屬脾胃。病則胞腫。起贅肉。外廓生小塊。名偷針。又或拳毛倒睫。其病在脾。
白睛屬肺。病則白睛腫起。多生瘀肉有淚。或白膜侵睛。名曰氣障。其病在肺。
瞳人屬腎。病則目昏暗。瞳人青綠。頭疼冷淚多。視物若堆烟。或青盲內障。其病在
腎。若瞳人大而有窟者不治。

眼病歌訣

氣上昏矇不足。虛則珠內生花。熱則赤腫疼痛。風則腫癢更加。內障多因色慾。食毒眇膜來遮。上下拳毛倒睫。脾胃風熱堪嗟。扳睛翳肉突出。心肝爲酒傷也。

冷眼歌訣

心冷目昏氣悶。肝冷時時淚零。脾冷隱澁難開。肺冷時昏光暈。膀胱冷生昏暗。胃冷視物不明。昏沈大腸之冷。腎冷大小瞳人。

熱眼歌訣

心熱血貫瞳人。肝熱翳肉扳睛。脾熱時時刺痛。胃熱膜翳時生。腎熱睛瞳疼痛。膀胱倒睫如針。大腸熱生赤膜。肺熱胞腫侵淫。

藥性光明賦

元參苦參能散血。大黃通利涼肝熱。退熱柴胡及前胡。歸尾白芷能破血。藿香順氣并木通。防風荆芥能除風。去障羚羊牛蒡子。明目蜜花有大功。蒼朮陳皮和脾

胃。頭痛藁本及川芎。明目菊花谷精草。清神住淚真爲寶。退翳蟬蛻石決明。涼肝
紫蘇龍膽草。止淚木賊桑白皮。治肺五味及黃耆。退熱黃連并黃柏。破血射干箱
子。隨風獨活連細辛。蔓荊厚朴可相親。乾弦止淚五倍子。香附紫蘇亦堪爾。目
暈除風旋覆花。補虛兔絲牛膝加。梔子涼心當大用。補虛退熱豈爲差。遠志通心
真罕得。黃芩涼心真頃刻。行血須知生地黃。退熱連翹居其旁。破血赤芍地骨皮。
赤茯苓堪補虛勞。羌活谷精除風熱。退障訶子山楓葉。磨障車前石決明。涼心當
知小冬青。惟有枳殼寬腸疾。甘草解毒可傳名。硃砂礪砂開障翳。熊膽善能掃風
塵。木香麝香通孔竅。黃丹解毒如神妙。去障礪砂反掌神。牙硝琥珀豈等倫。白丁
香能除冷障。止痛血竭如可親。虛實熱風及諸症。空青片腦要買真。甘石安神能
定目。從頭一一說與君。

五經虛

心虛。當歸、生地。肝虛。柴胡、紅花。脾虛。棗仁、白朮、陳皮。肺虛。五味、麥冬。腎
虛。菟蓉、山萸、熟地、杜仲、枸杞。肺熱血盛。桑皮、丹皮。

瀉五經火

心火甘稍生地翹。獨引黃連犀角超。肺火桑皮麥冬梔。芷引元參杏石膏。脾火只連生地芩。麻引黃甘用要勤。肝火尾荆赤柏明。柴引薄荷補薑陳。腎火熟地知澤柏。獨活引經增大黃。胃火梔子膏乾葛。補胃白朮與生薑。補心遠智茯苓鹽。提肺升麻白芷桔。補肺車天五味參。補肝薑朮芍芎熟。補腎斛柏知芍煎。杜朮牛絲戟。破蓉寬腸芒硝殼。大黃寬小木通及羌活。瀉膀胱芎羌活柏。瀉三焦兮柴胡芩。止吐藿香及生薑。止淚芥芩香附菊。更有決槲附子辛。陳皮朴硝麻黃并。去翳蒙箱款菊明。龍膽蛻賊及穀精。退膜榔賊及穀精。白蒺爲君用要勤。去風蒺藜白殭蟲。防風蟬蛻亦相倣。退熱芩梔黃柏連。連翹大黃正相兼。破瘀芒硝丹大黃。槐紅桃實最相當。內障兩明蔓歸尾。朴硝箱子及大黃。外障菊花牛蒡蛻。石菖元細蒺藜。芎蔓羌草決。防黃柏。黃連箱子生地鈴。犀角款冬白芷柏。赤芍車前覆盆楮。木賊穀精及兔絲。龍膽諸醫須要知。

眼目虛實冷熱論

一眼上午不痛。下午大痛。是虛熱也。
 一眼上午大痛。下午不痛。是實熱也。
 一眼淚多者是虛熱。少者是實熱也。
 一眼淡白紅者。是虛熱也。
 一眼不痛不疼。翳膜漸漸遮睛。冷也。
 一眼內膜翳帶白色。冷也。
 一眼有疼痛。翳膜漸漸遮睛。熱也。
 一眼神腎水脫歸瞳子者。氣連清淨府也。午前爲陽。午後爲陰。冷也。

虛實寒熱歌

虛熱淚多淡白紅。上午不痛下午痛。實熱淚少鮮紅腫。午後不痛午前痛。
 不痛翳膜漸遮睛。翳帶白色冷可定。疼痛翳膜漸遮睛。更帶紅色熱始審。

點藥藥性

甘石。止痛淚。

乳香、沒藥。止痛散血。

青鹽。去障眇翳。能涼血。

白丁香。去翳肉。扳睛。

硃砂。正瞳神。

明礬。去障風翳。

枯礬。去風障。乾爛弦。

血竭。散血。住痛。

巴豆。去翳肉。翳膜。

瑪瑙。去障。

熊膽。分塵。去垢。散血。翳膜。眇脹。

龍骨。去翳障。膜止淚。

礪砂。熟用。去翳膜。生用。爛肉。

牛黃。正瞳。生光。清心。止痛。去障膜。

銅青。去風障。正瞳神。

石蟹。去脹。眇。消腫。

蕤仁。去障。眇。解毒。還睛。

硼砂。涼血。去障。

膽礬。去翳。

輕粉。住痛。殺蟲。

水粉。止淚。生光。

連末。解藥毒。通竅。散血。

琥珀。去障。生光。

珊瑚。去障。塵。

珍珠。生用。傷爛肉。熟用。去膜。生光。

炮煉法

珍珠。用人乳拌一宿。入豆腐內煮熟。熟者生光。生者傷睛。

瑪瑙。火煨醋淬三次。

礬石。燒過。

琥珀。生研。

石燕。煨用醋淬四五次。

石蟹。煨用醋淬四五次。

熊膽。用篾盛上下去鮮血。不斷絲者乃真。

麝香。用手摻如線者佳。

石決明。用青鹽和泥包煨煨。

牛黃。如千層餅樣。一層黑一層黃者佳。

文蛤。一名海蛤。即雲南錢。同甘石一樣煨。

礬砂。燒乾不製。

白砒。同明礬入瓦盆內。燒烟盡爲度。

乳香。用銅杓滾水煮之成塊。在箬上炙煨去油。

輕粉。燒過。

沒藥。箬上炙去油。

海螵蛸。三黃湯煮。黃連、黃柏、黃芩。

牙硝。蘿蔔煮過。冷定取面上結浮者佳。

蛤粉。燒過。

銅青。放在薑內。外以紙包。火煨煨過。

翠青。即青黛。滾水泡過。

青礬。若有礪砂。不可同用。

韶光炒。韶光查無此藥
恐有訛誤存參

翠白。即上好白磁器。醋燒煨九次。

樟腦。要升過。

綠礬。濯水煮。再入瓦罐內煮乾。

雲母石。炒脆。

青鹽。入草決明內。鹽泥封固煨過用。

膽礬。用紅棗去核。入礬在內。火上燒。半生半熟。

雄黃。大者打開。內有一層粉。即是雄精。

白丁香。卽麻雀糞。用水淘淨。於水上白者。是丁香。餘不用。

蕤仁。熱水煮過。去油打粉。

夜明砂。水浸爛。用稀布袋盛之。內去粗泥。外存泥沙。又用夏布袋盛水中漂淨。如

尖頭者真。

海金砂。製如夜明砂法。

鵝不食草。卽野茺萎。一名天茺萎。五月五日午時取來。陰乾爲末。

男女禁忌

子日不針。

未日不藥。

男忌除。

女忌破。

看眼法

夫天地之五行。配人身之五臟。身之五臟。合目之五經也。如兩眦屬心。心屬火。其

色紅也。黑珠屬肝。肝屬木。其色青也。兩瞼屬脾。脾屬土。其色黃也。白珠屬肺。肺屬金。其色白也。瞳人屬腎。腎屬水。其色黑也。察其五色。觀其五臟。五經配於五臟者也。察乎五行。推其生尅。審其所感所因。用藥醫治。無有不愈。但人之所稟有厚薄。病之所感有重輕。風寒暑濕。喜怒哀樂。無非有所因而發也。今以大概觀之。因氣感者。當矇昧而色濁。因血而感者。多羞澁而色淡。飲酒發者。色必盛而連珠帶赤。好色而發者。紅必鮮而睛光恍惚。痛極者。熱而帶虛。癢極者。熱而加風。如有兩感。必至重犯。此皆初發之疾。大略如此。至於時作時止。日積月累。遷延歲月。或成紅障。白膜。雀目。青盲。痔蠱。胬肉。漏突。頂睛。物傷。跌撲。痘疔。癰潰。千態萬狀。不能枚舉。但是睛珠無損。瞳人不失。不過障翳侵掩。皆爲可治之症。至於珠塌。睛懸。淚枯。瞳涸。旋螺紋點。黑白混雜。此皆破壞之疾。不治之證也。有障翳賊翳。對視不見。必須斜眇。有乾睛縮睛。目力難辨。必須借日。翳有堅浮厚薄。不過遲速。皆可去也。色有紅藍紫綠。不過傳變。皆是火也。拳毛倒睫。肺與脾而相搏。風熱有餘。瞼皮寬解。痰與氣而相搏。寒濕尤多。轉睛鬬睛。無非風熱彌深。遠視近視。當分陰陽偏勝。此皆目前所見。有所異常者。不能細述。參其一定之規。用我活變之法。盡望聞問切之。

心。必得神聖工巧之驗也。

演藥法

認得其病。必當用藥。如認不真。必當用術。設有瞳色不變。障翳全無。但只不見。欲見光明者。何以處之。欲與養明。反生翳障。欲與去翳。又不可磨。必須先用輔藥七分。主藥三分。勤點兩三日。發出翳來。就與去之。如其無翳。當與斂光。覺得少有光明。便是生意。令病人慎守。內服降火養水之劑。外點散氣養明之藥。漸漸光明。乃是效處。不宜急速攻之。如旬日之內。光不得轉。此爲廢疾。不可強之。或有障翳漫布。黑白不分。覩物有影。欲求分明者。何以治之。急于去翳。必損餘光。一于養明。翳不得薄。必須先用主藥六分。輔藥四分。勤點五六日。翳不動而光略生。方施重劑。光不生而翳略薄。施藥何用。凡有不識之病。不可輕誑輕詐。以致誤人。少行演試之術。可行則行。可止則止。此乃善誘之意。不可拒絕人也。

點藥法

今人點藥於眼。皆以大眥爲根。不拘何證。皆點是處。殊不知大眥但贅肉可治。餘不能除。不若揭起上弦。以藥播入。緊閉良久。使藥周圍散漫。無處不到。睛珠。眦眥。皆藥無所間。至於磨翳。必傍翳點藥。隨其上下。方得翳去。不可閒散施點。使藥不驗。

製藥法

礪砂、丹、蘆。不製有毒。螵蛸、磁石。不製難研。務須研細。揀擇停當。或火鍊。或水飛。或投入藥汁者。必煉煅令蘇。入汁候乾。再入。如火煉者。必用瓦放藥在上。以炭火罩漏。旺扇者。火候不可太過。不可不及。如水飛者。必須研細。放入水中。攪沉數次。將上浮起者。另傾別器。澄出清水。晒乾再研。其餘草藥。不過煮浸淨洗而已。

煎膏法

凡用膏子。不拘官料草藥。必要洗淨切細。或煎汁。或搗汁。皆要澄濾濁脚爲是。取上面清者。入罐煎熬。十去七分。將三分存下。方入薄磁器內。隔水燉厚。下蘆薈末。

收乾。要老要嫩。但憑所宜。然焦則無力。嫩則難收。

研藥法

珍珠、琥珀、瑪瑙、珊瑚。皆所難研者。古人有用火煨者。雖易碎。去其真性。又近於燥。不可用水磨者。蕩去細塵。虧者太過。又不可不如用布數層包定。鐵鎚打碎。放開。揀細者入杼鉢內。輕輕慢研細篩。真性不失。虧者不多也。

合藥法

務將各藥料。預先研細。稱定包好。煎定膏子。各用器盛定。無一不備。方將各末子。稱準。併立一處。重篩去粗末。次將熟蜜入器內。次稱膏子入膏蜜化勻。次入細藥。攪勻得所。方下黃丹、麝香。收定。連器下窖出火毒。然後入磁罐收用。愈久愈佳。若驟用。則火猛耳。

用藥法

治眼之法。用藥最難。大熱則發。大寒則凝。所以冰片禁用。黃連少用。外點之藥。須以消鎔斂光爲主。內服之藥。須以發散破氣爲先。初發者降火消風。久病者蕩翳發光。若驟補驟瀉者。皆能損目。毋欲速。毋放肆。慎之。

服藥法

目疾服藥。每每不得速應。故服藥者鮮矣。古云。鍋中點水。不如竈底抽薪。點藥服藥。此爲內應外合之意也。服於食前固不可。服於食後。皆是運動之際。藥行四散。亦不得取效。惟於臨臥之時。臥而服之。兩眼皆合。精神潛伏。藥性上升。必走空竅。故於兩目皆應。

禁忌

目疾一得。諸事宜戒。飲食起居房勞人事。皆能損目。如酒助火。色喪神。蒜昏目。怒傷睛。辛辣性熱而動火。發物腥羶而動氣。雖愚人亦知戒矣。有合衣香者。因觸而喪明。有飲燒酒者。因醉而昏目。至於當風向火。冒暑迎寒。此皆致病之因。又有刀

針磨刮。熏灸出血等件。不能禁忌。爲害不淺。皆庸醫騙人。尤當峻拒。至於塵沙播揚。煙火熏蒸。目疾未愈者。尤當遠避。日月光輝。紅紫艷色。目力微弱。不可久視。惡香惡臭。不惟有觸發之患。抑且有損明之虞。知命者。當以養明保身。豈可輕生自戕。

主藥方

赤芍藥一兩。切碎煎膏收入。

牯牛膽一個。水牛膽與黃牛膽同功。如得黃牯牛膽爲佳。多尋數枚。收入黃柏膏

內。煎老成丸。外以黃蠟包裹。能留久遠。與牛黃無異。

真熊膽一錢。箬炙研末。用槿樹梗搗汁收入。

黃連五錢。切細煎膏。

黃柏一兩。切細煎膏。

當歸五錢。切細煎膏。

硼砂四錢。揀大塊月色者佳。將竹瀝收二錢。蘿蔔汁拌收二錢。令乾共細研入藥。

珍珠一錢五分。生研。白淨無油透者佳。

琥珀一錢。須吸燈草起者佳。生研用。

血竭一錢。研極細。無砂者佳。

礪砂白淨明亮者。用楓樹皮搗汁。收製五分。研細入藥。

漏蘆煎膏五分。收入罐。雄雞膽二個。雄鴨膽二個。入藥再煉。

銅青一錢五分。要銅上刮下者佳。店中買者不用。恐假者反爲害。

蘆甘石四錢。黃連煎膏製一半。鉛汞製一半。後用蘇木膏三錢。入人乳半盞。收乾

入藥。

蘆薈一錢。研細。

青鹽一大塊。用甘草水煮過。研細。入藥五分。

海螵蛸一片半。大而厚者佳。用槐花煎汁。研細。收入下藥。

硃砂四錢。辰州成塊者佳。細研無聲。水飛入藥。

乳香煎膏五分。

沒藥煎膏五分。

黃丹八分。湯泡再研細。水飛過。
麝香一分。

右各件如法製過。用熟蜜四兩。收煉得所。下窖出火毒。入磁罐內收用。

輔藥方

黃柏要黃厚滋潤者。去粗皮。切片。煎汁。入蘆薈末。隔水減熱。收於磁罐內。用前方爲主藥。此爲輔藥。看病輕重。以藥相配。病重者用主多。病輕者用輔多。若去翳用主。加後輔藥。隨症加減。逐一開列。

加減方

磁霜。要好磁器打碎鋒芒是也。用炭火煨紅。取出淬童便中。如此數次。研細篩過。紙包聽用。如遇老翳。白丁香不能動者。略加些磨之。少得翳動卽止。間一日再用。此是猛藥。不可輕使。慎之。

螺礪。用田螺數個。去靨。每個加礪砂豆大一塊。仰放一宿。取出煎乾。再研末。如遇

齧肉厚翳。用些加點。少動即止。間或用之。

螺蛭。取大田螺去靨。少加青鹽。其蛭自出。如用螺蛭太過。以致昏目。用此蛭合藥。頻點則退。

飛丹。水飛過。細篩紙包聽用。如遇爛眶。加些頻點。爛之甚者。再加海螵蛸並用。

煨過蘆甘石。淚多有水翳。眶爛。用丹並點。

蘿蔔製礪砂。將礪砂研碎入水。加蘿蔔片煮滾三四次。去蘿蔔煎乾。去面末礪砂。研細篩過。如翳至薄。不可施重藥。以此消溶引水。以蕩輕翳。

大青石。研細紙包。如翳薄。光明不發者。加藥點之。

辰砂。研紙包。如翳薄。光恍惚者。用此。

白丁香。即麻雀糞。取外白者是。丁香黑者不用。甘草水煮過。研細紙包。若主藥點翳不動。以此攻之。翳薄除之。此藥有卷翳之力。

酸石。即五味子煎汁。將煨過蘆甘石收乾。即酸石也。如遇羞明之症。用此藥以水調塗之。

右藥十味。驗如影響。但用者務要的當。不可輕忽。藥味俱要道地精選。并要虔

誠修合。走遍江湖。無人敢敵。

此方亳州王振吾先生。因父病目將盲。出榜願以三百金相酬。名醫羣集治療。不愈。有道人揭榜能醫。出藥點之。半月而愈。振吾以三百金相酬。道人分釐不取。闔家拜謝。道人遂授此書。令振吾製就施濟。遠近復明者。不可勝數。適有楊奉林者。與振吾相契甚厚。亦同病目。醫愈。求授此書。遂爲名醫。今有徽商王姓。其人與奉林爲至戚。得其真本。而不肖因在其延醫診病。見其施藥如市。細叩其因。渠竟親筆相授。但惜力有不能。僅合後方。然亦甚效。倘製就時。萬祈普惠廣施。則功誠不淺矣。

上好羊腦蘆甘石八兩。打如蓮子大。一分爲重。則用新銅罐盛入童便。浸四十九日。濾去宿童便。再入新童便煮。一炷香咬鹹酸味。不必再煮。又不可煮老。研爲細末。用缸片一大塊。將藥放在上。用硬炭火煨。一炷香久。甘石漸漸轉如松花色。細心謹慎取起。總稱勻分。作四分。作四法製之。四製法開後。

一分用薑汁煮三次。候乾。細研篩過。名曰虎液膏。另用磁罐盛之。不可出氣。一分用細辛、芥穗、薄荷各一兩。煮濃汁大半鍾。亦煮三次。如前研細篩過。名曰鳳

麟膏。另用磁罐收貯。

一分用晚蠶沙三升。炒爲灰。滾水淋灰汁大半鍾。亦煮三次。候乾研細。名曰青龍膏。另用磁罐收貯。

一分用童便再煮三次。候乾。研細。名曰羊腦玉。另用磁罐收貯。

以上俱要如法修製。并要銅鍋煮方佳。研極細。各將磁罐收貯聽用。用法開後。

一治內障。如迎風冷淚。怕日羞明。昏花等症。用

虎液六分

羊腦玉一分

鳳麟二分

冰片一分

合勻調點。

一治內障。翳肉扳睛。赤白翳膜爛弦等症。用

虎液二分

羊腦玉四分

青龍四分

冰片一分

合勻調點。

一治時行火眼。用

虎液七分

羊腦玉四分

硃

砂五釐細末水飛

合勻調點。

一治年久雲翳遮睛。不能行路。但見人影。如白衣人行。有血根。拔睛可治者。用

青龍六分

羊腦玉四分

每日骨簪點四五次。點後閉目。藥盡開

眼。直點至翳開之後。再用

虎液二分

羊腦玉四分

鳳麟三分

冰片一分

珍珠五釐煨研細末

琥珀五釐不用製細末

合勻。如法點。

以上照法調合點之。勿得配錯致誤。此非尋常可比也。珍之。

神效水眼藥方

治諸般目疾

羊腦蘆甘石用童便浸。春五夏三。秋七冬十日。取出略打碎。用瓦片盛於火盆內。

火煨二次。漂淨焙乾十兩。

辰砂研細水飛四兩。

山東黃丹水飛焙乾十兩。

麝香研細三錢。

乳香去油細末四兩。

硼砂研細二兩。

沒藥熨去油細末四兩。

海螵蛸去衣研細水浸漂淨焙乾十兩。

右藥各樣爲末極細。直研至無聲爲度。稱準不可多少。每藥末九兩。煉上好白

蜜一斤。調成膏子。其蜜要用絹帕濾三次。其蜜雖要煉三次。可以不必滴水成珠。總是熬化濾過而已。合就用磁罐收貯。蠟封過兩月方可用。愈久愈佳。經驗。

按五輪治療捷法

春來木旺之時。應在肝經。因嗔怒氣逆。上而不下。則傷肝。肝傷則納肝血。肝乃膽之母。肝熱則生風。故眼熱赤腫。淚如雨。羞明怕日。不便開張。此肝經實熱之症。肝乃東方甲乙木。在眼為風輪。貫清淨廓。通膽經。宜用瀉肝湯治之。

瀉肝湯

眼朦春月瀉肝先。柴薄梔芩歸芍添。陳草荆防通滑石。大黃膽草共黃連。先熏後食頻頻服。赤腫旋消喜自然。再合鎮肝丸子服。春時永絕舊根源。

鎮肝丸

蒼朮 八兩米泔水浸

谷精草 三兩

黃芩 三兩

木賊 三兩去節

石決明 煨一兩

皂角末 一兩

羊肝 一具不落水以竹刀刮去膜研爛如泥

右將前藥末共搗千搥。丸梧桐子大。每清茶送下三十丸。

補肝丸

治肝虛目暗。漸漸昏矇。時見黑花。視一如二者。

兔絲子酒煮

柏子仁炒各

枸杞三兩

山藥三兩

白茯苓二兩

防風一兩

枝子炒一兩

五味子一兩

車前子炒一兩

細辛五錢

甘草五錢

蕤仁三錢

川芎一兩

以上共爲細末。熟地三兩兔肝一具搗膏入藥。

右藥煉蜜爲丸。梧桐子大。燈草煎湯送下二錢。忌蘿蔔、蒜、椒、薑、魚腥、犬羊、煎炒、油麵、生冷之物。

夏來火旺之時。應在心經。凡人焦思不已。勞神動心。心不生血。血少不能養肝。故目無所視。兩眼四角爲大小眚。皆屬心。喜怒不常。思慮過度。房事恣意。水不能制火。上攻眼目。以致胥肉扳睛。熱血不止。刺痛難開。久而不治。翳生瞳人。身熱口舌生瘡。其病在心。心屬南方丙丁火。在眼爲血輪。貫抱陽廓。通命門經。

瀉心湯

眼紅夏月瀉心經。通草枝連生地停。甘滑荆防歸芍入。大黃紫草效通神。

秋來金旺之時。而應在肺。蓋肺爲華蓋。位居在上。冷熱不調。故損肺經。肺損不能生水。火無水制。炎攻於目。故黑睛上起白翳。謂之金尅木。肺屬西方庚辛金。在眼爲氣輪。貫傳導廓。通大腸經。

瀉肺湯

秋時眼病肺宜清。枳桔桑葶地骨苓。旋覆麻黃防共草。佐加歸芍地黃尋。煎嘗酌量分深淺。三帖麻黃不必增。

冬來水旺之時。而應在腎。房勞酒色恣意。則眼生花。如飛蠅之狀。視人物如堆煙。視太陽若水花。久而不治。則爲青盲也。腎屬北方壬癸水。在眼爲水輪。貫津液廓。通膀胱經。

瀉腎湯

冬時眼治腎之經。牛蒡芎歸與黑參。生地荆防柴芍藥。水煎溫服目還明。夫脾胃者。屬中央戊己土。每季各旺十八日。在眼爲肉輪。貫水穀廓。通肺經。

瀉脾湯

瀉脾枝芍菊荆防。枳桔元翹膽細羌。甘附木通歸蔓子。宣壅疎土正堪嘗。消風丹

點功還大。風熱全驅體自康。

消風丹

黃柏五錢

秦艽五錢

防風五錢

細辛五錢

黃連五錢

木通五錢

薄荷一錢

右研細末。水一鍾。浸一宿去滓。加菊花一錢。白蜜四兩。熬成膏。出火毒調點。
一治眼多淚用。

鯽魚膽七個

人乳一鍾

和勻。飯上蒸一二次點目。其淚自收。

四季加減煎藥方

當歸八分

白茯苓去皮八分

草決明炒磨碎八分

麥冬去心八分

黃芩八分

銀柴胡八分

生地黃八分

防風八分

白芍五分

羌活五分

川芎五分

粉草三分

青箱子水淘去泥磨碎八分

河水二鍾。加竹葉燈心為引。

春

倍加

柴胡

羌活

蔓荊

荊芥

減

茯苓

夏

倍加

黃柏

黃連

菊花

山枝

寒水石

秋

倍加

桑皮

黃連

黃芩

麥冬

白朮

赤芍

柴胡

冬

倍加

黃柏

知母

兔絲

山藥

枸杞

石決明

山枝

減

黃芩

羌活

山枝

飲酒過多。倍加

天花粉

減

茯苓

柴胡

黃芩

受寒頭痛。倍加

蔓本

荆芥

羌活

薄荷

減

受熱紅腫。倍加

蔓荆

山枝

羌活

黃柏

減

惱怒目痛。倍加

甘草

柴胡

朴硝

枳殼

香附

白蒺藜

車前子

旋覆花

夢遺目痛。倍加

山藥

兔絲

枸杞

熟地

天冬

覆盆子

勞神目腫。倍加

當歸

川芎

茯苓

遠志

人參

減

羌活

忌鮮魚、雞子、雞、燒酒、煎炒、生冷、麵食、酒、猪腦髓。戒怒惱、性急、焦躁。又忌桃、李、梅、

瓜、菜。并滾水洗面。

眼有七十一二症醫治

第一問

目有兩睛。猶天之有日月也。平空昏者何故。答曰。皆因酒色過度。憂愁思慮悲哭。或醉飽。臟血不勻。肝經抑鬱。則爲患矣。宜點虎液珍珠膏。服明目流氣飲。明目流氣飲。治目中障翳。隱澁難開。迎風冷淚。時時暴赤。視物不明。眼生黑花。

大黃炮

牛蒡子炒

川芎

甘菊

白蒺藜炒去刺

細辛

防風

元參

枝子炒

荊芥穗

蔓荊子炒

甘草

黃芩

木賊去節

草決明炒以上七分

蒼朮米泔水浸六分

水煎食後服。或爲末。臨臥時酒送二錢。一方加木通、白朮、石決明。

第二問

目有赤腫者何故。答曰。五臟熱邪內攻。以致心火暴盛。皆酒之所致也。宜點青龍虎液膏。服洗心散。羊肝丸。方見七十一問

洗心散 治肝熱傳於心經。積熱上攻。眼弦澀。睛疼。熱盛風多。

木通

赤芍

甘草

荆芥

黃連

薄荷

當歸

生地黄

水煎食後服。五問六十三問其方俱與此不同

第三問

目有赤而不痛者何故。答曰。肝實也。肝者。血臟也。肝實則血盛。盛則血氣上攻。侵貫瞳人。故赤而不痛。并痛至坐臥不得。宜點鳳麟。羊腦玉。服瀉肝散。

瀉肝散

大黃五錢

荆芥一兩

甘草一錢

共爲細末。每用熱湯送二錢。

第四問

目有赤而昏暗。起黑雲。大角紅者何故。答曰。肝虛也。肝屬木。木生火。子盜母氣。則

昏暗。火發則木衰。若心火旺。則血有餘。貫大角。侵於瞳神。目既赤而又昏也。宜點虎液膏。肝實者服瀉肝散。方見三問膽虛者服補膽散。心火旺者服瀉心散。

補膽散 治黑白內外障翳。膽虛者。膽以瀉為補。

當歸

羌活

蒺藜

蟬蛻

荊芥

甘草各二錢

共為末。每服二錢。米湯下。

瀉心散 治目赤疼痛。心火實者。

甘草二錢

澤瀉五錢

黃連三錢

共為末。每服二錢。燈心湯下。

第五問

目有大角赤痛者何故。答曰。心實也。大角屬心。南方火位之象。心火旺。則大角赤痛。宜點青龍膏。服洗心散。三黃湯。

洗心散二問六十二問俱有此名方不同

生地

薄荷

荊芥

防風

羌活	山枝	黃連	黃芩
柴胡	石羔	甘草	川芎
菊花	龍膽草	沙竹葉 <small>各等分 研細末</small>	

右散。日進三服。

三黃湯 治熱淚傾出。沙澀睛疼。怕日羞明。胞腫者。用
黃連 黃芩 黃柏各等分 水煎服。

第六問

目有小角赤者何也。答曰。心虛也。心屬火。火能生土。故火乃土之母。土實則火虛。如子肥知母瘦也。宜點虎液珍珠琥珀膏。服補心散。

補心散 治疼痛不已。

當歸 <small>一兩 錢五</small>	芎藭 <small>一兩</small>	生地 <small>一兩 錢五</small>	粉草 <small>一兩 錢五</small>
遠志 <small>去心 一兩 錢五</small>	柏子仁 <small>三兩</small>	酸棗 <small>炒 二兩</small>	人參 <small>一兩</small>
金箔 <small>一帖</small>	麝香 <small>一分</small>	琥珀 <small>三錢</small>	茯苓 <small>七錢</small>
南星 <small>五錢</small>	半夏 <small>五錢</small>	石菖蒲 <small>六錢</small>	辰砂 <small>五錢</small>

異授眼科 眼有七十二症醫治

共爲末。蒸餅爲丸。如綠豆大。硃砂金箔爲衣。每服七分。拌津含化。薑湯下。

第七問

目有白翳多者何故。答曰。肺屬金。金能生水。水若過旺。面上卽見風膜。肺竅因塞。失其精華。致肺托落。肺托落三字他書罕見存疑。肺因乾硬。故氣澁之而爲翳。金若不旺。則不能生水。水不能生肺。亦有乾燥之病。宜點珍珠膏。服補肺散。洗心散。洗心見藥方名。同此不立方未便亂用且其屬肺前洗心二方似不相宜

補肺散

當歸	五錢	黃芩	一兩	桔梗	四錢	赤芍	五錢
桑皮	一兩	麻黃	四錢	枳殼	四錢	葶藶	五錢
地骨皮	八錢	甘草	四錢	元參	八錢	白芷	四錢
生地	四錢	金銀花	四錢				

共爲細末。每服三錢。

第八問

目有翳而多淚不凝結者何故。答曰。卽是肺托落。肝虛也。宜點珍珠琥珀膏。服阿

膠散、補肺散。方見七問

阿膠散

白茯苓二錢

白朮二錢

川芎二錢

阿膠炒成珠二錢

當歸一錢

薑三片。棗三枚。水煎。不拘時服。

第九問

目有怕日羞明何故。答曰。脾實也。脾屬土。土受濕氣傳於肺。肺受心經邪火而傳於目。太陽受濕熱。則勝脾土。土盛肌肉壅塞難開。乃是濕氣相搏。故怕日羞明。宜點珍珠膏。服洗脾飲。密蒙丸。

洗脾飲 治胞腫赤痛。

當歸

天花粉

赤芍

黃芩

羌活

川山甲炒

金銀花

白芷

連翹

水煎將好。加大黃芒硝一二錢。即取起。食後服。

密蒙丸 此方還有在後。看加減服。此言還有在後。查後未見疑係脫簡。

密蒙花

菊花

羌活

石決明鹽水
侵炒

青精石

白蒺藜炒去
角

右各等分爲末。煉蜜爲丸。桐子大。每服三十丸。食後服。日三服。

第十問

目有視物不真者何故。答曰。脾虛也。脾屬土。肝屬木。木尅土。青黃相爭。黃不勝青。故視物不真。宜點珍珠膏。服蒼朮湯補腎丸。方見十
一問

蒼朮湯

蒼

朮米泔浸炒
一錢二分

本一錢

白芷一錢

羌活一錢

川芎一錢

甘草一錢

葱薑煎服。

第十一問

目有黑花。如飛蟬蠅者何故。答曰。腎虛也。腎屬水。水若枯。則腎虛。宜點虎液、青龍膏。服豬苓湯補腎丸。

豬苓湯

五味子

熟地

豬苓

肉蓯蓉酒洗

枸杞子

覆盆子

不用引水煎服。

補腎丸

五十四問六十六問各有補腎丸均相同

車前子

酒浸一兩

石斛

去根一兩

青鹽二錢

磁石

煨醋碎七次水飛二錢

沉香

另研錢五

兔絲子

酒煮二錢打爛

共爲末。煉蜜爲丸。梧桐子大。每服七十丸。空心鹽湯送下。

第十二問

目有迎風流淚者何故。答曰。腎虛也。肝木生風。腎水枯不能滋木。木乃腎之子。故

見風流淚也。宜點鳳麟羊腦玉服地黃丸。

明目地黃丸

四十八問亦有地黃丸其方不同此即薛氏選方減去石斛者

生地

酒一斤

熟地

酒一斤

防風四兩

枳殼

去瓢殼炒四兩

川牛夕

去蘆四兩

杏仁

去皮尖二兩

共爲末。煉蜜爲丸。梧桐子大。每服五十丸。

第十三問

目有赤筋扳睛者何故。答曰。心火主血。肝木主筋。血侵於筋。肝心同源。相傳於目。故曰血眼。多生扳睛。宜服三黃湯。不退再服當歸散。點珍珠膏。珍珠膏疑即虎珀液

三黃湯以大方見後五十二問

大黃二錢酒炒

黃芩一錢五分

黃連二錢五分

當歸散

當歸

白芷

羌活

甘草

枝子

牛蒡炒

共爲末。滾水調服。

第十四問

目有白膜遮睛者何故。答曰。肺金尅肝木。風邪在肺矣。金旺而木衰。故白膜遮睛。宜點珍珠膏。或點推雲散。服連翹飲。四順清涼散。

連翹飲

連翹

甘草

黃芩

枝子

薄荷 大黃酒炒 朴硝等分以上各
右共爲末。滾水下。或蜜丸亦可。

四順清涼散

大黃酒炒 川芎 山枝 赤芍
沒藥製去 歸身 枳殼 香附酒炒
生地 甘草等分以上各
共爲末。米湯下。

推雲散

蘆甘石五分 珍珠二分 瑪瑙三分 硃砂四分
熊膽一分 黃連一分 乳香六釐 沒藥六釐
麝香二釐 硼砂三釐
共爲細末點眼。

第十五問

目有遇風作癢者何故。答曰。肝經有風邪。肝屬木。一見風。燥動卽癢。宜點虎液膏。服荊芥散。

荊芥散

荊 芥

蔓荊子

甘 菊

白 芍

香 附

蒼 朮炒

草決明炒

甘 草以上各等分

共爲細末。每服一錢。黑豆湯下。

第十六問

目有早晨昏花者何故。答曰。此爲頭風注於目。頭乃諸陽之首。早晨昏。則陽衰。陽氣屬木。木旺寅卯辰時。故邪勝則生風。攻於目也。宜點羊腦玉。服蒺藜散。

蒺藜散

白蒺藜炒

芍 藥

茯 苓

甘 草

石決明鹽水炒

川 芎炒

羌 活

當 歸

防 風

蒼 朮米泔炒

蟬 蛻

麻 黃以上各等分

共爲細末。滾水送下。

第十七問

目有午後昏暗者何也。答曰。胃腦損也。元氣卽真元也。流傳於陰道。不歸陽道。自

午至戌之候。寒氣漸生。故主腦損。以致臨晚目昏。宜點珍珠膏。服寬中散、太陽丹、瀉肺散。灸風府穴。風府穴一名舌本穴在頂後入髮際一寸處

寬中散

青皮四兩

陳皮四兩

丁香四兩

甘草四兩

朴硝四兩

細辛五錢

厚朴二兩薑汁炒

白豆蔻二兩

共爲末。每服二錢。鹽湯下。

太陽丹 治太陽穴疼痛。名雷頭風。

大川烏一兩

石膏煨一兩

白芷一兩

甘菊一兩

共爲末。蜜和麵糊爲丸。硃砂羌活一兩。甘草二兩。細辛五錢。爲衣。每服八十丸。淡薑湯下。

瀉肺散

黑豆

白芷

澤瀉

當歸

枸杞

苦參

右藥各等分。水煎服。忌酒煎炒發物。

第十八問

目有昏花。迎風流淚。怕日羞明者何故。答曰。風熱上攻於目也。宜點虎液膏。服上清丸。

上清丸

羚羊角	犀角	牛黃	琥珀
<small>兩一</small>	<small>兩一</small>	<small>五錢</small>	<small>三錢</small>
厚朴	黃芩	川芎	白芷
<small>薑汁炒</small>	<small>酒炒</small>	<small>五錢</small>	<small>五錢</small>
菊花	防風	羌活	草決明
<small>八錢</small>	<small>八錢</small>	<small>八錢</small>	<small>一兩</small>
生地	熟地	防己	黑牽牛
<small>七錢</small>	<small>七錢</small>	<small>八錢</small>	<small>八錢</small>
蟬蛻	地膚子	滑石	
<small>去頭足</small>	<small>一兩</small>	<small>一兩</small>	

共為末。蜜丸。梧桐子大。每服五十丸。食後服。

第十九問

目有日夜疼痛者何也。答曰。陽毒之氣盛也。經云。靜則血氣衰。注於陽道。寒邪尅之。故日夜作疼。宜服撥雲丸。

撥雲丸

白蒺藜炒去

羌活

獨活

防風

生地黄

荊芥

當歸

蛇退

金銀花

蟬蛻

赤芍

甘草

水煎服。

第二十問

目有日中痛者何故。答曰。陽氣盛也。經云。陰靜則陽盛。陽火盛則旺於日中。見陽氣則痛。故知陰虛也。宜服洗心散。方見二問五問〇二問五問方重者服五問方各不同余以病輕者服二問方似有區別

第二十一問

目有浮眇白膜者何也。答曰。肺金受熱也。血盛則熱。氣盛則寒。肺氣盛則生膜白。乃肺之根也。肺受風邪。浮散於目。故有白膜遮之也。宜點虎液膏。服四順飲。四順飲未立方蓋即十四問四順清涼散也存疑

第二十二問

目有旋螺突出者何也。答曰。是積也。積乃臟腑之流毒。攻於外。發於目。血結於肝。木之積也。宜服蟬蛻無比散。點推雲散。方見十四問

蟬蛻無比散

蟬蛻去頭足

蛇退微炒

羌活三兩

當歸酒洗

川芎鹽酒炙

石決明鹽水煉

防風四兩

蒼朮米泔浸

茯苓四兩

赤芍二兩

炙甘草四兩

白蒺藜炒去刺

共爲末。食後服三錢。米湯調下。忌生冷油麵等物。

第二十三問

目有瞳人倒者何也。答曰。五臟俱損也。外因五色。內因五味。精液妄行。以致腎水枯竭而傷肺肝。知五臟損也。宜點珍珠虎液膏。服菊花丸。

菊花丸

菊花四兩

巴戟一兩

五味子二兩

肉蓯蓉酒洗

枸杞二兩

共爲末。蜜丸梧桐子大。每服用鹽湯送下三十丸。

第二十四問

目有青膜遮睛者何也。答曰。目乃腎水之源。精神之腑。五臟積熱。壅滯氣血。衝擊

肝木。故青膜遮睛也。宜點青龍琥珀膏。服洗肝散。

洗肝散

薄荷葉

川芎

大黃

當歸

枝子

防風

羌活

甘草以上各等分

共爲末。每服三錢。食後服。

第二十五問

目有瞳人黃者何也。答曰。黃風內障也。五行應變。升降爲先。若血氣衰澀。不能應目。故瞳人黃也。宜點珍珠散。服椒紅丸。

夜光椒紅丸

川芎一兩

白蒺藜錢炒三

防風五錢

蒼朮炒二兩五錢

熟地三兩

車前子錢炒三

元精石五錢

羌活一兩

當歸一兩

川烏一兩

陳皮一兩

黃連一兩

珍珠五錢

人參五錢

川椒五錢

共爲末蜜丸。梧桐子大。每服四十五丸。木香湯下。

第二十六問

目有白星散亂。頭昏眼花黑暗者何也。答曰。氣血衰也。氣血者。周流百脈。百脈一衰。六陽俱起。頭即昏眩。血脈不行。故生白星。昏花黑暗。宜服川烏散。點推雲散。見方問十四

川烏散

川烏煨

細辛

川芎

防風

生地

當歸

芍藥

甘草

人參以上各等分

共為末。每服二錢。酒送下。

石膏二川湯石膏二川湯中未見疑漏載

石膏

川烏

川芎

防風

荊芥

羌活

連翹

升麻

水煎服。

第二十七問

目有粉青而昏者何也。答曰。脾家風濕。瘀血滯精。宜服分昧散。點推雲散。方見十

分昧散

琥珀一兩

防風一兩

元參五錢

蔓荊子炒一兩

草決明五錢

甘草一兩

細辛一兩

牛蒡子炒一兩

蒼朮米泔浸一兩

大黃一兩

甘菊一兩

白蒺藜炒一兩

水煎或為末。白湯調下。每服二錢。

老膜散 治翳膜極重者。此老膜散法中未見忽附於此前證用此未免過峻施之翳膜極厚者可也

珍珠二分

熊膽一分

辰砂一分

陀僧一分

麝仁一分

白丁香一分

勃薺粉二分

硃砂一分

共為細末點之。

第二十八問

目有赤脈下垂而昏痛者何也。答曰。是肝家邪風所致。木生火。火乘風邪。故血妄行。宜服通血散。

通血散

草決明

防風

荊芥

赤芍

當歸

大黃

山枝

羌活

木賊

蒺藜

甘草

共爲末。每服茶湯調服三錢。

第二十九問

目有赤腫。瞳人痛者何也。答曰。腎水枯。心火旺。水不能勝火。宜服洗心散。方見二問
補腎丸。方見十一問

第三十問

目有沙澀流淚者何也。答曰。脾家熱也。翻過眼皮。將針撥破紅點。銅烙熨之平復。
若熱淚睛痛。怕日羞明。胞腫。宜點推雲散。方見十問服加味洗心散。方見二問五問
各不同見證
斟酌用之

第三十一問

目有白珠多紅者。及眵淚沙澀難開何也。答曰。患目之後。多受風寒。而氣血不通。
九竅閉塞。以致肺氣衰弱。心火太旺。故心血欺凌肺金。宜點珍珠虎液膏。服和血

補氣飲。

和血補氣飲

防風一錢

黃芩一錢

蔓荊子一錢

白芷一錢

柴胡一錢

甘草五分

當歸一錢

升麻六分

水煎服。

第三十二問

目有眵淚如膿。赤腫而昏者何故。答曰。腎虛心虛。名曰龍虎交困。宜服坎離丸。補腎丸。方見十點推雲散。方見十四問。

坎離丸

白朮土炒

細辛

川芎

草決明炒

羌活

當歸

五味

防風

官桂

菊花

元參

白茯苓

地骨皮

青箱子

車前子

甘草

人參

苦參

黃芩以上各等分

共爲末。煉蜜爲丸。每服四十丸。米湯下。

第三十三問

目有迎風冷淚。多膜而昏痛者何也。答曰。此肝木生心火。火旺而金衰。故不得尅制肝木。名曰東西合戰。宜點推雲散。方見十四問宜服瀉肝散。補膽散。方見三十四問

人參湯。人參湯漏人參湯法中未見蓋載。搗病原亦宜服。

人參三錢

黃連五錢

蔓荊子炒三錢

甘草二錢

白芍二錢

黃柏鹽水炒二錢

知母鹽水炒二錢

水煎溫服。

第三十四問

左右目互相赤紅何也。答曰。血邪攻衝也。肝臟不足。爲風熱相爭。左右來往。脈有偏盛偏衰。故曰互相赤紅也。宜敷赤頭散。服蠶紙丸。芍藥湯。

蠶紙丸

晚蠶蛾

蟬蛻

菊花

羌活

谷精草

甘草各等分

共爲細末。蜜丸。每服三十丸。茶下。

赤頭散

南星二兩

赤小豆三兩

共爲末。淨水調敷眼眶。并太陽二穴。如乾以水潤之。取效。

第三十五問

目有暴生眇障。頭面腫痛何也。答曰。太陽火熱。受風邪也。宜點珍珠虎液膏。服川芎散。洗心散。方見二問。川芎散。漏未立方。按證用二問之洗心散。不如用五問之方。效速。曾驗。

第三十六問

目有縱橫赤脈。沙澀眇膜多淚。怕日羞明者何也。答曰。飲食不節。損傷脾土。以致精神短少。況水屬太陽。其氣生肝木。木旺則生風。風濕相搏。故怕日羞明。點珍珠虎液膏。服柴胡散。退血散。退血散。漏未載。方可惜。

柴胡散

柴胡

菊花

元參

甘草

地骨皮

赤芍

黃芩

羚羊角

共爲末。白湯下。

第三十七問

目有黑花。當時墮淚難開者何也。答曰。肝經不足。內受風熱。上攻於目。或血氣時行。暴赤腫痛。宜點推雲散。方見十問服明目流氣飲。方見一問

第三十八問

目有沙澀流淚。爛弦赤痛者何也。答曰。宜用手法。將眼皮翻過。用針輕輕撥破斑瘡。取三四次。宜服清毒散。點推雲散。方見十問

清毒散 治風濕眼痛。

大黃

荊芥

牛蒡子

甘草

水煎服。

第三十九問

目有年深月久。赤脈貫睛。淚出如傾者何也。答曰。心火未除。肺氣相搏。故赤。宜服瀉肺散。

瀉肺散

桑白皮

茯苓

黃芩炒

共爲末。每服二錢。燈心湯下。

第四十問

目有胥肉扳睛。紅障壅上者何也。答曰。用青龍膏一點。卽用手法取之。再點。如痛者。加茶調散。

茶調散

防風

羌活

柴胡

甘草

當歸

黃芩

生地

川芎

天花粉等分

共爲末。沙糖水茶調下。

第四十一問

目有烏睛突出而痛者何故。答曰。心肝二經受邪。以致毒氣上攻。宜服洗心散。見方

洗肝散

赤芍

細辛

遠志

防風

桔梗

甘草

人參

羚羊角

黃芩以上各等分

水煎服。

第四十二問

目有太陽穴如針刺腫痛。服藥不愈者何故。答曰。心經熱搏。上攻於腦。宜用清淨膏。又外敷和雞子清塗。數日再用手法取之。再點珍珠虎液膏。又外敷赤頭散。方見三十問內服洗心散。方見二問加川芎、羌活。

清淨膏

南星

薄荷

荊芥

白

芍以上各等分

共爲末。用雞子清調敷眼眶上。

第四十三問

目有兩角爛弦者何故。答曰。風邪外感。熱氣內攻。先點推雲散。方見十四問後點虎液膏。

第四十四問

目有暴發赤腫。沙澀難開者何故。答曰。體虛脾弱。酒色過度。宜點珍珠虎液膏。宜服人參敗毒散以散其熱。

人參敗毒散

人參

前胡

薄荷

羌活

桔梗

枳殼

陳皮

川當歸

川芎

半夏

茯苓

黃連

黃芩

枝子

生地

水煎服。

第四十五問

目有棗花形如鋸齒者何也。答曰。乃體厚而多熱。或飲酒而多濕。性多濕熱到肝。肝經傷。被風搖動。肝經有損故也。宜點鳳麟膏。服蟬蛻無比散。方見二問再服黃連敗毒散。

黃連敗毒散

黃連

黃柏

黃芩

獨活

異授眼科 眼有七十二症醫治

五六

羌活

防風

當歸

連翹

藁本

桔梗

人參

蘇木

甘草

黃耆

以上各等分

水煎服。

第四十六問

目有臨臥而不見物者何也。答曰。雀盲。含糊模稜。非至理也。宜先服蒼朮猪肝散、蛤粉散。

蒼朮猪肝散

蒼朮

米泔浸炒八兩

谷精草 一兩

共爲末。用猪肝一具煮爛。同前藥爲末。米飲下。食後服。或酒下。

蛤粉散

蛤粉 一兩

夜明沙 五錢

黃蠟化開爲丸。如棗子大。用猪肝一具。入丸於內。麻線紮。井水煮熱。乘熱薰眼至溫。吃猪肝并汁以愈爲度。

第四十七問

目有太陽穴疼痛。日夜呻吟何也。答曰。七情之液盛。名曰頭風。宜點珍珠散。服太陽丹。方見十有翳點推雲散。方見十四問。

第四十八問

目有拳毛倒睫。上皮搭下皮。有翳膜者何故。答曰。膀胱經熱也。宜夾起上皮。灸一壯。用搐鼻散。服地黃丸。如不用夾。祇用粉霜敷上亦好。

搐鼻散 并治內外障。

麻黃一錢 歸身一錢

共爲粗末。炒黑色。加乳香、麝香少許。再研細末。吹鼻中。

地黃丸十二問地黃丸與此不同

熟地 川芎 人參 當歸

白蒺藜

共爲細末蜜丸。食後茶下。

第四十九問

異授眼科 眼有七十二症醫治

目有青膜遮瞳人。視物不明者何也。答曰。腎虛也。宜服巴菊枸杞丸。肝經虛熱。下弦白。曰冰眇障。服明目地黄丸。方見十問先點老膜散。方見二問三日點推雲散。方見十四問將愈。點珍珠虎液膏。戒酒色。

巴菊枸杞丸

川巴戟去心三兩

菊 花一兩

枸 杞六兩

肉蓯蓉酒洗四兩

共爲末。蜜丸。每服五十丸。鹽湯下。

第五十問

目有斑點者何也。答曰。肝經邪熱也。風氣相搏。宜服洗肝散。方見二問清毒散。方見八問詩曰。偶然氣腫不分明。斑點如珠日夜疼。數粒茱萸無二樣。變來真是蟹睛形。金仙作烏珠突出針鈎破。速備珍珠散更明。此是良醫無價寶。濟人陰德不爲輕。傳記

第五十一問

目有小兒出痘。翳膜遮睛者何也。答曰。浮翳可治。若視之如粉牆白者不治。若障厚者。點老膜散一二次。方見二問再點推雲散。方見十問并服蟬蛻無比散。方見二問

第五十二問

目有二三歲孩童患之者何也。答曰。乳毒之故。若紅腫流淚者。宜服三黃丸。

三黃丸

黃柏

黃連

黃芩

共爲末。蜜丸。米湯下。

第五十三問

目有出痘。眼下皮漏膿者何也。答曰。痘之餘毒。用三棱針四圍撥破。出血爲度。將金針蘸清淨膏點漏處。方見四十二問宜點珍珠虎液膏。服白薇散。

白薇散

白薇二兩

生地一兩

白蒺藜一兩五錢

防風一兩五錢

石榴皮九錢

羌活一兩

共爲末。枸杞湯下。

第五十四問

目有珠上轉如月出東海之狀者何也。答曰。名爲扶桑翳。皆因肺被心火所傷。不安。心火炎炎。魄不守舍。肝家元氣不安。宜點珍珠散。洗心散。方見五問服補腎丸。散洗心

應脫一服字〇十一問六十
六問俱有補腎丸與此各異

補腎丸 白色且後用硃砂為衣更可證其誤

兔絲子

枸杞

白硃砂

青鹽

熟地

破故紙

石斛

巴戟天

丹皮

酸棗仁

肉蓯蓉

茴香

共為末。蜜為丸。梧桐子大。硃砂為衣。鹽湯下。

第五十五問

目有如轉轆轤。漸生內障者何也。答曰。心腎虛耗。水火不交故也。宜點珍珠虎液膏。服加味羊肝丸。返睛丸。

加味羊肝丸

羊肝

一具去筋細

辛一兩

熟地

五錢

羌活

一兩

五倍子

一兩

白菊

一兩

防風

一兩

杏仁

去皮一兩

兔絲子

一兩

茯苓

一兩

草決明

炒一兩

枸杞

一兩

青箱子

一兩

地膚子

一兩

充蔚子

一兩

石決明

煨一兩

共爲末。煉蜜爲丸。每服五十丸。或鹽湯或酒下。日三服。

返睛丸

川芎一兩

白蒺藜五錢

白朮五錢土炒

木賊五錢

羌活五錢

細辛五錢

防風一兩

熟地二兩

獨活五錢

白芷五錢

荆芥五錢

枸杞五錢

石決明五錢

甘草三錢

天麻二兩

菊花五錢

麩仁四錢

生地五錢

車前子炒一兩

青箱子五錢

兔絲子五錢

草決明五錢

共爲末。蜜爲丸。每空心鹽湯下三五十丸。

第五十六問

目有患雞冠蜬肉者何也。答曰。五臟之熱血侵貫。待白露。或用刀割。宜點冰片虎液膏。服返睛丸。即愈。方見五問

第五十七問

目有小兒痘疹患目者何也。答曰。痘乃胎毒。宜服黑豆丸、兔兒丸。

黑豆丸

黑豆一升

黃芩一兩

黃連一兩

大黃一兩

甘草一兩

朴硝一兩

密蒙花一兩

用水三碗。藥豆同煎。豆乾爲度。去藥。每服豆三十粒。細嚼米湯下。

兔兒丸

谷精草錢炒五

黃連五錢

人參三錢

枝子錢炒五

當歸七錢

薄荷錢炒五

柴胡四錢

升麻四錢

兔絲子兩炒二

共爲末。空心米湯送三錢。蜜丸亦可。

第五十八問

目有被物損壞其瞳者何也。答曰。瞳神不破。宜服退血散。又服麤仁丸。三十問未載方是否二十八問通血散通退字形原可訛以此存疑

麤仁丸

麤仁去皮油六兩

黃連一兩

石決明兩一

元精石兩二

共爲末。用黑羊肝一具。竹刀刮去筋膜。切片瓦上焙乾爲末。同前藥米糊爲丸。每服茶送七十九丸。重者不過一月見效。

第五十九問

目有上下皮腫而硬者。服藥不退。用手法取之不效者何也。答曰。要用手法五七次。宜服升麻葛根湯。

升麻葛根湯

升麻

芍藥

甘草

葛根

水煎服。

第六十問

目有不見黑白。一片烏者何故。答曰。是肝腎受風邪也。宜點珍珠虎液膏。服明目地黃丸。方見四十八問

第六十一問

目有紫色。齋肉堆滿眼者何也。答曰。肺肝之虛熱也。肝木生心火。使血侵於目。將上下眼胞。用法取之。宜點推雲散。方見十四問服瀉肺散。方見三問補膽散。方見四問○瀉

字之誤

第六十二問

目有白花如絮者何也。答曰。肺金不能上應也。因於脾胃太弱。不能生金。又兼心火太甚。灼乎肺金。氣上升散。行於目故也。宜服補肺散。方見十問平胃散。

洗心散。洗心散法中未見其方與五問之定有錯誤。洗心散仍之存疑。

黃耆蜜炙

甘草

當歸

防風

升麻

荊芥

白芷

水煎服。

平胃散

黑豆炒

澤瀉

當歸

枸杞

白朮

黃芩

共為細末服。

第六十三問

目有肉患者何也。答曰。用手法微破之。點珍珠散。或在兩角。可取去血。點。推雲散。
方見十四問宜服地黃丸。方見十四問服返睛丸。方見五十五問疑誤蓋卽珍珠虎液膏前批明

第六十四問

目有睛上浮翳。與黑白不相粘者。何法治之。答曰。可用手法。將銅鈎鈎起上皮。繫於鬢上。再點珍珠虎液膏。或點水眼藥。

第六十五問

目昏不痛。日日出暴淚者何也。答曰。腎陰虛。並心陽亦虛也。宜點珍珠散。服益陰腎氣丸。珍珠散六十問批明

益陰腎氣丸

澤瀉

茯神

生地

丹皮

山藥

當歸

柴胡

熟地

人參

山萸肉

五味子

遠志

以上各一錢

石菖蒲 四錢

共末蜜丸。每服五十丸。空心鹽湯下。一日三服。

第六十六問

目有患花翳白陷者何也。答曰。肺金被心火尅制。金虛不能平制肝木。木反侮金。腎水又枯。不能制火。火更旺而肺金益虛。宜服補腎丸。點水眼藥。

補腎丸

十一問五十四問之
補腎丸與此俱異

人參

白蒺藜

白朮

杏仁

蒼朮

蛤蚧

玉屑

白石脂

車前子

金櫻子

旋覆花

五味子

黃

精等以上各

共爲末。每服二錢。米湯下。

第六十七問

目有卒然淚出如傾。陡然翳膜花者何也。答曰。將錢合在上胞居中。用燈心火灸錢孔中一壯。將錢埋在灶前地下卽愈。

第六十八問

眼有野外忽然飛絲入目。疼痛不已。何法治之。答曰。可以服糖煎散。點玉露霜。一

二次即愈。或用京墨汁點。如麥稻芒屑入目內。大麥煮汁洗之。塵物入目。用食鹽冲水洗之。又天絲入目。用鱧魚血點入。以燈心捲出。即愈。玉露霜後未載方存疑

糖煎散

防風

大黃

當歸

赤芍

荊芥

甘草

牛蒡子

川芎以上各五錢

膽草四錢

水煎。入砂糖調服。

第六十九問

目有順逆生翳。淚多羞明者何也。答曰。胃受寒。脾受熱。心腎兩虛。宜服補心散。方見六十九問

第七十問

目中障如偃月而疼痛者何也。答曰。肝經不足。肺氣太過。為金剋木。宜服湯泡散。又服補腎丸。方見六十六問六十六問補腎丸內有旋覆五味取其入肺也

湯泡散

當歸

赤芍

黃連

蟬蛻

共爲末。滾水泡。每服二錢。乘熱熏眼。溫服。

第七十一問

目有內障。一聚一散。如雲掩者何也。答曰。乃是五臟餘毒。風熱上攻。有進有退。故也。宜服羊肝丸。點推雲散。方見十四問并點水眼藥。

羊肝丸

羊肝

去一具洗

黃連三兩

當歸一兩

麝仁去一兩

先將羊肝入砂鍋內煮爛。後入黃連等末。搗爲丸。桐子大。每服五十丸。米湯下。

第七十二問

目有障膜。形如垂簾者何也。答曰。頭風引邪。不能四散。攻入於目。宜服二神散。點珍珠虎液膏。

二神散

車前子

兔絲子酒煮

五味子

枳殼

熟地

當歸

共爲末。蜜水調下。

以上七十二症方治。俱係異授。審視明悉。對症用藥。手到病除。真有令人重見天日之功。

眼丹 敗毒黃連丸

黃連

甘草

連翹

羌活

各一兩

共末蜜丸。梧桐子大。服五十丸。白湯下。

上下眼丹 流氣飲

芍藥

茯苓

防風

甘草

柴胡

羌活

獨活

川芎

青皮

紫蘇

荊芥

麥冬

連翹

石膏

水煎飽時服。夏月加黃連

赤眼神效八寶丹

當歸一兩

防風一兩

川連一兩

朴硝

二兩

異授眼科 眼有七十二症醫治

六九

杏仁去皮尖二十粒 銅青一錢 白礬五錢 郁李仁去皮四粒
以上八味俱要稱準分兩以生絹包之如梅子大放碗內傾水泡一時再隔水
燉熱熏洗一日五次

經驗奇方

七鍼丹

白菊花三錢

花椒三錢

青鹽二錢五分

銅綠三錢五分

膽礬三錢五分

烏梅一個去核

新花鍼七口用絲線穿就

前藥六味研碎用淨水一飯盃拌勻盛入深盃內針置藥下再加水二盃線頭
露出盃沿用大盤蓋就隔水放鍋內蓋好煮六時之久木炭火須大不失時候
隨時添火針化丹成用淨絹擠去藥渣磁瓶裝之放陰地一日即可取用此藥
永遠不壞每用少許搽眼外眶內眼角少閉片時立可見功凡鍊此丹總宜虔
誠爲是針化丹成方能取驗如煮至六時針有未化不可用須另煮按此丹傳
自隨州陳茂才家茂才樂善好施年六十雙目成瞽忽來一客傳此丹而去陳

依法試之。光明日見。未及半載。雙目復明。後遇有目疾者。治之無不神效。

治內障雲翳神效方 愈者多人。

雄鷄化骨三個

古銅錢一個

新花針三口

大烏梅三個

大杏仁七個

真膽礬三錢

大青鹽一錢

砂仁一錢

川椒二錢 煉去口者

右藥置磁罐內。以水二茶杯浸之。封固過七日洗眼。其水春秋用溫。夏用涼。冬用開熱。每日用水洗眼眶外皮。次日即效。

年記

異授眼科一書。予家姑丈涿鹿李先生所授也。此書傳自異人。世無別本。予見而愛之。乞以攜歸。祕之篋中者二十餘年矣。癸巳歲。宦遊西粵。文華王公。時中丞適句宣是邦。晨夕過從。偶於案頭得睹是書。因謂予曰。此盲者之寶筏也。何以珍之篋中。不廣爲傳布耶。隨卽舉而授之梓。並按方修合。遇病目者療之。無不隨手立愈。予然後知是書之誠爲祕本矣。甲辰之夏。旣刻集驗良方。復以此書附之於後。俾天下之人。得是書者。咸熙皞皞。游於光天化日之下。而無呻吟愁痛之聲。與夫悵悵何之之歎。是則予之志也。夫。甲辰七月望日。偶齋識。

吳授眼科年記

二

〔清〕

顧錫

著述

銀海指南

中國醫學大成

銀海指南提要

清顧錫著。錫字養吾。桐鄉人。嘉慶庚午刻成。張起麟序曰。先生憫天下人之目疾。何其多。不能徧爲主救。乃出生平所學。參以古大家之論。著爲是書。辨輪廓。所以明經絡也。戒鉤割。所以養精血也。至於七情六淫分致疾之原。五藏六府表主病之象。辨脈辨舌。不厭其詳。用藥用方。貴充其類。可兼症患病情之變。存醫案準治法之宜。可謂大無不包。細無不入云。其立法詳見於治目總論中。至於用方。則宗景岳。用藥則守之才。足見與古爲徒。心源印合。先生惟刀針素所避忌。此一寸之瞳神。其目尙有全理乎。凡胬肉壅腫高凸。乃血氣爲六淫所侵。凝而不散所致。行血祛邪。耐心調養。自然消退。若妄施鋒鏑。痛傷元氣。立見其敗矣。觀先生之論。與所著之案。始知先生之學。凡六淫之感。七情之傷。必先有以澈乎生原。而後施以補瀉溫涼之劑。以故投無不效。病無不起。於是復其光明之體。其非平時窮原竟委。曷克臻此。

銀海指南提要

朱序

天下之目瞽於病者半。瞽於醫者亦半。醫者自瞽其心。而欲不瞽天下人之目。勢必不能。余二十年中。走南北數千里。見醫者千百輩。醫目者亦百十輩。其能起沉疴。療痼疾。曾不得數人焉。而因噎廢食者。遂創目不醫不瞎之說。嗚呼。是說起而天下之目。胥受其禍矣。然亦由不善治目者之有以禍之也。桐鄉顧養吾先生。憫天下之目。受其禍。而不能徧爲之救。乃出生平所學。參以古大家之論。著爲銀海指南四卷。辨輪廓。所以明經絡也。戒鉤割。所以養精血也。至於七情六淫。分致疾之原。五臟六腑。表主病之象。辨脈辨舌。不厭其詳。用藥用方。貴充其類。可兼症患。病情之變。存醫案準治法之宜。可謂大無不包。細無不入已。前年冬。余以先大夫憂旋里。獲讀先生書。知先生之學。固不僅以治目名也。憶乾隆庚戌間。伯兄邁目疾踰半載。手足復腫痛。不能運動。諸醫以溫涼補瀉之藥。輕投之。兩目幾瞽。而餘疾不少衰。迨後先生至。笑謂先大夫曰。是濕熱壅滯所致。療之至易。如其法而患痊。蓋先生之於醫。無不通。而治目其緒餘耳。先生與先大夫爲莫逆交。余少時習

聞先生教。略通素問靈樞之義。今海內莫不宗仰先生。得是書以廣其傳。庶幾言
醫者不致瞽其心。而天下之人亦不致瞽其目也。是爲序。
嘉慶己巳冬世愚姪海鹽朱方增拜譔。

張序

靈樞大惑論曰。五臟六腑之精氣。皆上注於目而爲之精。目貴乎湛然常清也。自外有六淫。內有七情。病之及於目者多矣。倘治之不善。或至貽害終身者有之。僕嘗見業是科者。或竊取數方。或合成點藥。便懸輪廓圖。詡詡然自矜爲專科。至問其病之所以然。則茫乎不知其所自來。噫。是盲醫也。尙可以治目乎哉。桐鄉養吾顧先生。以眼科名於時。人之患目者。遠近爭趨之。僕習聞病目者曰。吾之目。賴先生而存。或又曰。吾之目。微先生幾廢。竊疑先生醫目如是之神。必有不傳之祕。獨得之奇。故能超絕恆流。取譽當世。今觀先生之論。與所著之案。始知先生之學。於凡六淫之感。七情之傷。必先有以澈乎其源。而後施以補瀉溫涼之劑。以故投無不利。病無不起。然則先生之於醫。不尙異。不矜奇。祇於受病之源。看得透耳。醫師之良。孰踰於是。是卽以先生之學。治他病。亦何所往而不宜耶。今乃以眼科名。是亦未以足盡先生也。然以眼科名。亦見先生之全力。盡在於眼科矣。茲本其救世之心。出此指南示人。俾治目者。不至誤於他歧。或補或瀉。或補瀉兼行。各得其道。

銀海指南 張序

於以復其光明之體。豈非斯世之人一大快乎哉。是爲序。
嘉慶十有四年歲次己巳孟夏之月海昌張起鱗拜撰。

題詞

吾讀華元化著中藏經。曾聞治眼良法求空青。五輪入廊。遞運水火木金土。經絡精血苞含元氣無留停。六淫七情或客感。天和歲氣偶爾生。哇町治之非難亦匪易。要在心細手乃靈。溫涼補瀉各異用。先保神膏一點無傷刑。鍼金屑玉神乎技。一或不中。往往殘其形。真人思邈久不作。繪圖標證徒丁寧。誰歟閑邪守正法。徧與盲瞽開昏冥。桐溪聶叟名儒列。去翳還睛得真訣。熟精靈素窮醫藏。藝成何止肱三折。讀書多自活人多。請藥扣門時不絕。閒來石室手著書。迴與寶鏡元機陽秋鐵鏡諸家有區別。迷途喜有車指南。十手傳鈔無暫歇。歲在嘉慶庚午冬。爰命梓人壽劖。醫林從此得指歸。咸免騎牆趣敗闕。永爲銀海作津梁。萬古高懸霜夜月。

養吾先生銀海指南刊成。謹賦小詩。奉呈
榮政。

長塘鮑廷博拜手時年八十有三

銀海指南題詞

前跋

九竅之病。惟目爲最重。苟有誤治。其失明者無論矣。卽神膏未損。遇善手極力挽救。已不免微雲點綴。滓穢太清。良可恨也。古人所以另立專科。俾得精通一藝。不至於多歧亡羊。奈今世之業是科者。每以發散攻伐爲用。其貽禍可勝言哉。吾師顧養吾夫子。獨窺靈蘭之秘旨。辨症酌方。投無不效。是以名震南北。遠近爭赴。無虛日。僑寓松郡以來。積案盈千累萬。今年春。先生懼其多而散失。集其已驗者若干症。編爲二卷。更著六淫外感七情內傷雜病兼症等論。并發明五臟六腑主病。無微不挾。無義不搜。誠眼科之指南。抑醫林之圭臬也。其立法詳見於治目總論中。至於用方。則宗景岳用藥則守之才。足見與古爲徒。心源印合。然巧運神思。獨抒己見。豈末學所能測識乎。昔倪微德原機啓微一書。立齋薛氏奉爲至寶。刻入廿四種內。其治法亦以補益爲主。與東垣之脾胃。丹溪之滋陰。後先一轍。故附案甚多。外此諸大家。於眼目一症。皆有條論。莫不寒熱虛實並陳。補瀉溫涼互用。惟張子和自患目疾。有人以鍼刺出血而愈。遂宗血實破之之法。創爲謬論。一變而

爲鈎割。再變而爲炮烙。受其害者。殆不可勝數。近時張飛疇能以金鍼撥障。頃刻奏功。詳見於張氏醫通。洵爲神妙。世有傳其術者。爭羨慕之。然撥愈者固多。撥傷者亦復不少。總非善治。先生綜核前賢之要旨。先究本原。次詳臟腑。後及經絡。按脈論症。宜其能使昏然者昭然。而眊焉者亦得瞭焉也。憶乙丑秋季。偶罹目患。歷醫數人。過服散風清火之劑。幾至歸於長夜。賴先生力。得留一隙之明。仍硯耕筆織。然棘園久困。無志功名。間嘗窺探醫籍。以圖濟人自濟。計亦兩得。來從先生游。授以此編。口講指畫。不啻當頭棒喝。因請付梓。以公同志。俾天下之誤於所治者。日置案頭。按症索方。庶不至一誤再誤。而貽誤無窮矣。寧非斯民之大幸事哉。嘉慶十有二年歲次丁卯仲冬朔後二日平湖受業門人及芬郁芳氏百拜跋。

例言

一、醫學十三科。眼醫其一也。所以分門者。正欲其專門也。周禮醫師爲醫官。長下四官。各有所掌。然疾醫不使之療瘍。內外之症異。懼不專也。是編原爲治目。其中涉及他症者。大略而已。不及詳也。

一、華元化中藏經載治眼四方。并種空青一法。唐孫真人思邈著銀海精微。繪圖標症。末有龍樹禪師龍木論一卷。疑後人僞託。概難憑信。

一、東垣十書。丹溪纂要。倪仲賢原機啓微。載於薛案中。俱有發明。足資考鏡。

一、內經司天運氣。歲分五運。時分六氣。金木水火土。有太過不及。二太二少。厥陰陽明有勝復客主。故生化收藏。遵乎時令。編中採其大略。所謂必先歲氣。毋伐天和。

一、人之受病。不過六氣七情及雜症五字。陳無擇所謂內因、外因、不內外因。三者而已。然必審其是內是外。不內外。真知灼見。然後施治。若初起先自騎牆。處方豈能中的。故醫必有方。醫不執方也。

一、李東垣、朱丹溪、張子和、王節齋、汪石山、許叔微、薛立齋諸先生。於眼科皆有醫案。余向來私淑。然余遇症。必盡心推詳。以此獲效良多。茲存幾案。亦鵠雪之意耳。

一、開導之法。如寶鏡元機、陽秋鐵鏡諸書。載之綦詳。然以利刃烈炬殺伐此一寸之瞳神。其目尙有全理乎。凡努肉壅腫高凸。乃血氣爲六淫所侵。凝而不散。所致。行血祛邪。耐心調養。自然消退。若妄試鋒鏑。痛傷元氣。立見其敗矣。余故不爲也。

一、集中所引諸書。不取隱僻。但取理明詞達。昔薛立齋三代以下名醫也。與其門人論理學爲多。蓋醫理卽儒理也。有讀書而不能醫者矣。未有不讀書而能醫者也。余不能讀書。醫或間有天幸。及門中疑余有祕術。余因憶向時聞見所及者。述此編以示之。深愧誕妄。大雅君子。幸教以所不逮焉。

銀海指南目錄

卷一

守正闢邪論	一
面部定位圖解	二
五輪八廓大略	三
五輪解	五
八廓解	六
輪廓解	八
運氣總論	八
六氣總論	二
風	四
寒	五

暑	一六
燥	一八
火	一九
七情總論	二一
喜	二二
怒	二三
憂	二四
思	二六
悲	二七
恐	二七
驚	二八

卷二

瞳神論	一
心經主病	三
肺經主病	三
肝經主病	四
脾經主病	六
腎經主病	七
三焦主病	八
小腸主病	八
膽經主病	八
胃經主病	九
大腸主病	九
膀胱主病	一〇

雜病總論	一〇
氣病論	一二
血病論	一三
痰病論	一四
食病論	一五
鬱病論	一六
兼症總論	一七
傷寒兼目疾論	一八
瘟疫兼目疾論	一九
中風兼目疾論	二一
頭風兼目疾論	二二
虛勞兼目疾論	二三
鼓脹兼目疾論	二四
咳嗽兼目疾論	二五

卷二

黃疸兼目疾論	二六
遺濁兼目疾論	二七
痰瘧兼目疾論	二八
瀉痢兼目疾論	二九
瘡瘍兼目疾論	三〇
胎產兼目疾論	三一
經帶兼目疾論	三二
痘疹兼目疾論	三四
五疳兼目疾論	三五
辨脈法	三六
辨舌法	三九
用方法	四二
用藥法	四五

卷四

湯丸備要附細目	一
點藥諸方附細目	五九
治驗存參	一

附湯丸備要細目

六味地黃丸	崔氏八味丸	七味丸	都氣丸
八仙長壽丸	明目地黃丸	滋腎生肝飲	滋陰腎氣丸
知柏八味丸	加味地黃丸	左歸飲	左歸丸
右歸飲	右歸丸	人參固本丸	天王補心丹
龜鹿二仙膏	扶桑丸	益氣聰明湯	玉屏風散
苓朮菟絲丸	桑螵蛸散	四君子湯	異功散
六君子湯	香砂六君子湯	六神散	八珍湯
十全大補湯	補中益氣湯	調中益氣湯	四物湯
知柏四物湯	羌防四物湯	元戎四物湯	加味四物湯
當歸補血湯	歸脾湯	加味歸脾湯	黑歸脾湯
人參養榮湯	二至丸	休癰飲	桂枝湯
神朮散	香蘇飲	清震湯	小柴胡湯

越鞠丸	逍遙散	加味逍遙散	黑逍遙散
藿香正氣散	枳朮丸	平胃散	不換金正氣散
胃苓湯	五苓散	蒼朮五苓散	茵陳五苓散
豬苓湯	澤瀉湯	春澤湯	金匱腎氣丸
貞元飲	佛手散	五皮飲	草薢分清飲
理中湯	附子理中湯	桂枝人參湯	理陰煎
四逆湯	當歸四逆湯	茵陳四逆湯	四逆加入參湯
四神丸	香薷飲	二香散	大順散
二妙散	清燥湯	六一散	生脈散
五味子湯	麥門冬湯	茵陳蒿湯	八正散
小承氣湯	陶氏黃龍湯	大陷胸丸	濟川煎
清燥救肺湯	甘露飲	半夏瀉心湯	白虎湯
竹葉石膏湯	滋腎丸	抽薪飲	徙薪飲
龍膽瀉肝湯	瀉青丸	瀉白散	瀉黃散

導赤散	玉女煎	左金丸	三黃丸
普濟消毒飲	香連丸	大補元煎	五福飲
五君子煎	六味異功煎	五物煎	六物煎
加減一陰煎	二陳湯	六安煎	金水六君煎
滾痰丸	牛黃丸	三生飲	大秦芎湯
橘紅半夏湯	橘皮竹茹湯	半夏生薑湯	黃連阿膠湯
萎蕤湯	脾腎雙補丸	當歸抑氣散	達原飲
三消飲	涼膈散	清心涼膈散	田氏五子飲
滋燥養榮湯	三化湯	犀角地黄湯	治氣六氣湯
戊己丸	導赤各半湯	吳萸四逆湯	三妙散
補肝散	當歸養榮湯	助陽活血湯	當歸補血湯
五退散	千金磁硃丸	石斛夜光丸	濟陰地黄丸
加減駐景丸	三仁五子丸	四物五子丸	六味五子丸
地芝丸	定志丸	除風益損湯	加味四物湯

人參補陽湯

新方珠參散

新方柏香丸

撥雲丸

觀音灸

神效黃芪湯

新方行血散

新方和肝散

新方復睛丸

五味瀉白散

新方清暑湯

新方明目散

八製保瞳丸

清寧丸

新方清火湯

新方明目丸

啗鼻碧雲散

點藥諸方

珍珠散

配眼藥法

青淨藥

撥雲退翳丹

鳳凰油

黑癬藥

秘製眼藥方

水眼藥

滾眼皮法

製三黃法

紅淨藥

銀海指南目錄

銀海指南

清 桐鄉 顧 錫養 吾著述

鄞縣 曹赤電 炳章 圈點

卷一

守正闢邪論

聖人立法以治天下。皆取乎正。人生天地間。六氣感於外。七情傷於內。加以飢飽勞役。其病固難枚舉。余惟以目病言之。夫目爲肝竅。輪分五臟。腎水涵之。膽汁統之。凡有所感。皆能爲患。惟審其虛者補之。實者瀉之。或邪盛正虛。補中兼瀉。瀉中兼補。此正法也。不謂正法失傳。而邪法紛起。受其害者。可勝道哉。不得不嚴爲辯之。如有以鍼挑其上下胞者。先出其血。後以金器擦其內眥。久之必生翳障。蓋血傷邪不散也。有以舌舐其目珠者。博古人孝感之名。而非出于誠心。往往傷破其珠。蓋舌乃心之苗。瞳神爲腎之精。以心火尅其腎水故也。有食辛辣。飲燒酒。烘火

向日。謬云以熱攻熱。是齎敵以糧。授賊以刃也。有刮指甲金玉等屑點眼者。以脆嫩之質。而受堅剛之尅。豈有不傷之理乎。有以黃連湯、薄荷湯、泥漿、井水、鷄子清、水晶、金銀等物。取其涼氣以熨洗。必致血凝變症。誠可慮也。更有一種醫人不察形色部位。臟腑經絡。輒用菊花洗心散、龍膽四物湯、三黃湯、羊肝丸之類。隨症亂治。此真徐靈胎所謂劣醫矣。大抵目病以肝腎為本。舍本而從標。皆非正法。邪正之辯。彰明較著。儒家有正宗。醫家亦有正宗。學者慎毋惑於旁門也。


面部定位圖解

靈樞經曰。鼻者肺之官。目者肝之官。口脣者脾之官。舌者心之官。耳者腎之官。經絡氣血皆上於面而走空竅。其精陽氣上走於目而為睛。其別氣走於耳而為聽。其宗氣上出於鼻而為臭。其濁氣出於胃走脣口而為味。

面部五經所屬之圖




圖輪五目左



五輪入廓大略


五輪者。五藏精華之發現也。入廓者。藏腑部位之所在也。病發定在五輪。而病之淺深進退。必於八廓驗之。

圖輪五目右




上下胞。瞼屬脾土。為肉輪。大眇屬心君火。小眇屬心包絡相火。為血輪。白睛屬肺金。為氣輪。青睛屬肝木。為風輪。瞳神屬腎水。為水輪。

左目八廓圖



右目爲陰。陰道逆行。故廓之經位法象亦以逆行。

右目八廓圖



左目爲陽。陽道順行。故廓之經位法象亦以順行。

靈樞大惑論曰。五臟六腑之精氣。皆上注於目而爲之精。精之窠爲眼。骨之精爲瞳子。筋之精爲黑眼。血之精爲絡。其窠氣之精爲白眼。肌肉之精爲約束。裹擷筋肉血氣之精。而與目并爲系。上屬於腦。後出於項中。

目之五輪八廓。內經未著其名。故其言曰。骨之精爲瞳子。腎主骨。在色爲黑。是卽所謂黑睛之水輪也。筋之精爲黑眼。肝主筋。在色爲蒼。是卽青睛之風輪也。血之精爲絡。心主血。在色爲赤。是卽大小眚之血輪也。其窠氣之精爲白眼。肺主氣。在色爲白。是卽白睛之氣輪也。肌肉之精爲約束。脾主肌肉。在色爲黃。是卽上下胞之肉輪也。然則五輪本於五經。內經已言之。後人特命之名耳。又曰。裹擷筋骨血氣之精。而與脈并爲系。是卽八廓之先路也。五輪在外。有形可見。八廓在內。無迹可尋。故或言八廓有名無位也。茲余具錄其文而分註之。知輪廓之說爲有根柢云。養吾氏識

五輪解

目有五輪。稟於五行。原於五臟。輪取圓轉層護。猶之周廬環衛。以奠皇居也。蓋金

之精。騰結而爲氣輪。木之精。騰結而爲風輪。火之精。騰結而爲血輪。土之精。騰結而爲肉輪。水之精。騰結而爲水輪。氣輪者。目之白睛是也。內應乎肺。西方庚辛申酉之金。肺主氣。故曰氣輪。金爲五行之至堅。故氣輪亦堅於四輪。居外而爲固也。風輪者。白睛內青睛是也。內應乎肝。東方甲乙寅卯之木。肝木生風。故曰風輪。此輪青翠。內包膏汁。有涵養瞳神之功。其色青。故目青瑩者爲順也。血輪者。目大小眚是也。內應乎心。南方丙丁巳午之火。心主血。故曰血輪。有兩心而無正輪。心君火也。通於大眚。命門爲小心。小心相火也。通於小眚。火尙赤。故取紅活者爲順也。肉輪者。目兩胞是也。中央戊己辰戌丑未之土。內應乎脾。故曰肉輪。夫土爲五行之主。故四輪亦爲脾所包涵。土主靜。故目閉則靜而不用。此藏納歸靜之用也。脾有兩葉。摩化水穀。目有兩胞。動靜相應。其色尙黃。得血爲潤。故目之兩胞以黃澤爲順也。然四輪者。皆不能鑒物。惟逐層兜裹以保水輪。水輪者。內應乎腎。北方壬癸亥子水也。腎屬水。故曰水輪。中有黑瑩一點。爲能鑒萬類。察秋毫。所謂瞳神者也。五輪具而後爲全目。目全而後爲完人。治目者。可弗明辨之乎。

八廓解

夫五輪爲捍禦之司。周防於外。八廓爲轉運之使。應接於內。廓取恢廓之意。經言使道墜以長。蓋人身面部。自齒以後至會厭深三寸半。咽門至胃長一尺六寸。則藏府之於目。相去甚遠。廓其輪將精液之道路。猶之經塗九軌。以通往來也。乾居西北。絡通大腸之府。藏屬於肺。肺與大腸爲表裏。上運清純。下輸糟粕。爲傳送之官。故曰傳道廓。坎居正北。絡通膀胱之府。藏屬於腎。腎與膀胱爲表裏。乃真水之源。以輸精液。故曰精液廓。艮位東北。絡通上焦與命門。上焦與命門會合諸陰。分輸百脈。故曰會陰廓。震位正東。絡通膽之府。藏屬於肝。肝與膽爲表裏。主運清純。不受污濁。故曰清淨廓。巽位東南。絡通中焦與肝之絡。肝絡通血。以滋養中焦。分氣血以爲化生。故曰養化廓。離居正南。絡通小腸之府。藏屬於心。心與小腸爲表裏。爲諸陽受氣之胞。故曰抱陽廓。坤位西南。絡通胃之府。藏屬於脾。脾與胃爲表裏。主納水穀以養生。故曰水穀廓。兌位正西。絡通下焦與腎之絡。腎絡與下焦主持陰精。養化生之源。故曰關泉廓。夫臟腑之相配。內經已有定法。至三焦之分配。肝腎者。此目之脈絡配法也。蓋目竅於肝。主於腎。故有二絡之分配。察乎二目經絡之間。昭然可見矣。

輪廓解

古云。經絡不明。盲子夜行。驗廓之病。與輪不同。輪以通部形色爲斷。而廓以輪上之經絡爲形症。或粗細連斷。或虬直赤紫。其脈起於何部。侵及何部。以辨病在於何藏。及受病之淺深輕重。血氣之虛實盛衰。邪氣之自病傳病。經絡之生尅順逆。而施治之耳。有以八廓如三焦。有名而無實。不知以八廓比三焦。則八廓尤爲易辨。三焦在內而不見。但有膈上膈下之分。八廓見症分明。顯有絲脈之可辨。焉得謂有名無實哉。

運氣總論

素問天元紀大論曰。天有五行以御五位。當其位則正。過則淫。五行者。金木水火土也。五位者。甲乙位東。丙丁位南。庚辛位西。壬癸位北。戊己位中宮。蓋天數五。而五陰五陽爲十干。地數六。而六陰六陽爲十二支。然天干之五。必得地支之六以爲節。地支之六。必得天干之五以爲制。如子午之上。爲少陰君火。丑未之上。爲太


陰溼土。寅申之上。爲少陽相火。卯酉之上。爲陽明燥金。辰戌之上。爲太陽寒水。巳亥之上。爲厥陰風木。是六氣之在天。而以地支之六爲節也。甲己爲土運。乙庚爲金運。丙辛爲水運。丁壬爲木運。戊癸爲火運。是五行之在地。而以天干之五爲制也。以地支而應天之六氣。以天干而合地之五行。而後六甲成歲氣備。又曰。在天爲風。在地爲木。在天爲熱。在地爲火。在天爲溼。在地爲土。在天爲燥。在地爲金。在天爲寒。在地爲水。蓋無形者。卽於有形測之。天地雖大。瞭如指掌矣。五運行大論曰。風爲肝。肝生筋。筋生心。火爲心。心生血。血生脾。溼爲脾。脾生肉。肉生肺。燥爲肺。肺生皮毛。皮毛生腎。寒爲腎。腎生骨髓。骨髓生肝。此運氣相生之序也。又曰。風傷筋。燥勝風。熱傷氣。寒勝熱。溼傷肉。風勝溼。燥傷皮毛。溼勝燥。寒傷血。燥勝寒。此運氣相勝之道也。六微旨大論曰。相火之下。水氣承之。水位之下。土氣承之。土位之下。風氣承之。風位之下。金氣承之。金位之下。火氣承之。君火之下。陰精承之。此運氣承制之理也。醫學綱目曰。風木盛則病化風。燥金盛則肝爲邪攻。而病亦化風。寒水盛則病化寒。溼土盛則腎爲邪攻。而病亦化寒。燥金盛則病化臍鬱。火熱盛則肺爲邪攻。而

病亦化積鬱。溼土盛則病化溼。風木盛則脾為邪攻。而病亦化溼。火熱盛則病化火熱。寒水盛則心為邪攻。而病亦化火熱。此運氣移化之過也。

張子正蒙曰。陰陽之精。互藏其宅。則各得其所安。若陰陽之氣。則循環迭至。聚散相蕩。蓋相兼相制。欲一之而不能。

朱子曰。五行各一其性。然一物又各具五行之理。故氣有餘。則制己所勝而侮所不勝。其不及。則己所不勝侮而乘之。己所勝輕而侮之。人在氣交之中。天氣通於鼻。地氣通於口。感而受之。為病萬端。而目疾特九竅之一耳。治之如法。應手可愈。惟在辨明運氣之勝復。則藥

逐年運氣司天在泉之圖



與症合。不至孟浪投劑矣。

素問五運論曰。天地者。萬物之上下。左右者。陰陽之道路。上謂司天。位在南方。則面北立。左右乃左西右東也。下謂在泉。位在北方。則面南立。左右乃左東右西也。故上下異而左右殊。天氣右旋而降於下。地氣左旋而升於上。左右周天。餘而復會也。如寅申歲。司天少陽火氣。左間陽明燥氣。右間太陰溼氣。在泉厥陰風氣。左間少陰熱氣。右間太陽寒氣。卯酉歲。司天陽明燥氣。右間太陰溼氣。在泉厥陰風氣。左間少陰熱氣。右間太陽寒氣。辰戌歲。司天太陽寒氣。左間厥陰風氣。右間陽明燥氣。在泉太陰溼氣。左間少陽火氣。右間少陰熱氣。巳亥歲。司天厥陰風氣。左間少陰熱氣。右間太陽寒氣。在泉少陽火氣。左間陽明燥氣。右間太陰溼氣。子午歲。司天少陰熱氣。左間太陰溼氣。右間厥陰風氣。在泉陽明燥氣。左間太陽寒氣。右間少陽火氣。丑未歲。司天太陰溼氣。左間少陽火氣。右間少陰熱氣。在泉太陽寒氣。左間陽明燥氣。司天主上半年。自大暑日後。主下半年也。自大寒日後。運氣全書云。陰陽相遘。分六位而寒暑弛張。日月推移。運四時而氣令更變。自十

交 六 氣 時 日 圖



生土。故太陰土次之。土生金。故陽明金次之。金生水。故太陽水次之。

六氣總論

二月中氣大寒日。交木之初氣。次至二月中氣春分日。交君火之二氣。次至四月中氣小滿日。交相火之三氣。次至六月中氣大暑日。交土之四氣。次至八月中氣秋分日。交金之五氣。次至十月中氣小雪日。交水之六氣。每氣各主六十日。八十七刻半。總之乃三百六十五日。二十五刻。共周一歲也。若歲外之餘。及小月之日。則不及也。厥陰木爲初氣者。方春氣之始也。木生火。故少陰君火。少陽相火。次之火。

素問天元紀大論曰。天有五行。以御五位。以生寒暑燥溼風火。是爲六氣。當其位則正。過則淫。人有犯其邪者。皆能爲目患。風則流淚赤腫。寒則血凝紫脹。暑則紅赤昏花。溼則沿爛成癬。燥則緊澀眇結。火則紅腫壅痛。風宜散而寒宜溫。暑宜清而溼宜利。燥宜潤而火宜涼。辨之旣明。治亦易也。然其中有相挾而來者。蓋風爲百病之長。如挾寒挾暑挾溼挾燥挾火之類。有相從而化者。如風邪化火。寒邪化火。溼邪化火。燥邪化火之類。風邪發於前。火邪繼於後。故凡人之病目者。皆以爲風火也。然風火之症。最宜詳辨。苟一見火症。無論有風無風。多從散治。鮮不爲害。風本陽邪。必有外感。方是真風。因風生熱。風去火自息。此宜散之風也。若無外感。只因內火上炎。熱極生風。熱去風自息。此不宜散之風也。又有相雜而至者。以四時言之。冬月致病。只三字。風寒火是也。春兼四字。風寒溼火是也。夏兼五字。風寒暑溼火是也。秋只四字。風寒燥火是也。然其中有伏藏。有變化。亦不得執一而治。奈何醫者治目。初起紅腫眇淚。不問何邪。概行表散。散之不效。隨用和解。解之不去。隨用清涼。涼之不效。繼以補益。幸則引爲己功。不幸則委之天命。恬不爲怪。良可歎也。余著此論。一一剖悉。使紛紜錯雜之症。不至混淆。更以臟腑經絡形色脈

象參之。無遯情矣。

風

素問金匱真言論曰。天有八風。經有五風。靈樞九宮八風篇曰。大弱風、謀風、剛風、折風、大剛風、凶風、嬰兒風、弱風。是爲八風。五風者。肝爲木。木旺生風。肺爲金。火旺金刑則生風。水冷金寒則又生風。脾爲土。土溼生風。燥亦生風。心爲火。火炎風自出。腎爲水。水衰相火生風。是爲五風。八風由外。五風由內。目爲外風所傷。其症眇淚腫痛。星翳漸侵。且風或挾熱。則先頭痛。眇黏眊。赤腫羞明。風或挾溼。則多淚作癢。沿爛惡明。風或挾燥。則眇硬多淚。眼皮緊急。風或挾寒。則時流冷淚。微赤羞明。若神光泛白。視物昏朦。漸成內障。其痛時作時止。此由血虛火旺。內風所傷。治法在表者散之。汗之。挾熱涼散之。挾寒溫散之。溼則汗之。燥則潤之。但宜兼用和血之品。所謂治風先治血。血行風自滅也。至諸內風所傷。切不可升提發散。蓋氣血大虧之人。邪中於裏。不能發泄。宜大補氣血。使邪外越。又有平素陰虧者。厥陽內動。微感傷陰。卽宜養陰平肝。使邪自散。若過用風藥。益動熱而耗陰矣。至半表

半裏之症。當以和解爲先。然外風易治。內風難除。吳鶴皋曰。芫防之屬。可以治外風。而內風非其治也。旨哉斯言。學者能體會之。思過半矣。

寒

素問陰陽應象大論曰。北方生寒。寒生水。至真要大論曰。諸寒收引。皆屬於腎。天元紀大論曰。太陽之上。寒氣主之。蓋運氣自霜降以後。春分以前。正屬太陽寒水用事。設觸冒嚴寒。卽傷膀胱寒水之經。頭疼腰強。發熱惡寒。因循不治。傳變多端。上乘空竅。發爲目病。冷淚翳障。視物昏花。若復兼溼。則邪滯太陰。努肉壅腫。兼火則刑尅肝陰。遂生白障。兼風則迎風流淚。雲翳滿遮。兼痰則脾生櫻核。目睛赤濇。兼鬱則眼倦慵開。氣滯光暗。辨症分治。庶無遺誤。卽有一二寒盛熱生。外多火象。亦宜養陰清熱。若過用寒涼。遏抑陽氣。不免星障凝滯矣。然此屬外寒所致。若內寒則人身臟腑自有之病。素問陰陽應象大論曰。陰勝則身寒。人生真陽之氣。寄於右腎。寒則無以作強。而技巧不出矣。膀胱寒則三焦之氣不化。而水道不行矣。脾胃寒則不能蒸腐水穀。而五味不出矣。肝膽寒則將軍無決斷。而謀慮不出矣。

大小腸寒則變化不行。而二便閉矣。心包寒則神明衰。而萬事不能應矣。目爲五臟之精華。稟天陽之真氣。若爲陰寒所制。必至失光昏眊。內障遮睛。宜溫補氣血。以助真陽。至真要大論曰。治寒以熱。又曰。熱因寒用。又曰。諸寒之而熱者。取之陰。王海藏曰。熱之不熱。責其無火。益火之源。以消陰翳。參耆桂附。卽夏月何妨選用。不待水冰地坼。然後爲真寒症也。此外又有中寒伏寒挾寒諸症。種種不同。大抵治法務在調和營衛。祛寒散邪而已。

暑

素問刺志論曰。脈虛身熱。得之傷暑。又曰。暑爲陽邪。而東垣治暑。則有陰陽動靜之分。或廣廈招涼。以傷其外。或恣食生冷。以傷其內。此靜而得之爲陰暑。農人耕耨於田中。征夫奔走於道路。此動而得之爲陽暑。陰暑宜溫。陽暑宜清。趙養葵謂暑病與熱病相似。但熱病脈盛。暑病脈虛耳。蓋傷暑者。脈必濡弱。或弦細。訖遲。身體發熱。與四時感冒無異。惟舌紅口渴。小便短赤爲辨。其分見於五臟者。心爲火。故暑先入心。暑傷氣。肺主氣。故火旺金刑。又長夏溼土司令。脾惡溼。得暑則脾土

之施化不行。肝腎同位下焦。俱有相火。肝得暑而龍火以起。腎得暑而雷火以升。五火並熾。勢等燎原。上延於目。則赤障腫痛。眵淚如膿。治法或辛涼表散以發其汗。或清熱養陰以通利小便。務使暑邪外達。不致陷伏傷陰。若盛暑之時。猝然暴中。則當以涼解爲主。惟怯弱之人。內無所禦。外受暑邪。則涼解之中。必兼輔正。如清暑益氣湯之類是也。又或暑邪內伏。待深秋收藏之際。猝然驟發。傾刻之間。遂至不救。甚或刑尅腎陰。瞳神傷損。凡見此症。卽宜涼補真陰。倘伏藏雖久。其發甚緩。秋冬之間。目赤腫痛。亦宜仍用清暑之劑。臨症細辨。不患治絲之棼也。

溼

素問生氣通天論曰。因於溼。首如裹。至真要大論曰。諸溼腫滿。皆屬於脾。水熱穴論曰。腎何以主水。腎者至陰也。至陰者。盛水也。肺者太陰也。太陰者冬脈也。故其本在腎。其末在肺。王好古曰。水者脾肺腎三經所主。有五臟六腑十二經之部分。上頭面中四肢下腰脚。外皮膚中肌肉內筋骨。蓋脾胃者土也。飲入於胃。遊溢精氣。下輸於脾。脾氣散精。上歸於肺。肺者土之子也。肺氣盛則清肅令行。通調水道。

下輸膀胱。而腎者肺之子。胃之關也。腎氣化則二陰通。而三焦者決瀆之官。水道出焉。肝腎二經之相火。遊行於五者之間。上承天道之施化。下佐地道之生發。與手厥陰心包爲表裏。以行諸水。豈有泛溢停滯之患。若脾胃虛弱。肺無稟受。而氣道不通。由是四海閉塞。三焦不瀉。日久熏蒸。鬱爲溼病。然此爲內傷之溼。若外感之症。在天有雨露霜霧之溼。在地有沮洳潮瘴之溼。飲食有酒漿之溼。衣被有汗液之溼。陽盛則火旺。溼且化熱。陰盛則水旺。溼又化寒。風可祛溼。溼更挾風。燥可除溼。溼還勝燥。內因外因。隨經觸發。上攻頭目。症現各殊。脾溼則多眼。癢眼。齒。肺溼則多黃膜。心經溼則多努肉如脂。肝經溼則多星障。黑珠如霧。渾濁。腎經溼則瞳神呆鈍。色淡昏眊無光。治法風藥可以勝溼。燥藥可以除溼。淡藥可以滲溼。洩小便可以引溼。利大便可以逐溼。吐痰涎可以卻溼。溼而有熱。苦寒之劑燥之。溼而有寒。辛熱之劑燥之。至於脾腎俱虛。水溢爲病。則須培土填精。標本兼治。此東垣脾胃論。所以諄諄於後天補救也。

燥

內經論四時主病之原。獨遺燥症。喻嘉言以秋傷於溼一語。正其誤爲秋傷於燥。而千古疑義晰矣。蓋燥爲金氣。秋時爲陽明燥金司令。其氣肅殺。故草木黃落。素問天元紀大論曰。陽明之上。燥氣主之。氣交變大論曰。歲金太過。燥氣流行。又曰。諸痿枯涸。乾勁皴揭。皆屬於燥。至真要大論曰。諸氣臞瘠。皆屬於肺。喻嘉言謂屬於肺之燥也。又曰。諸痿喘嘔。皆屬於上。亦屬於肺之燥也。或因蓄熱勝溼而燥。金衰津耗而燥。或猝感寒邪。陽氣鬱於外而燥。或恣食生冷。陽氣鬱於內而燥。或因於溼。溼化熱而燥。或因於風。風勝溼而燥。王好古有減氣而枯。有減血而枯。李時珍曰。枯者燥也。上燥則渴。下燥則結。筋燥則強。皮燥則揭。肉燥則裂。骨燥則枯。肺燥則痿。腎燥則消。目之白珠。肺也。燥則眇。乾作癢。目之黑珠。肝也。燥則翳障模糊。目之瞳子。腎也。燥則睛光昏眊。心爲火。燥則心陽上浮。紅絲繫絆。脾爲土。燥則脾陰濇縮。黃膜牽遮。治法宜養營潤燥。補肺清金。至於陰分素虧。膽汁不充。或經焦耗。則一點神膏。涸可立待。亟宜滋補真陰。使水液自生。則光華漸復矣。

火

朱丹溪曰。太極動而生陽。靜而生陰。陽動而變。陰動而合。生水。火。木。金。土。各一其性。惟火有二。曰君火。屬心。相火。屬肝。腎。素問陰陽應象大論曰。壯火散氣。少火生氣。又病機十九條。屬火者五。火內陰而外陽。主乎動者也。故凡動皆屬火。人身肺爲生水之源。腎爲盛水之府。火性妄行。元氣受傷。水源易涸。逆調論所謂一水不能勝二火者此也。又有厥陽臟腑之火。根於五志之內。六慾七情激之。其火隨起。故忿怒則火起於肝。醉飽則火起於胃。房勞則火起於腎。悲哀則火起於肺。心爲君主。自焚則死矣。解精微論所謂一水不能勝五火者此也。有臟腑相移者。肝移熱於膽。心移熱於小腸之類也。有盛衰尅制者。心火盛尅肺金。肝火盛尅脾土之類也。張子和曰。目不因火則不病。白輪變赤。火乘肺也。肉輪赤腫。火乘脾也。黑水神光被翳。火乘肝與腎也。赤脈貫目。火自盛也。此卽五志之火。由內而生。若天行時熱。乃外來之邪火。有感其令氣者。其目紅腫癢痛。淚如膿水。畏熱羞明。舌紅口渴。五志之火。宜降其虛陽。滋其肺腎。水旺則火自平。外來之火。宜升陽以散之。苦寒以瀉之。火鬱發之之義也。其有陽虛陰勝。火不歸源。目雖赤腫。而脈轉軟弱者。治宜溫補扶陽。王太僕所謂益火之源。以消陰翳是也。又有水衰火盛。心腎不交。

目光昏眊。脈象浮洪者。治宜養陰滋水。王太僕所謂壯水之主。以鎮陽光是也。

七情總論

喜怒憂思悲恐驚。是爲七情。然七情不越五志。心在志爲喜。肝在志爲怒。脾在志爲思。肺在志爲憂。腎在志爲恐。悲屬心包。附於心。驚屬膽。附於肝。此七情之生於五志也。心怵惕思慮則傷神。脾憂愁不解則傷意。肝悲哀慟中則傷魂。肺喜樂無極則傷魄。腎盛怒不止則傷志。恐懼而不解則傷精。此五志之傷於七情也。怒則氣上。喜則氣緩。悲則氣消。恐則氣下。驚則氣亂。思則氣結。此七情本經之形證也。怒傷肝。悲勝怒。喜傷心。恐勝喜。思傷脾。怒勝思。憂傷肺。喜勝憂。恐傷腎。思勝恐。此七情相勝之次第也。喜與悲憂相反。怒與驚恐相反。思則無有所反。乃土位建極於中州也。喜與怒相因。悲憂與驚恐相因。思則各有所因。乃土德寄旺於四時也。東垣云。治目不理脾胃。非其治也。其亦有鑒於此歟。但目之爲病。由於六淫者易治。由於七情者難治。蓋喜太過則腎氣乘矣。怒則肝氣乘矣。悲則肺氣乘矣。恐則脾氣乘矣。憂則心氣乘矣。一經自具一氣。一經又各兼五氣。五五二十五氣。變化

難窮。苟不得其要。終難獲效。然七情中悲傷心胞。驚傷膽者。間或有之。喜傷心。憂傷肺者。絕少也。惟思傷脾。恐傷腎。怒傷肝者。最多。誠能存養此心。使志意和平。精神澹定。悲怒不起。驚憂不擾。則天君泰然。百體從令。自然勿藥有喜。何必乞靈於草根樹皮哉。

喜

素問宣明五氣篇曰。精氣并於心則喜。陰陽應象大論曰。在藏爲心。在聲爲笑。在志爲喜。調經論曰。心藏神。神有餘則笑不休。然樂不可極。極則終凶。靈樞本神篇曰。喜樂者。神憚散而不藏。又曰。肺喜樂無極。則傷魄。素問天元正紀大論曰。少陰所至爲語笑。五常政大論曰。火太過爲赫曦。赫曦之紀。其病笑狂妄。河間云。笑者。猶燔爍太甚而鳴。笑之象也。蓋喜則氣散。心陽大動。百脈沸騰。所謂暴喜傷陽。其病爲笑不休。爲毛革焦。爲內病。爲陽氣不收。甚則爲狂。且心火過熾。上先刑肺。下反尅腎。金水受傷。病必及目。經曰。心合諸脈。五藏生成篇曰。諸脈者。皆屬於目。凡人五臟六腑之精液。盡上注於目。陽亢陰微。炎蒸空竅。遂有努肉攀睛等症。其起

於大背者。屬心爲實火。其起於小背者。屬心胞爲虛火。甚則努肉雙鬬。蝕及神水。乃心火尅腎所致。治以清補爲主。清則心火不升。心陽得靜。補則心氣得寧。心血不耗。或通利小腸。使火氣由水道而泄。以心與小腸爲表裏也。或涼解心胞。以心胞爲心之外廓也。至於變端不一。又當活治。不可執一也。

怒

素問五運行大論曰。東方生木。木生酸。酸生肝。肝在志爲怒。調經論曰。肝藏血。血有餘則怒。宣明五氣篇曰。膽爲怒。以肝膽相爲表裏。肝氣雖強。取決於膽也。調經論曰。血并於上。氣并於下。心煩惋。善怒。以陽爲陰勝。病及於心也。靈樞本神篇曰。腎盛怒而不止。則傷志。繆刺論曰。邪客於足少陰之絡。令人無過大怒。以怒發於陰而侵乎腎也。是肝膽心腎四臟。皆能病怒。所爲多陰者多怒。亦曰陰出之陽則怒也。五常政大論曰。木太過曰發生。其病怒。氣交變大論曰。歲木太過。風氣流行。甚則善怒。又曰。歲土不及。風反大行。民病善怒。其證飡泄。薄厥。嘔血。胸脇痛。氣逆不下。喘渴煩心。消痺肥氣。以及外發癰疽等症。況目爲肝竅。尤易受傷。初但昏如

霧露中行。漸漸空中有黑花。久則神光不收。膽汁不應。則內急外乾。覩物成歧。種種皆怒之貽戚也。蓋怒必因內動而起。但動由於內。邪每乘之。當各從其所動之因而治之。因熱而動者。治其熱。因風而動者。治其風。因厥逆逼上者。則治所厥之邪。因陰虛而動者。補其陰。抑其陽。按而收之。因陽虛而氣浮上者。則補其陽。斂其浮遊之氣。因五志而動者。各安其臟氣以平之。因鬱而發者。治其所鬱之邪。開之達之。因精血不足者。補之。不已則求其屬以衰之。因勝尅而動者。從盛衰之氣而補瀉之。中氣虛衰而動者。補土以安之。上焦清明之氣。不能主持而動者。亦當補中焦之穀氣。推而揚之。因五臟六腑上注之精氣不足而動者。察其何者之虛而補之。總以疎肝解鬱爲先。兼養精液。使精盈則氣盛。氣盛則神全。自然視物明朗。但木能尅土。胃當其衝。肝病則胃病。切不可再加勞倦。以傷其脾。醫者不察。以爲目病皆熱所致。竟以涼藥投之。又傷其胃。肝胃俱傷。真元難復。終不免有失明之歎矣。

憂

素問六節藏象論曰。肺者氣之本。魄之處也。陰陽應象大論曰。心之變動爲憂。靈樞口問篇曰。思憂則心系急。心系急則氣道約。約則不利。故太息。本藏篇曰。心小則易傷以憂。蓋憂則傷神。故傷心也。宣明五氣篇曰。精氣并於肝則憂。肝勝而侮脾也。靈樞本神篇曰。脾憂愁而不解。則傷意。脾主中氣。中氣受抑。則生意不伸。故鬱而爲憂。是心肺脾肝四臟皆能病憂也。戴復菴云。七氣致病。雖本一氣。而所以爲氣者。隨症而變。如憂傷肝。肝屬木。憂則氣并於肝。而脾土受邪。憂傷心。心屬火。憂則氣并於心。而肺金受邪。憂傷肺。肺屬金。憂則氣并於肺。而肝木受邪。凡人憂多則氣機不利。胸脇痛。憂多則水溼凝滯。週身走痛。或關節痛。遇陰寒則發。憂多則熱蓄不散。目眇。小便赤。憂多則氣虛不能攝涎。動則喘。憂多則血脈蹇滯。四肢無力。能食便紅。憂多則食物不化。噯酸腹滿不能食。目之白睛屬於肺。肺憂鬱太過則肺氣不舒。結成翳障。視物模糊。復有憂極而悲者。傷及心胞之相火。有憂極而恐者。傷及腎中之真水。火不足則光華不能發越於外。水不足則膏液不能充滿於中。輕則昏眊羞澁。重則魚胞鵠眼。補肺安神最爲要法。再令素所親信之人。好言慰勸。使心陽轉動。卽喜勝憂之意也。

思

靈樞本神篇曰。心有所憶謂之意。意之所存謂之志。因志而存變謂之思。陰陽應象大論曰。中央生溼。在志爲思。舉痛論曰。思則氣結。又曰。思則心有所存。神有所歸。正氣留而不行。故氣結矣。本神篇曰。怵惕思慮則傷神。本病篇曰。憂愁思慮則傷心。蓋心爲脾之母。母氣不行。則病及其子。所以心脾皆病於思也。張會卿曰。思鬱者。氣結於心而傷於脾也。及其既甚。則上連肺胃而爲咳喘。爲失血。爲噎膈。爲嘔血。下連肝腎。則爲帶濁。爲崩淋。爲不月。爲勞損。李東垣曰。五臟六腑之精氣皆稟受於脾。上貫於目。脾者。諸陰之首也。目者。血脈之宗也。思慮傷脾。則五臟之精氣皆失所司。不能歸明於目。而有視物羞明。眼皮寬縱。倒睫拳毛等症。或生偷鍼。或生眼瘰。治宜扶脾補土兼清心陽。若初病而氣結凝滯者。宜順宜開。久病而損及中氣者。宜修宜補。然以情病者。必得願遂而後可釋。或以怒勝思。亦可暫解。如朱丹溪治一思想氣結之女。先激之使怒。然後與藥。復念病雖愈。必得喜方已。乃給以夫回。病遂不舉。予嘗用此治太湖李姓之婦。目竟獲痊。卽此法也。

悲

痿論曰。悲哀太甚。則胞絡絕。胞絡絕。則陽氣內動。發則心下崩。宣明五氣篇曰。精氣并於肺。則悲。本神篇曰。悲哀動中者。竭絕而失生。又曰。肝悲哀動中。則傷魂。又曰。心氣虛。則悲。調經論曰。神不足。則悲。是肺肝心三臟亦病於悲也。又運氣悲皆屬寒水攻心。五常政大論曰。火不及。曰伏明。伏明之紀。其病昏惑。悲忘。從水化也。又曰。太陽司天。寒氣下臨。心氣上從。喜悲數欠。至真要大論曰。太陽司天。寒淫所勝。民病善悲。時眩仆。又曰。太陽之復。甚則入心。善忘。善悲。夫悲之爲情。與憂思大異。憂思則默然不語。如呆如癡。悲則哀慟迫切。號呼痛哭。漸至淚枯眼腫。視物無形。且悲則心系急。肺布葉舉。而上焦不通。營衛不散。熱氣在中。熏蒸清道。傷及五輪。遂有黑花蠅翅。魚鱗白陷諸症。治宜補其肝脾。蓋木爲火之母。子虛則補母之義也。土爲火之子。補子令母實之義也。然必釋其悲。則治得其效。若婦女性執。終歲戚戚。雖日用蕪芎香附以開提。參朮歸苓以培本。是亦揚湯止沸之計而已。

恐

素問陰陽應象大論曰。在藏爲腎。在志爲恐。宣明五氣篇曰。精氣并於腎則恐。邪氣臟腑病形篇曰。恐懼則傷心。神傷則恐也。調經論曰。血不足則恐。本神篇曰。肝氣虛則恐。以肝爲將軍之官。肝氣不足。則怯而恐也。戴人曰。肝者敢也。驚恐則肝傷矣。肝膽實則怒而勇敢。虛則怒而不敢也。玉機真藏論曰。恐則脾氣乘矣。以腎虛而脾勝之也。宣明五氣篇曰。胃爲氣逆。爲噦爲恐者。以陽明土勝。亦傷腎也。又運氣善恐皆屬肝木虛。五常政大論曰。木不及曰委和。委和之紀。其病淫動。註恐是心腎肝脾胃皆主於恐也。甚則精却。恐則氣下。人目中一點黑瑩。乃先天真一之水所化。全賴精氣神包裹。而能鑒察萬物。精却則不能化氣。而瞳神有昏眊之患矣。氣下則不能攝精。而瞳神有散大之患。急宜補養肝腎。固其精氣。以復神光。蓋心以神爲主。陽爲用。腎以志爲主。陰爲用。陽則氣也。火也。陰則精也。水也。水火交爲既濟。全在陰精上奉以安其神。陽氣下藏以定其志。不然則神不安於內。陽氣散於外。志不戢於中。陰精走於下。水火不交。而目未有不病者也。

驚

素問金匱真言論曰。東方青色。入通於肝。其病發爲驚駭。以肝應東方風木。風主震動而連乎膽也。氣厥論曰。脾移熱於肝。則爲驚衄。陽明脈解篇曰。足陽明之脈病。惡人與火。聞木音則惕然而驚。陽明胃脈也。胃者土也。聞木音而驚者。土惡木也。又曰。陽氣與陰氣相搏。水火相惡。故惕然而驚也。舉痛論曰。驚則心無所倚。神無所歸。心神散失也。此肝膽胃心四藏皆病於驚。而氣爲之亂也。又運氣驚有三。一肝木不及。金來乘之。五常政大論曰。木不及曰委和。委和之紀。其發驚駭。至真要大論曰。陽明之復。甚則入肝。驚駭筋攣。二火邪助心。六元紀大論曰。少陽所至爲驚躁。至真要大論曰。少陽之勝。善驚。三寒邪傷心。氣交變大論曰。歲水太過。寒氣流行。民病煩心躁悸。膽爲中正之官。五藏六府皆取決於膽。膽主清淨。不受濁穢。故膽汁上溢。則爲口苦。膽精不足。則爲目昏。眼中一點神膏。乃膽中精汁。滲潤而成者也。能涵養瞳神。清瑩澄澈。凡人驚者。起於猝然。心主震動。遂傷及膽。其症爲目睛不轉。爲瞳神散大。爲青膜遮掩。治宜安神定志。使氣之散者得以復聚。張子和曰。驚者平之。平常也。使病者聞之習熟。見之慣常。自然不驚。且肝膽相爲表裏。其色爲青。故人之受驚者。其面色必青也。臨症審辨。何難施治哉。

銀海指南卷一

銀海指南

清 桐鄉 顧 錫養 吾著述

鄞縣 曹赤電 炳章 圈點

卷二

瞳神論

五輪八廓。既詳哉言之矣。是爲目之體。未及目之用也。若夫靈明默運。鑒萬物。察秋毫。則有瞳神在焉。華元化曰。目形類丸。瞳神居中而嚮前。猶日月之麗東南而晦西北也。目有神膏神水神光。真血真氣真精。皆滋目之源液也。神膏者。目內包涵膏液。此膏由膽中滲潤精汁。積而成者。故能涵養瞳神。衰則有損。神水者。由三焦發源。先天真一之氣所化。目中潤澤之水是也。水衰則有火勝燥爆之患。水竭則有目輪大小之疾。耗澀則有昏眊之患。虧者多而盈者少。故世無全精之目也。神光者。原於命門。通於膽。發於心。火之用事也。火衰則有昏瞑之患。火炎則有焚

燎之殃。故衰宜補。炎宜降。心君主也。通於大眚。故大眚赤者。實火也。命門爲小心。小心相火也。代君行令。通於小眚。小眚赤者。虛火也。若君主拱默。則相火自然清寧矣。真血者。卽肝中升運。注目注絡之血也。此血非比肌肉間流行之血也。卽天一所生之水。故謂之真也。真氣者。目之經絡中往來生用之氣。乃先天真一發生之元陽也。真精者。乃先天元氣所化之精汁。起於腎。施於膽。而後及瞳神也。凡此數者。一有所損。目難治矣。大概目圓而長。外有堅殼數重。中則青胞。內包黑稠神膏一函。膏外則白稠神水。水以滋膏。水外則皆血。血以滋水。膏中一點黑瑩。是腎膽所聚之精華。惟此一點。燭照鑒觀。空闊無窮。是爲人身之至寶。天地之靈光。或曰。瞳神水也。氣也。血也。膏也。曰。非也。非水。非氣。非血。非膏。乃先天之氣所生。後天之氣所成。陰陽之蘊妙。水火之精華。血養水。水養膏。膏養瞳神。氣運用神維持。喻以日月。理固有然。而午前則小。午後則大。亦隨陰陽之運用也。大抵目竅於肝。源於腎。用於心。運於肺。藏於脾。有大有小。有圓有長。亦由稟受之異也。夫男子右目不如左目精華。女子左目不如右目光彩。此各得陰陽氣分之正也。

雲間謝東田先生精通醫理。嘗謂余曰。治目以瞳神爲本。瞳神不損。雖翳障滿。

佈。不難逐時消退。瞳神若損。縱極挽救。亦屬徒勞無益。故著此論。以明其關係甚重。不可視為泛常。爾時互相參究。深受其益。今東田已入仙鄉。余亦桑榆日暮。捉筆追思。曷勝寒鳥戀羣之慨。

心經主病

心爲君主。總統臟腑。故憂思勞怒。皆動心神。心應南方火色。目之大眥屬心。心受火刑。則眥肉壅突而痛。若不痛而癢。屬虛。或因操勞過度。或因水虧不能制火所致。小眥屬心胞。又屬少陽經。多氣少血。故小眥努肉屬血虛。火燥之故也。若心經火邪盛而刑肺。爲大眥努肉攀睛。屬實火。不痛而癢。屬虛火。小眥努肉攀睛。乃虛火刑金爲虧症。努肉雙關。屬水虧血少。火邪刑肺。甚則蝕及神水。乃心火尅腎水也。大眥流血腫痛。爲實火。心統諸經之血。火盛則血熱妄行。故流血。不腫痛而癢。爲虛火。乃心腎不交。君火炎甚也。左目爲陰。右目爲陽。陰屬血。陽屬氣。男多患左。女多患右。雖有是分。不可執一。惟在圓機通變也。

肺經主病

肺爲華蓋。百脈之宗。白睛紅絲滿佈。乃肺熱也。白珠努肉紫脹。甚則眼眶青黯。乃血爲邪乘。凝而不行也。玉粒侵睛。肺氣凝滯所致。白睛起膜。狀如魚泡。寒鬱太陰也。白翳侵睛。屬金來尅木。目珠壅腫紅痛。辨是何邪。分別施治。目珠突出。鼻塞咳嗽。乃風寒乘肺。肺氣逆也。珠大脫眶。肺腎氣衝。乃金水兩虧症也。能仰視不能俯視。氣有餘而血不足也。能俯視不能仰視。陰有餘而陽不足也。雞盲者。陰氣未升。則昏。至人定後。仍能見物。雀盲者。通夜不見。乃肝血少。肺陰虧也。鵝眼凝睛者。陰陽不和。火尅金也。總之。其位至高。統一身之氣。其見症多在於氣輪。隨症審察。用藥自能奏效。

肝經主病

肝屬風木。木能生火。惟血涵養。否則火盛血傷。目病生焉。其臟主疎泄。凡人憤悶不平。或受六淫之邪。則氣不宣流。遂生星翳障霧。如點如鑿。或圓或方。形色不一。莫可枚舉。凡自上而下。屬太陽經。名垂簾。紅色而痛。屬肝熱。腫痛屬風邪。不痛爲血虛內熱。白色而腫痛。屬氣虛挾風。痛而不腫。爲寒邪。不腫不痛。乃氣虛下陷也。

自下而上。屬足陽明胃經。名堆雲。又名黃膜上衝。在黑珠內者。名內堆雲。屬肝腎不足。木挾相火上升。在黑珠外者。名外堆雲。腫痛涕淚。爲風尅肝胃。障色帶黃。爲溼熱。腫痛畏寒。淚如膿水。屬寒邪。努肉壅結。障色微紅。屬胃火。此皆氣血失充。虛中挾邪症也。紅白相間。名瑪瑙障。屬熱鬱肝經。氣血相混也。純白而厚。名水晶障。屬寒乘肝陰也。白星團聚。名聚星障。屬肝腎鬱結。精血受傷也。一線垂下。名線障。橫住瞳神。名橫關。初起紅痛。屬風寒。邪鬱肝陰。不能發越。不紅痛。屬肝腎陰虛。相火上炎也。一線盤旋於風輪之上。名旋螺障。一爲陰寒上乘。一爲邪鬱於肝陰也。黑珠內。瞳神外。初起如霧。漸漸厚大。名內障。左關脈細澁。屬肝鬱不舒。左尺脈洪數。屬腎氣不納也。色白而長。形如半月。名半月障。屬肝經鬱怒所致。色白而厚。名白障。稍薄。名白翳。最薄。名白霧。白點。名星。紅腫癢痛。屬風。紅腫不癢痛。屬鬱邪。舌白涕淚。屬寒。眼眇乾硬。羞明惡熱。屬火。乾澀昏朦。屬燥。此皆實症。若不腫而紅痛。屬血虛。肝熱生風。不紅腫而痛。屬憂思鬱怒。肝氣不舒。不紅不痛。屬陰虛火熾。皆虛症也。目珠疼痛。肝陽上浮也。白障滿佈。赤脈貫睛。屬肝經鬱熱。若無白障。但見赤脈貫睛者。心火刑肺肝也。黑珠上一顆突出。名蟹珠。發于瞳神巔頂。屬肝腎兩

經。發於瞳神下面。屬陽明。發於大眥旁者。屬太陽。發於小眥旁者。屬少陽。凡努肉壅腫涕淚。脈弦細爲風。舌白脈遲爲寒。舌紅脈數爲火。脈細弱或數而無力。屬陰虛。此症由邪襲肝陰。氣血不能流行。或精血不足。過服寒涼升散而發。黑珠低陷。名陷障。障凝如冰。名冰障。屬邪乘肝陰。氣血受傷。紅腫脈浮弦爲風。不紅腫脈遲細爲寒。乃實中挾虛症也。腫痛努肉黑珠泛白。名內泛。乃精血大虧。風寒邪鬱也。此皆舉其大略。須脈象舌色兼參。庶幾無悞。

脾經主病

脾爲諸陰之首。統攝一身之血。在氣爲中氣。在藏爲心子。目之上眥屬脾。下眥屬胃。上眥內生紅粒。名魚子石榴。生紅塊。名雞冠蜆肉。皆屬風熱。邪滯太陰。氣血凝結所致。脾生痰核。在皮裏膜外。如櫻如梅。由於氣滯燥結。防有成疔之患。睛明穴有瘡。名眼癰。日久成管。名漏睛。屬太陽鬱熱不宣。脾翻黏瞼。屬陽明胃火。上眥生肉粒。名偷鍼。下眥生肉粒。名眼痺。腫痛屬風鬱化火。不腫痛而時發時止。屬勞傷心脾。肝木尅土。是虛症也。上眥寬縱。拳毛倒睫。紅腫。屬脾肺氣虛挾風。不紅痛。屬

中氣下陷。下睥緊急。拳毛倒入。屬肝風尅胃。下睥內生菌。屬陽明溼火。兩睥生癬。濕爛爲風。焦枯爲火。乾澹屬燥。膿窠屬溼。然有風中兼燥。火中兼風。溼中兼熱。諸症宜細辨之。

腎經主病

腎爲作強之官。伎巧出焉。應北方癸水。涵木制火。榮養血脈。瞳神內起星。邪鬱腎陰也。五星繚亂。視物眈眈。水爲火反尅。虛實皆有也。瞳神細小火搏水陰也。瞳神散大。氣不裹精也。瞳神發白。水源乾涸所致。黑珠滿紅。名胭脂內障。屬相火上浮。水不能制。若瞳神亦紅。名血灌瞳神。不治。瞳神泛白動躍。已成內障。亦不治。瞳神黃色如金。火亢水竭。亦不治。有見火星飛揚者。心腎不交也。有見螢星滿目者。肝腎不和也。有見白星繞亂者。肺腎氣虛也。有見黑花茫茫者。腎陽不藏也。視白爲黃。視紅爲紫。視正爲橫。視定反動。睜目頭暈。此陰極陽飛症也。瞳神不大不小。其色不白不紅。三光俱滅。真青盲也。法在不治。以上諸條。皆精血失充之症。誠以水爲天一所生。務宜滋養。水足精充。目疾自痊愈矣。

三焦主病

三焦分上中下。目疾是上焦病。無有論及中下者。然細按之。則三焦各有見症。不可混治。頭痛鼻塞。耳聾面瘡。目紅腫痛。脣瘡口糜。此皆上焦病也。治宜清火發散。疎肝養目。肚腹膨脹。胸膈不舒。兩目乾澀。或沿爛。此乃中焦病也。治宜消積行氣。脚氣壅腫。步履艱難。水道不通。溼熱上浮。以致目患。此乃下焦病也。治宜利溼清熱舒筋。腑病以通爲補。故但敘實症。其有虛症。另見各門。學者細心參之可也。

小腸主病

小腸爲火府。與心經配合表裏。凡心經之火上延於目者。兼責諸小腸。故古人治心火必用導赤。以心爲君火。無直折之理。但當通理小腸。則心火自降。此治臟先治腑之法也。

膽經主病

膽屬少陽。經曰。十二經皆取決於膽。爲半表半裏。兩邊頭痛。法用小柴胡及逍遙散。乃和解之劑。目中神光。惟賴膽中清純之氣所養。倘膽精不足。膽汁不充。兩目必昏。古方俱以諸膽爲治。所以清其邪熱。乃同氣相求之理也。然味太苦寒。防其礙胃。總宜以條達爲主。餘詳肝經。

胃經主病

胃爲水穀之海。轉輸旋運。生化不窮。故治病先講胃氣。胃氣一弱。飲食不納。何以能勝藥力乎。然胃病有虛有實。有熱有寒。實宜硝黃之屬。虛宜朮草之屬。寒宜香砂之類。熱宜芩斛之類。配合脾經爲後天生養之基。故東垣專主脾胃立論。非虛說也。其見症詳載脾經。但須知陽土不耐溫燥。方不誤治。

大腸主病

大腸傳導糟粕。通調爲順。澹泄則有陰傷之患。秘結則有陽亢之虞。昔人治便頻無度。多以補脾爲主。亦扶土生金之義也。有火則閉塞不通。須用攻下之品。釜底

抽薪。誠妙法也。稍涉虛者。如景岳濟川煎。亦可採用。凡目病在肺經者。治其大腸。以其表裏相應。所謂上病治下也。

膀胱主病

膀胱爲巨陽。其經脈最長。統束一身。凡外感症皆太陽受之。羌防發汗。治其經。五苓利水。治其腑。更有溼熱下注。二便不調。專治膀胱。其病自愈。與腎爲表裏。腎無瀉法。瀉膀胱卽所以瀉腎。溝瀆既清。水泉不竭。腎精自然充足。目珠上屬太陽。見症甚多。如頭風損目。垂簾成障皆是。故凡治目。不可不細究膀胱也。

雜病總論

病之發也。有因外感內傷。前已詳論之矣。至於雜症。不過氣血痰食鬱。五者而已。然五者之中。惟氣血爲甚。蓋人有陰陽。卽爲氣血。陽主氣。故氣全則神旺。陰主血。故血盛則形強。然而身形之中。有營氣。有衛氣。凡人受氣於穀。穀入於胃。以傳於肺。五臟六腑。皆得受氣。清者爲營。濁者爲衛。營行脈中。衛行脈外。其所以統攝一

身。環流不息者。全賴元氣爲之主持。元氣者。先天之氣。命門之主也。衛氣者。後天之氣。生命之原也。元氣爲衛氣之母。母能益子。子賴穀氣之津以養生。故元氣衰。則營衛之氣皆有不充矣。夫血生於心。統於脾。藏於肝。布於肺。泄於腎。灌溉一身。爲七竅之靈。四肢之用。潤顏色。充營衛。津液得以通行。二便得以調暢。然血爲氣化。亦能助氣。故一氣一血。相爲表裏也。痰飲一症。內經止有積飲之說。本無痰症之名。蓋痰涎之化。本由中氣衰弱。水穀入胃。不能盡化。留而爲痰。使脾強胃健。則隨食隨化。皆成津液。焉能成痰。故肥人多痰者。因中氣不能健運所致。經云。形盛氣虛。此之謂也。若實痰者。或因風因熱因溼因寒。鬱結於臟腑經絡之間。血氣不能通達。凝而爲痰。祛其外感。而痰自消也。內經之不言痰者。正以痰必因病而生。非病之因痰而致也。經云。人以水穀爲本。人絕水穀則死。脈無胃氣亦死。又曰。穀盛氣盛。穀虛氣虛。此其常也。反此者病。蓋五味入口。藏受於胃。游溢精氣。散布於五臟。酸入肝。苦入心。甘入脾。辛入肺。鹹入腎。此五臟各歸所喜也。凡人偶食生冷油濁之物。積滯於腸胃之間。此邪氣之實也。若食入卽脹。或胸脇作痛者。乃中氣不旺之故也。蓋脾胃爲倉廩之官。職司化食。脾胃強壯者。卽滯亦易化。如其不能

化者。皆由脾胃之虛也。鬱病者。滯而不通之義也。經言五鬱者。乃五行之化。氣運有乖。則五鬱之病生焉。滑氏曰。木性本條達。火性本發揚。土性本沖和。金性本肅清。水性本流通。五者一有所鬱。斯失其性矣。至於情志之鬱。不過憂思怒三者而已。蓋憂則氣聚。思則氣結。怒則氣逆也。初病宜順宜開。若鬱久則傷及中宮。神志日消。心脾日耗。非補不可也。余謂痰食鬱三者。總由氣血不調之故。若氣血和平。則神魂安靜。膚腠固密。外來之邪無隙可乘。內生之鬱無由而起。即使寒溫不測。世事無常。或外犯客邪。或內爲鬱病。只宜祛其外感。調其鬱氣。則安矣。寧有大病之足慮哉。

氣病論

經云。氣脫者目不明。氣者清陽之氣也。清陽不升。則濁陰不降。而目安能燭照。無遺乎。人在天地間。莫非氣化之流行。臟腑經絡。氣得其正。何用不臧。氣失其正。何往弗害。故曰。百病生於氣也。又近見應震王氏曰。行醫不識氣。治病從何據。堪笑道中人。未到知音處。旨哉斯言。是實治身治病第一大綱。蓋氣之爲用。無所不至。

一有不調。無所不病。爲虛爲實。爲寒爲熱。變態莫可名狀。氣有不調之處。卽病根所在之處也。明者撮而調之。猶如解結。一舉手而卽脫然矣。故本乎天者。天之氣也。本乎地者。地之氣也。人身之氣。亦應之。陽氣有餘。爲目赤壅腫。陰氣有餘。爲隱澀羞明。中氣不足。爲眼皮寬縱。凝而不行。爲脾生癭核。實者破之。虛者補之。滯者行之。鬱者達之。寒者溫之。熱者涼之。不和者調之。疎之。凡五行五志。五臟六腑。皆賴氣以爲之用。常則安。變則病。是以聖人謂諸病皆因於氣。而況目病乎。故醫者當參觀互證。酌宜而治之。庶於斯道無愧矣。

血病論

經曰。目得血而能視。血者氣之所化也。故血盛則形強。人生所賴。惟斯而已。潤經絡。澤臟腑。養筋骨。充滿一身。而目受其蔭。固宜流通。而不宜瘀滯者也。然人之初生。必從精始。精之與血。似乎非類。而丹家曰。涕唾汗津精液血。七般靈物。盡爲陰。則凡屬水類。皆天一地六所化。而血卽精之類也。但精藏於腎。所蘊不多。苟房勞太過。精虧則血亦虧。而七竅不靈矣。夫血本陰類。其動者。皆由於火。或外邪不解。

而火鬱於經。或縱飲不節。而火動於胃。遂使血熱妄行。致成目赤眚瘍。治法以涼血清火爲主。或壅瘀於經絡。則睛珠脹悶。或鬱結於脾眚。則努肉堆突。或乘風熱。則發椒瘡粟瘡之類。總以行血散血爲治。若痛傷痕陷。白障滿泛等症。皆屬血虛邪乘所致。治宜行血補血爲先。蓋太陽經起於目內眚。血多氣少。少陽經起於目銳眚。血少氣多。陽明經起於目之兩旁交額之中。氣血俱多。惟厥陰連於目系而已。故血太過者。太陽陽明之實也。血不及者。厥陰少陽之虛也。能辨過與不及。庶攻補皆得宜矣。以是知血化於氣。而又爲精類。陽虛不能生血。所以血宜溫而不宜寒。陽亢最能傷陰。所以血宜靜而不宜動。察於此而得其養營之道。則目光如炬。又何血病之足虞哉。

痰病論

經曰。淫氣變物。水飲內蓄。中滿不食。是言飲也。非言痰也。痰之與飲。雖曰同類。而實有不同也。蓋飲爲水液之屬。凡嘔吐清水。及胸腹膨脹。吞酸噯腐等症。此皆水穀之餘。停積不行。是卽所謂飲也。若痰之不同乎飲者。飲清澈而痰稠濁。飲惟水

穀停積而化。痰則五臟之傷。皆能致之。然究其原。痰卽人之津液。無非水穀所化。但化得其正。則形體強。營衛充。若化失其正。則臟腑病。津液敗。而血氣卽化爲痰矣。後人治痰。開口便言痰火。有云怪症爲痰者。有云痰爲百病之母者。痰之爲害。不綦重乎。然則虛實之間。尤不可不辨。惟驗其年力猶盛。血氣未傷。或以肥甘過度。或以溼熱盛行。或風寒外閉。皮毛。或逆氣內連肝膈。皆能生痰動火。害及於目。惟察其病氣形氣。俱屬有餘者。卽實痰也。實痰則宜消伐。若年及中衰。形氣羸弱。或以多病。或以勞倦。或以憂思酒色。致成勞損。非風卒厥者。或脈見細數。臟無陽邪。時爲嘔惡泄瀉。氣短聲暗者。皆有目暗不明之患。但察其形氣病氣。本無有餘者。卽虛痰也。虛痰則宜扶助元氣。使精血充旺。則痰自消矣。然痰之所生。無不由乎脾腎。脾惡溼。溼勝則爲痰。腎屬水。水泛亦爲痰。脾家之痰。有虛有實。腎家之痰。則無非虛耳。痰病延及於目。治最棘手。惟調其寒熱虛實。氣血陰陽。則無有不愈。昔王隱君謂內外百病。皆生於痰。悉以滾痰丸攻之。其亦但顧目前。而不知後患者也。

食病論

經曰。飲食勞倦。即傷脾。飲食自倍。腸胃乃傷。脾胃爲倉廩之官。大腸爲傳導之官。食傷則氣滯。氣滯則上不能散布精華。下不能轉輸糟粕。然有傷於寒物者。有傷於熱物者。其在內傷。不過爲瀉爲痢而已。若在眼目。則傷於寒者。兩胞腫脹。治宜溫消。傷於熱者。目赤癢痛。治宜清利。若過食煎炒炙博。必至火氣上攻。則爲雞冠蜆肉。或魚子石榴。變症不一。治宜清利腸胃。去其積熱。而諸病悉除。此症之易治者。凡在少年童穉。最多此症。惟年老久病之人。脾虛不能運化。或不能食。或知飢少食。或食入即脹。明是中虛之象。當以補法行之。諒明哲者。不至於膠柱而鼓瑟也。

鬱病論

經曰。木鬱達之。火鬱發之。土鬱奪之。金鬱泄之。水鬱折之。言乎五氣之鬱也。人之臟腑應之。木應肝膽。木主風邪。畏其鬱結。故宜達之。火應心與小腸。火主熱邪。畏其陷伏。故宜發之。土應脾胃。土主溼邪。畏其壅滯。故宜奪之。金應肺與大腸。金主燥邪。畏其躁急。故宜泄之。水應腎與膀胱。水主寒邪。畏其凝溢。故宜折之。然五者

之中。皆可通融圓活。不必拘泥。夫人氣血不順。脈不和平。卽是鬱症。乃因病而鬱也。至若情志之鬱。則有三焉。一曰怒鬱。方其盛氣凌人。面赤聲厲。多見腹脹。及其怒後。逆氣已平。中氣受傷。多見脹滿疼痛。倦怠少食之症。一曰思鬱。凡共窗秀士。茅店羈人。以及室女尼姑。心有所憶。而生意有所屬。而生思。思有未遂。而成鬱。結於心者。必傷於脾。及其既甚。上連肺胃。爲咳喘失血。隔噎嘔吐。下連肝腎。爲帶濁崩淋。不月勞損。一曰憂鬱。或因衣食之累。或因利害之牽。終日攢眉。而致鬱者。志意乖違。神情蕭索。心脾漸至耗傷。氣血日消。飲食日少。肌肉日削。遂至發爲目症。前七情論中已詳之矣。故不贅述。然五氣之鬱。因病而鬱者也。情志之鬱。因鬱而病者也。凡患是症者。宜自爲節制。皆非草木所能奏效。所謂妙藥難醫。心上病也。可不慎之。

兼症總論

醫雖有專科。而病則無專病也。有專科則其術精。無專病則其症雜。吾故論目病而及於兼症焉。夫病之重者。莫如傷寒。仲景論太陽篇中。頭熱目赤。陽明篇中。目

中不了了。睛不和。少陽篇中。少陽中風。兩耳無所聞。目赤。是傷寒兼目疾也。若夫中風頭風。虛勞膨脹。噎隔咳嗽。黃疸遺濁。疝瘕痰瀉痢。以及外科瘡瘍。女科胎產經帶。兒科痘疹疳積。皆有兼目疾者。不得不一一著明。仿傷寒析義之例。以垂諸簡編。庶有成法可遵。而不至於顧此失彼也。至於頭風之害目。疳積之害目。患者極多。爲本科之本病。故論之尤詳切焉。夫醫有十三科。傷寒爲第一。餘科次之。眼科又次之。今以眼科而括諸科之全者。因慮業是科者。守一家之說。而不能廣搜醫籍。倘遇兼症。則曰。此某科也。望望然去之。寧不貽識者之笑乎。然欲概爲療治。使患目之人。並入於光明之域。必須博考諸家。臨症乃能措手也。古人立法。互有不同。有偏於寒者。有偏於熱者。有偏於攻者。有偏於補者。熟究深思。化其偏而得其全。則法皆盡善矣。故專者。專心之謂也。又專力之謂也。專其心。專其力。斯得專其藝矣。且能專者。未有不能兼者也。因專而後能兼。因兼而後愈專。成德之士。豈一端一節所能盡其長哉。

傷寒兼目疾論

傷寒有傳經直中。傳經者。由太陽傳陽明。由陽明傳少陽。由少陽傳太陰。由太陰傳少陰。由少陰傳厥陰。此循經傳也。有太陽不傳陽明而徑傳少陽者。有陽明不傳少陽而徑入本府者。有少陽不傳太陰而徑歸胃府者。謂之越經傳。有傳一二經而止者。有始終只在一經者。在表爲寒。在裏則爲熱矣。直中者。不由三陽傳入。而徑中三陰。有寒無熱者也。若兼目疾。惟三陽有之。太陽宜汗。陽明宜清。少陽宜和。無異法也。羌活主太陽。葛根主陽明。柴胡主少陽。爲報使之藥。人所共知。而溫經散寒之法。間亦參用。至於分症立法。無關於本科者。不必贅述也。

瘟疫兼目疾論

瘟疫之邪。伏於膜原。蒸變不測。吳又可制爲達原飲以治之。立論超出千古。舉世皆宗之。然其症發熱頭疼。便閉神昏。與外感風寒相似。不可不細辨也。夫風寒從外入內。病無臭氣觸人。間有作臭氣者。必待傳陽明胃府始見。若瘟疫從中達外。病卽有臭氣觸人。輕則透於牀帳。重則盈於房帷。此氣之易辨也。風寒主收斂。面色多緗急而光潔。瘟疫主蒸散。散則緩。面色多鬆緩而垢晦。此色之易辨也。風寒

初起。舌多無胎。卽有白胎。亦薄而滑。瘟疫一見頭痛發熱。舌上卽有白胎。且厚而不滑。或粗如積粉。或色兼微黃。此舌之易辨也。瘟疫之脈。傳變後與風寒頗同。初起時與風寒迥別。風寒在表。一二日。脈多浮。或兼緊兼緩兼洪而皆浮。迨傳入裏。始不見浮脈。瘟疫從中道而變。一二日。脈多沉。迨自裏出表。脈始不沉。乃不浮不沉而數。或兼弦兼大而皆不浮。此脈之易辨也。且其見症。必初起忽覺凜凜。以後但熱而不惡寒。以其從內蒸發。非必有感觸之因也。設有脇痛耳聾。則邪溢少陽。腰背項痛。則邪溢太陽。眉稜骨痛。眼眶痛。鼻乾不眠。則邪溢陽明。當以柴胡羌活葛根等。分經加用。若舌根先黃。漸至中央。邪漸入胃。此三消飲症。若脈長洪而數。大汗多渴。此邪適離膜原。欲表未表。此白虎湯症。若舌上純黃色。或變黑色。或生芒刺。或鼻如煙煤。或大便不行。或大便雖無結糞。而脈象沉實。此皆承氣湯症。倘耽延失下。以致循衣摸牀。撮空理線。攻不可補。不可。惟有有用陶氏黃龍湯。間有得生者。至於養營清燥。總宜在驅邪之後也。若邪火上攻於目。赤腫疼痛。畏熱羞明。宜專逐疫邪。則目自愈。亦有晝夜壯熱。目中如火燃。如鍼刺。怕見日光燈光。必須四面遮圍。始稍寧靜。亦宜注意逐邪。使胃中無熱邪留鬱。自然清光大來。又有疫

邪傳裏。遺熱下焦。小便不利。邪無輪泄。經氣鬱滯。目黃如金者。卽以茵陳湯治之。或邪火久焰。腎水枯涸。瞳神昏渺。眵淚失光。逐邪之中。兼用滋陰。不得徒以甘菊。蒺藜療之。總之瘟疫乃時氣傳染。治宜清火散邪。東垣普濟消毒飲。本爲瘟疫而設。以治瘟疫之目疾。其奏效不更速乎。

中風兼目疾論

中風分中臟中腑中血脈。中府者。中在表也。卽傷寒論太陽中風。桂枝湯之類是也。外見六經形症。無異傷寒。治法亦同。中藏者。中在裏也。中心不語。中脾脣緩。中肺鼻塞。中肝目眇。中腎耳聾。而有閉與脫之分。閉者。兩手握固。牙關緊急。藥宜疎通開竅。熱閉牛黃丸。冷閉橘半薑汁湯。脫者。口張心絕。眼合肝絕。手撒脾絕。聲如鼾。肺絕。遺尿腎絕。更有髮直搖頭。面赤如妝。汗出如珠。此際須用理中湯加參兩餘。以溫補元氣。或寒痰阻塞。用三生飲加參灌之。庶救十中之一。中血脈者。中在半表半裏也。如口眼歪斜。半身不遂之屬是也。藥宜和解。以大秦羌湯加竹瀝薑汁鉤藤主之。氣虛者。偏於右。佐以四君。血虛者。偏於左。佐以四物。氣血俱虛者。左

右俱病。佐以八珍。若兼目疾。治法亦不外此。惟宜養血除風。所謂治風先治血。血行風自滅也。他如中肝之目瞽。脾絕之眼合。皆垂絕之候。並非目病。不可救也。

頭風兼目疾論

頭爲諸陽之首。目爲七竅之宗。一身之經脈。皆上接於首。而少陰厥陰少陽太陽之脈。皆出於目系。若風邪乘之。則爲頭痛。故曰頭風。然有大小雷頭風。左右偏頭風。以及陽邪風陰邪風之殊。然究其原。不過六經頭痛而已。自有表症可察。蓋身必寒熱。脈必緊數。或涕淚鼻塞。或咳嗽項強。或背脊痠疼。按定何經用藥。各有所主。若太陽頭痛。羌活藁本主之。陽明頭痛。升麻葛根主之。若陽明胃火上衝。直達頭維而痛者。宜白虎湯主之。少陽頭痛。柴胡川芎主之。太陰頭痛。防風白芷主之。少陰頭痛。獨活細辛主之。厥陰頭痛。蔓荊子吳茱萸主之。此六經報使之藥。若雷頭風者。乃滿頭作痛。面皮疙瘩。宜清震湯主之。右偏頭痛者。宜補氣散風。左偏頭痛者。宜養血除風。此治外風之大略也。若內風發動。有陰陽氣血之辨。陰虛者。乃水虧於下。而虛火乘之。則痛。陽虛者。乃陽衰陰勝。遇寒則痛。氣虛者。微遇外邪。或

勞頓則痛。血虛者。以肝藏血。脾統血。血虛則熱自生風。眩運耳鳴。此所謂肝風內動也。故氣虛者。人參黃芪爲主。血虛者。當歸川芎爲主。陰虛火浮者。壯水爲主。陽虛陰勝者。扶陽爲主。若三陽之火上熾。夜間作痛者。宜補肝散主之。更有痰厥頭痛者。有風痰。溼痰。寒痰。腎虛水泛爲痰諸症。風痰者。宜散風祛痰。溼痰者。宜燥溼消痰。寒痰者。宜溫胃補氣。氣不逆則痰自平矣。水泛爲痰者。宜養陰補腎。使腎中水火和平。無有偏勝。則痰自愈也。凡頭風之症。最易損目者。蓋風邪上受。必犯空竅。肝開竅於目。爲風木之臟。木動則生風。以風招風。內外合邪。故頭風必害目也。或爲旋螺泛起。或爲蟹睛高凸。或爲內外堆雲。或爲紅白垂簾。或爲瞳神散大。或爲內障青盲。此等症候。皆宜各隨其經。考之脈象。臨證應變。不可執法而治也。

虛勞兼目疾論

虛勞之受病。惟房勞傷。思鬱傷。醫藥傷。三者而已。其見症也。骨蒸咳嗽吐血泄瀉。男子失精。女子不月。五者皆本病之常。房勞傷者。斲喪太過。而精氣受傷也。其症從下而上。由腎肝而至於脾。或先失血。或見遺精。次見咳嗽骨蒸等症。真陽虧者。

乏氣少食。後見泄瀉而危。真陰虧者。火旺血瘀。必發癰腫而斃。思鬱傷者。情志不遂。而神氣受傷也。此病起於腎。關於心。而迫肺。傷肝及脾。再交水火。謂之七傳。初起骨蒸乾咳。繼則亡血失精。女子不月。至死而面色不衰。以陰火蒸騰津液於上。所以肢體日削。而神采愈鮮也。最爲難治。醫藥傷者。表邪未清。留於肺絡。悞服寒涼清降。邪必從皮毛陷入。亦有因寒涼傷胃。胃輸寒氣於肺。皆能令人咳嗽不休。或風熱誤投辛散。而傷少陰之經。必先吐膿血。而後泄瀉。或汗下失於調養。而傷其營衛。必先微寒數熱。而後咳嗽。若兼日疾房勞傷者。治以六味八味爲主。思鬱傷者。治以逍遙歸脾爲主。醫藥傷者。治以調補元氣爲主。然在初起之時。尙可圖救。延至末傳。終難取效。慎之慎之。

鼓脹兼日疾論

鼓脹當辨明虛實寒熱。然後施治。方不錯誤。假如溺赤便閉。脈數有力。色紫暗。氣粗厲。口渴飲冷。脣焦舌燥。所謂諸腹腫大。皆屬於熱是也。溺清便溏。脈遲無力。色眇白。氣短促。喜飲熱湯。舌潤口和。所謂諸病水液。澄澈清冷。皆屬於寒是也。按之

不痛。時脹時減者。爲虛。按之愈痛。腹脹不減者。爲實。東垣治法。枳朮補中二方。出入加減。隨症取效。此症痰溼素盛。中氣先傷。或爲血蠱。或爲水腫。見症不一。或宜開鬼門。或宜潔淨府。或宜除陳莖。前人論之甚詳。所謂上下分消其勢也。如有兼目疾者。未有不兩胞腫脹。眵淚赤澀。須察其本病之由。而以照顧脾胃爲主。蓋土敗則木賊。木能生火。火又生風。眉睫之間。變端不測矣。若新感時邪。天行赤熱。只以常法治之。不必過慮也。

咳嗽兼目疾論

咳嗽者。一由於胃氣不清。一由於陰火上乘。五臟六腑。雖皆有咳。而大要不越聚於胃。關於肺六字而已。何者。胃爲臟腑之總司。肺爲諸咳之門戶也。外感咳嗽。有風從皮毛而入於肺者。有從背俞而入於肺者。有素患咳嗽。復加風寒。及形寒飲冷所致者。一表即清。故爲輕症。不比雜病積久而發。急難取效也。然風熱風燥。最當辨明。如冬時先傷其節之暖。復加風寒外遏。而致咳嗽痰結咽腫。身重自汗。脈浮者。風熱也。宜用萎蕤湯。慎不可用辛熱發汗。燥爲秋氣。令不獨行。長夏溼土之

餘氣。既伏藏於肺胃之間。至深秋燥令大行。與溼不能相容。至於挾風寒之威。而成咳嗽者。風燥也。惟千金麥門冬湯。五味子湯。爲宜。蓋肺燥胃溼。兩難分解。故欬散互用。燥潤雜出也。若兼目疾。風熱則赤痛。風燥則澀癢。氣逆則睛脹。痰凝則視昏。治如上法。至於火炎乾咳。悉是陰虛。大抵腎水枯竭。肝臟多火。故及於目。只宜壯水制陽。如六味加麥冬五味子之類。堪稱善治。若導火之法。斷斷不可用也。更有形寒飲冷。傷於肺胃。連及脾臟。咳嗽多痰。目胞浮腫。氣輪紅赤。宜桂枝人參湯。枳實理中湯。四逆加人參湯等治之。不明乎此。而誤用寒涼之藥。鮮不爲害矣。

黃疸兼目疾論

黃疸病。以溼得之。故口渴難治。不渴易治。其症有陰有陽。由於溼之有寒有熱。陽黃者。溼從火化。瘀熱在裏。膽熱液泄。與胃之濁氣共併。上不得越。下不得泄。熏蒸鬱遏。面部先黃。次及身體指甲。汗溺俱黃。黃如橘子色。陽主明。治在胃。陰黃者。溼從寒水。脾陽不能化熱。膽液爲溼所阻。浸淫肌肉。溢於皮膚。色如熏黃。陰主晦。治在脾。傷寒發黃。金匱黃疸立名雖異。治法則同。再瘀熱入胃。有因食穀者。有因酣

酒者。有因色慾者。上盛則一身盡熱。下鬱則小便爲難。食滯宜消之。酒熱宜清之。女勞穢濁。始宜解毒。繼則滑竅。溼在上。以辛散。以風勝溼。在下。以苦泄。以淡滲。各有方法。可按症以求之也。若寒溼在裏。惟羅謙甫茵陳四逆湯。最有卓識。誠足補仲景之未備者也。然無論寒溼。溼熱。其目皆黃。甚至瞳神亦黃。勢必雲霧翳障。瞻視昏花。治亦無他法。以茵陳爲主。五苓四逆。隨症選用。黃雖分陰陽。實陽多陰少也。故葉天士曰。夏秋疸病。溼熱氣蒸而成。堪爲明徵。而徐靈胎疸囊之說。濫誇其方。不肯示人。苟有濟世之心。何忍珍而不露哉。

遺濁兼目疾論

遺濁本二症。遺是遺精。濁是濁帶。遺分有夢無夢。濁分赤色白色。有夢而遺者。相火之強也。無夢而遺者。心腎之衰也。濁而赤色者。血虛熱甚也。濁而白色者。氣虛溼熱也。然遺精症狀。各有不同。大抵小便後流出不可禁者。爲溼熱下注。不小便而自出者。爲精關滑脫。或莖中痛癢。常欲如小便者。爲敗精阻滯。凡人酒色過度。思慮無窮。致真元衰憊。虛火流行。每多患此。又濁帶症狀。各有不同。大約以乾掩

竅端者爲火。不乾掩者爲溼。小水赤濇而痛。或濁有赤色者。爲小腸溼熱。小水不赤不痛。而所下色白。或滲利轉甚者。爲脾氣下陷。莖中癢痛而發寒熱。或有結痛者。爲毒邪所侵。丹溪謂胃中濁痰滲入膀胱。未足以盡之也。設有是症而兼目疾。遺是精病。腎之虛也。宜貞元五子飲之類。濁是氣病。膀胱不化也。宜通關五苓散之類。其目眵淚赤腫。溼熱相火也。宜草薢分清飲。或翳霧羞明者。脾腎兩虧也。宜脾腎雙補丸。或瞳神淡白者。乃真精走盡。元氣大虧。不可爲矣。惟宜大劑填補。希冀百中之一也。

痰瘧兼目疾論

痰者。瘧之總名也。瘧者。病之暴虐也。經曰。夏傷於暑。秋必痰瘧。蓋暑熱傷陰。暑必挾溼。溼與熱并。不瀉則痢。不痢則瘧也。又曰。陰陽相搏而瘧作。陰搏陽而爲寒。陽搏陰而爲熱。如二人相爭。此勝則彼負。彼勝則此負。陰陽互相勝負。故寒熱並作也。大抵無痰不成瘧。外感四氣。內傷七情。飲食飢飽。房室勞倦。皆能致之。而其中氣凝滯。鼓動痰涎。則一也。三陽爲淺。三陰爲深。太陽之瘧。腰背頭項俱疼。先寒後

熱。熱止汗出。陽明之瘧。鼻乾舌燥。寒甚乃熱。熱甚汗出。喜見日光。少陽之瘧。口苦脇痛而嘔。寒熱往來。身體解休。少陰之瘧。寒少熱多。嘔吐獨甚。舌乾口燥。欲閉戶牖而處。太陰之瘧。慘然太息。腹滿惡食。病至善嘔。嘔已乃衰。厥陰之瘧。腰痛。少腹滿。小便數而不利。恐懼不足。腹中悒悒。若有兼目疾者。當分經專治。暑者清之。溼者燥之。風者散之。虛者補之。調其寒熱。治以溫涼。其治本病之方。仲景小柴胡湯。出入加減。洵爲至當不易。毋忽視也。

瀉痢兼目疾論

瀉痢乃脾胃之疾。六氣中除燥氣外。皆能爲瀉。然傷於寒溼者爲多。其邪從經絡而入。犯及中土。所以治瀉以補脾爲君。除邪爲輔。若中氣下陷。泄瀉無常者。宜補中歸脾主之。乃正治也。五更腎瀉。古人皆用四神丸。未必皆驗。蓋因溼傷水臟故也。當用金匱澤瀉湯。加薑桂五味草薢之類。往往獲效。又有肝腎大虛。命門火衰。不能蒸化糟粕。而時見泄瀉者。宜附子理中湯。或右歸丸。加紫石英。栗殼之類。以固斂之。痢疾多患於夏秋之間。當初起正值暑溼全盛時。用通利之劑。卽愈。蓋積

滯亦是腸中津液。氣不統運。變爲敗垢。調其氣則失統之敗垢自下。未傷之津液亦安。近世執痛隨利減之說。概用通利。久痢虛痢則危矣。郭友三治一人。陰虛發熱。下痢不食。用猪苓湯。阿膠黃連湯而痊。可謂善悟。瀉症若兼目疾。却不可過用祛風利溼。惟宜健脾。如異功散之類。隨症加減。痢症若兼目疾。宜行血調氣。如香蘇平胃四物。或佐香連丸。清寧丸。皆可。若瀉痢久而目生翳障者。乃陰分受傷也。法宜滋陰。甘草阿膠。可隨症加入。總之津液下泄。不能上承於目。延久必有翳膜之患。當去其宿積。固其腸胃。標本兼施。瀉痢得止。則目患自除矣。

瘡瘍兼目疾論

瘡瘍者。六陽火燥有餘。水不能制。以致妄亂無拘。燔灼於經絡之間。蒸逼於肌膚之內。氣血爲之壅滯。日積月累。而毒成矣。陽毒必高凸紅赤掀腫。治之易愈。陰毒必低凹青黑平塌。治最難痊。或發於頭面。或發於手足。或發於身體。其名不一。其狀各殊。治之之法。諸家皆有條論。選粹諸書可考也。其妙在用藥升降得宜。及藥貼之道。地內服湯劑。不過排膿消腫而已。外科諸症。大約熱者多。寒者少。火性上

炎。目竅至高。最易衝犯。目爲肝竅。肝屬於木。又爲火之從生。同類相應。自然之理。而肝與膽。又爲表裏。膽腑清淨。瘡毒爲濁邪挾其火勢。擾害少陽。苟其平素肝腎有虧。陰虛血少。膽汁不充。安能滋其目絡。故熱邪乘虛而入。發出目患。若發於病毒之時。須用三黃四物。專治其毒。毒愈而目亦愈。若發於病毒之後。治用解毒涼血之類。熱退而目亦得愈。至於椒瘡粟瘡眼癰眼癬之症。爲本科自有之病。不可與瘡瘍同語也。

胎產兼目疾論

胎前產後。症亦繁多。大法胎前以安胎爲第一義。產後以行血爲第一義。然安胎之藥。不專恃芩朮也。形盛氣實。胎常不運者。非香砂耗之不安。血虛火旺。腹常急痛者。非芎歸養之不安。體肥痰盛。嘔逆眩運者。非芩半豁之不安。或因風寒外傷。而胎不安者。桂枝湯香蘇飲皆宜。此安胎之要訣。若兼目疾。治法亦不外此。惟氣虛不運者。發在右目。翳障羞明。宜補氣和中。如四君子加香砂之類是也。血虛不能滋養肝木。化火生風者。發在左目。星翳努肉。宜補血清熱。如四物湯加黃芩之

類是也。若風寒外感。發爲目病。而兼妊娠。宜解散之。中兼和血調氣。如蘇梗枳殼芎歸之類。皆可參用也。產後有三衝三急三禁。三衝者。瘀血之衝肺衝心衝胃也。三急者。新產之嘔吐泄瀉多汗也。三禁者。禁佛手散。以川芎能發汗也。禁四物湯。以地黃能作瀉也。禁小柴胡湯。以黃芩能阻惡露也。若兼目疾。因氣血大虧。不能裏精而爲瞳神散大。宜急補氣血。固斂精膏。或因去血過多。木失所養。而爲翳霧羞明。宜養血平肝。有哭泣悲傷。而爲拳毛倒睫者。有邪乘空竅。而爲沿爛流淚者。皆氣血不足所致。治宜護肝養血。蓋產後肝膽發生之氣甚弱。而血液衰少。必須調護培養。務在早治。莫待病根深入。爲終身之患也。

經帶兼目疾論

經者。經脈也。血隨氣行。週身旋轉。應月而下。不失其常。故卽謂之經水。帶者。帶脈也。環束如帶。管攝諸經。失其所司。時流穢濁。故卽謂之帶下。女科首重調經。其人心脾充旺。則經候如常。蓋脾輸五穀之津液。歸於心。入於脈。變赤而爲血。血有餘。則注於衝任。而爲經水。苟心脾衰弱。便有參差不月之虞。血虛者。後期而至。血熱

者。先期而來。陰氣勝陽。則血不運行。故令乍少。陽氣勝陰。則血流散溢。故令乍多。憂思過度。則氣結。氣結則血亦結。鬱怒過度。則氣逆。氣逆則血亦逆。氣血結逆於臟腑經絡之間。而經閉不通矣。又有經前誤食冷物。遏抑陽明之路。阻其血脈。每次經來。必先腹中作痛。或筋骨痠疼。經後風寒乘虛客於胞門。傷其衝任。所生之血。不能宣流而下。斷續淋漓。或成塊作片。此皆當察其虛實而治之也。經閉不調。皆有目患。蓋目爲血脈之宗。血不足。則脾臟失職。不能歸明於目。而且肝木無制。必然化火生風。爲星翳霧障。甚則挾相火上行。刑尅水源。爲瞳神淡白。經水逆行而上。目中清純之膏。爲濁陰擾亂。或爲瘀血灌睛。或爲胭脂內障。先賢治法。氣虛陰勝者。四君子主之。氣滯者。四君加香附。延胡索調之。血虛陽勝兼熱者。四物加芩連丹皮清之。血實有瘀者。四物加桃仁紅花破之。憂思者。歸脾湯補之。鬱怒者。加味逍遙散。佐以越鞠丸達之。經來脹痛者。當歸抑氣散行之。風寒內客者。當歸養榮湯加薤白以溫之。散之。帶之爲病。五臟六腑皆有之。產寶云。帶下三十六疾。分十二癥九痛七害五傷。然總而論之。不過虛實二字。故後人只以赤白言之。凡風寒溼熱客於胞門。傳至臟腑。結於帶脈。津液因之涌溢而出。必辨其色。赤者爲

熱。白者爲寒。青者爲風。黃者爲溼。內經言白蠱白液白淫。皆主任脈爲病。治宜專固任脈。若因脾虛中氣下陷。不能統固。宜補中升陽。或因心腎不交。相火蒸燂。膏液宜交通心腎。若兼目疾。因於風寒溼熱者。必翳障羞明。因於脾虛心腎不交者。必午後乾澀。甚則瞳神昏暗。皆由津液暗耗。無以滋榮。總宜閉其精竅。開其水道。庶清濁得分。更兼用補其氣血。和其陰陽。氣血旺。則客邪無隙可乘。陰陽和。則水火得以既濟矣。

痘疹兼目疾論

小兒痘疹。皆由父母交媾之時。淫火熾甚而得。所謂先天之毒。稟於有生之初者也。蓋痘本先天淫毒。伏藏於肝腎之內。觸四時不正之氣。溽然發泄。氣領血載。達於肌膚之外。良由衛氣運於脈外。營血行於脈中。氣能祛毒外出。血能載毒上行。凡原氣之強盛者。不滿旬日。成痂而愈矣。若元氣羸弱。氣血偏虛。寒熱偏勝。毒不能盡達肌表。遺留而上逆。則目中生痘。損壞瞳神。又或成漿之後。毒出肌膚。內藏之元氣已虛。藥餌之補益不濟。有餘之毒。不能出外。反深入於內。因而目中星遮。

翳蔽。變症不一。惟驗其靨之白色者。屬於氣虛。淡紅者。屬於血虛。紫色者。屬於餘毒未清。若過期而靨不脫者。乃氣血大虧之象。調其寒熱溫涼。益其偏虛血氣。則目明翳消而得愈矣。疹者痘之末疾。發於脾肺二經。內應手足太陰。感天地間疹戾之氣。故名疹也。然名各有異。蘇松謂之痧子。浙江謂之瘡子。湖廣呼爲麻子。北直謂之疹子。山陝謂之膚瘡。曰糠瘡。曰赤瘡。名雖不同。其症則一。總由君相二火燔灼。太陰脾肺受之。故其爲症。必噴嚏咳嗽。面腫頰紅。目胞腫脹。眼淚汪汪。惟氣旺邪淺者。易治。邪盛正虛。不勝其毒。則危機立至。更有愈後餘熱未清。上乘空竅。肝木受尅。則黑珠星障昏花。羞明涕淚。切忌酸寒伐胃。宜清養肺陰。補其氣血。若誤認爲風。投以表散。猶之抱薪救火矣。

五疳兼目疾論

小兒五疳者。肝疳。心疳。脾疳。肺疳。腎疳也。其說創於錢氏。皆因臟腑柔弱。氣血未充。或病後失調。或飲食饑飽。致傷脾胃。而成疳症。津液內亡。虛火妄動。傷於何臟。發爲何病。形症各殊。肝疳者。一名風疳。白膜遮睛。瀉血而瘦。心疳者。兩眦紅障。面

黃頰赤。脾疳者。一名肥疳。上胞腫脹。腹大嗜甘。肺疳者。一名氣疳。白珠縐翳。喘嗽氣促。腎疳者。一名骨疳。瞳神凹凸。喜臥溼地。五藏治法繁多。不能概述。大要不離乎補脾健運。則清濁自分。中土有權。生機日盛。以異功散爲君。隨症加減。如枸杞白芍以補肝。山藥阿膠以補肺。歸身棗仁以補心。黃耆紅棗以補脾。熟地菟絲以補腎。使脾胃稍旺。陰血漸充。繼進地黃湯。以養陰收功。豈非善治。夫疳者。乾也。皆由內熱熏蒸。消燦津液。然不可因其熱而用苦寒之藥。再困脾陽。重傷胃氣。世俗呼爲疳積。謂疳必兼積。概用消導。不知疳乃虛症。補之尙恐不及。而妄行攻伐。安有愈期乎。又有蟲疳者。其蟲如絲。出於頭項腹背之間。黃白赤者。易治。青黑者。難治。蛔疳者。眉縐多啼。嘔吐清沫。脊疳者。拍背有聲。脊骨如龜。腦疳者。頭皮光急。腦熱如火。其症雖多。不出於五臟。宜以前法治之。然五疳之中。心腎二疳甚少。肝脾肺三疳。常常有之。蟲疳者。余亦屢見也。姑舉其要。以備後學者留意焉。

辨脈法

脈要精微論曰。微妙在脈。不可不察。邪氣臟腑病形篇曰。按其脈。知其病。命曰神。

秦越人六十一難曰。切脈而知之謂之巧。許叔微曰。脈之理幽而難明。吾意所解。口莫能宣也。凡可以筆墨載。可以口舌言者。皆跡象也。至於神理。非心領神會。烏能盡其元微。方盛衰論曰。受師不卒。使術不明。不察從逆。是爲妄行。推雌失雄。棄陰附陽。不知并合。診故不明。甚矣脈之不可不辨也。其大要當合素問靈樞。及各家論說。熟讀而玩繹之。自能領悟。惟常變之理。不可不知。凡人之脈。有素大素小。偏陰偏陽者。此其賦自先天。各成一局也。邪變之脈。有倏緩倏疾。乍進乍退。此其病之驟至。脈隨氣見也。故診脈者。必須先識臟脈。而後可以察病脈。先識常脈。而後可以察變脈。然有脈病相符者。有脈病相左者。有病亢極而脈忽反變者。如陽證見陽脈。陰症見陰脈。此脈病相符也。證似陽而脈不鼓指。證似陰而脈鼓盛者。此脈病相左也。陽盛者。脈必洪大。至陽盛之極。而脈反伏匿。陽極似陰也。陰盛者。脈必微細。至陰盛而脈反躁疾。陰極似陽也。此病亢極。而脈忽反變也。又有從合之辨。如脈浮爲表。治宜汗之。此其常也。而亦有宜下者。仲景云。若脈浮大。心下鞕。有熱屬臟者。攻之。不令發汗是也。脈沉爲裏。治宜下之。此其常也。而亦有宜汗者。少陰病。始得之。反發熱。脈沉者。麻黃附子細辛湯微汗之是也。脈促爲陽。當用葛

根黃芩清之矣。若脈促厥冷爲虛脫矣。非溫不可。此又非促爲陽盛之脈也。脈遲爲寒。當用附子乾薑溫之矣。若陽明脈遲。不惡寒。身體濈濈汗出。則用大承氣湯。此又非遲爲陰寒之脈也。是皆從證不從脈也。至於表症汗之。此其常也。仲景曰。病發熱頭痛。脈反沉。身體疼痛。當救其裏。用四逆湯。此從脈之沉也。裏症下之。此其常也。日晡發熱者。屬陽明。脈浮虛者。宜發汗。用桂枝湯。此從脈之浮也。結胸症。當以大小陷胸下之矣。脈浮大者。不可下。下之則死。是宜從脈而治其表也。身疼痛者。當以桂枝麻黃解之矣。然尺中遲者。不可汗。以營血不足故也。是宜從脈而調其營矣。此皆從脈不從症也。世有切脈而不問症。問症而忽脈者。得非仲景之罪人乎。陶節菴曰。問病以知其外。察脈以知其內。全在活法二字。乃臨症切脈之要訣也。余歷來治目。無不詳參脈證。以定治法。如陸某朱某。同一努肉壅腫。黑珠內泛。一則脈沉遲。知其陰虛不足。復感寒邪。故余用六物湯加炮薑。以養陰溫胃。一則脈浮遲而細。知其氣血兩虧。寒而兼風。故余用四物逍遙。加蘇木紅花。以祛風理血。張某艾某。同一珠大脫眶也。一則兩尺浮洪無根。右寸濡弱無力。此肺金不能生水。腎火浮越所致。故余用金匱腎氣丸。以降其浮陽。一則兩尺細數。右

寸浮洪。此腎水枯涸。肺氣上衝所致。故余用人參固本煎加牛膝。以清其亢熱。此證同脈異。而治亦異也。又如錢某瞳神散大。李某兩目眥肉突出發癢。判然兩症。然二人尺脈均細數。寸脈均洪大。皆由於心腎不交。故余同以滋陰六味丸。去萸肉。加女貞子以治之。此證異脈同。故治亦同也。至如孔某視白爲黃。視紅爲紫。視正爲橫。乃陰極陽飛之症。脈宜浮洪。今反細澹。所謂過極者。反兼勝已之化也。余以七味二地溫補之。此憑症而不憑脈也。大抵陰陽虛實。最宜詳審。張介賓曰。凡值疑似難明處。必須用四診之法。詳問其由。兼辨其聲色。但於本末先後中。徵之以理。斯得其真。若不察此。而但謂一診可憑。信手亂治。亦豈知脈症最多真假。見有不確。安能無誤。且常診者。知之猶易。初診者。決之甚難。此四診之所以不可忽也。

辨舌法

經曰。能合色脈。可以萬全。舌尤色之易見者。昔張仲景著傷寒論及金匱要略。皆詳舌胎。後人傷寒舌鑑。脈理正義。皆本此而推廣之。惟杜清碧驗證舌法。尤爲簡

明。蓋舌爲心竅。臟腑有病。必見之於舌。目病本於臟腑。故宜合舌胎以辨之。惟外感有之。而內傷絕少。凡症初起。舌有白胎薄而淡者。是寒邪初入太陽也。白屑滿舌。邪將傳入陽明也。白胎乾厚者。此太陽熱病也。白胎兼滑者。此太陽陽明併病也。白胎而中有微黃者。此太陽之邪漸入陽明也。如表未罷。雙解之。表已罷。下之。如作瀉。清之導之。白胎而尖微有刺者。此少陽陽明也。白胎而中有黑點者。亦少陽陽明也。如表未罷者。和解之。表已罷。微下之。白胎而滿黑刺者。此三陽合病也。白胎在左。陽明虛熱也。白胎在右。少陽受邪也。白胎而膩滑者。痰也。舌無白胎。外症厥冷者。寒中少陰也。白胎或左或右。而餘見黃黑。外證下利。痛引小腹者。臟結也。熱甚者下之。無熱者溫之。白胎在尖者。少陽也。舌胎根白而尖紅者。太陽少陽併病也。舌白無胎而明淡。外症熱者。胃虛也。凡舌無胎垢而色變者。皆屬虛也。白胎厚如積粉者。此瘟疫初犯膜原也。白胎而尖根俱黑。乃金水太過。火土氣絕於內。雖無凶證。亦必死也。白胎中見黑色兩條。乃太陽少陽之邪入於胃。因土氣衰絕。故胸中結痛也。白胎中見灰色兩條。乃夾冷食舌也。舌見微黃胎者。邪入陽明。裏熱症也。次見深黃者。熱漸甚也。再見乾黃焦黃者。熱愈亢也。宜下之。舌胎根黃

而尖白者。表少裏多也。黃胎而滑者。陽明溼熱也。黃胎而上有隔瓣者。邪毒甚深。急下之。黃胎雙垂夾見者。正陽陽明也。黃胎而中有斑者。將發斑也。無斑者。專下之。黃胎而中有刺者。胃熱甚也。黃胎而中有小黑點者。邪將入臟也。急下之。黃胎久而變黑。乾燥生刺者。實熱亢極之候。不治者多。若遇此症。必須掘開舌胎。視瓣底紅者。可急下之。瓣底黑者。不治。舌胎中心黑厚而乾者。爲熱盛津枯之候。舌中黑無胎而燥。津液受傷。虛火用事也。舌黑有津邊紅。證見讖語者。虛人攻補兼用之。壯實者。急下之。夏月中暍。多有此舌。以辛涼解之。間有大虛之候。須合脈症參之。中黑邊白而滑者。表裏俱虛寒也。凡舌胎純黑者。有兩症。一爲火極似水。一爲水來尅火。其辦法火亢盛者。胎厚而多刺。水來尅者。胎薄而無刺。若舌黑中爛者。不治。舌至乾黑而短者。不治。產後舌紫黑者。不治。凡見黑色。須問曾食酸物。及甜鹹物否。以其能染成黑色。非因病而生。故潤而不燥。刮之即退也。若舌胎見灰色。即黑色之輕者。與黑同治。亦有陰陽之分。如直中陰經者。即時舌變灰黑。而無積胎。如傳經熱症。則灰黑乾胎。大抵舌上黃白黑俱有胎。紅紫則有色而無胎也。舌見純紅者。乃火亢之極。瘟疫將深之象也。舌中心見紅者。此太陽症也。舌紅而尖

起紫泡者。此心經熱毒也。舌紅而中見紫斑者。將發斑也。舌淡紅而中見紅赤點者。將發黃也。舌紅而碎裂如人字紋者。此陽明傳熱於少陰心也。舌淡紅而碎裂如川字紋者。此心經積熱也。舌紅而有刺者。此胃有熱積也。舌紅而內有黑紋數條者。乃陰毒結於肝經。肝主筋。故舌見筋絲也。舌紅而有重舌者。此熱毒入心胞。舌紅而脹大滿口。此熱毒入於少陽陽明。均宜刺出惡血。舌紅而出血如衄。此熱傷心胞也。宜涼血止血。舌紅而硬強失音者。死候也。有痰者導之。內實者下之。間有生者。舌紅而碎爛如蟲蝕者。此少陰瘟毒也。下之。舌紅而吐弄者。此熱在心脾也。舌紅而戰動難言。舌紅而痿軟不能言者。皆心脾虛極也。多用人參可救。舌紅而乾癆者死。不治。舌見純紫色者。此酒毒也。舌紫而中心帶白者。酒毒在少陽也。舌紫而中心帶赤者。酒毒在陽明也。舌淡紅而中見紫黑筋數道者。此厥陰真寒症也。據此論治。可以辨虛實。別死生矣。

用方法

漢張仲景治傷寒。立一百十三方。此用方之祖也。其中增減分合。立法最善。如桂

枝湯加葛根。則爲桂枝加葛根湯。此增法也。桂枝湯去芍藥。則爲桂枝去芍藥湯。此減法也。桂枝湯去芍藥加附子。此增減並用法也。桂枝二麻黃一湯。桂枝二越婢一湯。此合法也。桂枝麻黃各半湯。此合而兼分之法也。蓋病情百變。方難膠一。故有一方之中。寒熱並用。仲景附子瀉心湯是也。攻補並用。陶氏黃龍湯是也。若藥性相反而兼用者。胡洽治痰癖。十棗湯加甘草。丹溪治勞瘵。蓮心飲與莞花同行是也。又如丹溪治一婦。用四物湯去川芎。倍地黃加白朮。黃耆黃蘗甘草人參一貼。腹大泄。目無視。口無言。知其病勢深而藥無反佐之功也。仍用前藥炒熟與之而愈。此同一方而一生一熟。相懸天壤也。至於君臣佐使。尤不可不知。如六君子專補氣。故以人參爲君。四物湯專補血。故以當歸爲君。切不可凌亂雜用。致昧要領。欲爲醫者。能先明製方之法。無難奏效。余治汪婦。兩目赤腫。左關脈沉數而微瀼。此鬱火傷肝症。宜用逍遙散。然時值暑令。恐柴胡復升動其火。因去之。加青蒿而病除。又治謝某。火旺水虧。宜用六味丸。但目有星障。不宜酸斂。因去萸肉。加女貞而病除。又治謝某。兩目眈眈。紅絲下墜。此由操勞過度。思慮傷脾。以致脾火刑金。宜用歸脾湯。但脾中尙有鬱火。恐木香太燥。且能破氣。因去之。加麥冬以潤。

肺而病除。又治吳某厥陰頭痛。氣血素虧。脾腎兩經復感受寒邪。致左目凝翳赤障。下起傷痕。宜用溫補之劑。但僅祛脾臟之寒。則水不得溫。僅祛腎臟之寒。則土不得煖。余以理中湯理陰煎。合治之而病除。凡茲各法。未可概述。但能隨證應變。自免刻舟求劍之弊。若症有相似。萬無參用。如陰症似陽者。其人目腫面赤。煩躁咽痛。身有微熱。大便秘結。有似陽症。但渴欲飲水。復不能飲。切其脈沉細遲微。或輕按洪數。重按沉弱無力。此乃水極似火。王太僕所謂身熱脈數。按之不鼓擊者。名陰盛格陽。非熱也。宜用通脈四逆湯。倍加附子人參。以接其真陽之氣。設投寒涼。下咽即斃。陽證似陰者。其人目微赤。身寒逆冷。神氣昏昏。狀若陰證。然渴能飲水。大便鞭秘。小便赤澀。設有稀糞利出者。乃旁流之物。非冷利也。其脈雖沉。切之必滑數有力。王太僕所謂病人身寒厥冷。其脈滑數。按之鼓擊者。名陽盛格陰。非寒也。輕者白虎湯。重者承氣湯。倘投溫熱。醫殺之也。又有隔治一法。如六節藏象論曰。未至而至。此爲太過。則薄所不勝而乘所勝也。張介賓謂凡五行之氣。尅我者爲所不勝。我尅者爲所勝。假如木氣有餘。金不能制。而木反侮金。薄所不勝也。余嘗治一目痛脾泄嘔吐之證。專用四君子而愈。蓋此症由脾土衰弱。不能生金。

制木。時值春令。少陽用事。金氣休囚。木挾相火。反刑肺金。故致目痛嘔吐。復尅脾土。故致泄瀉。若徒伐肝木。木必不能受制。惟用隔治一法。補土以生金。生金以制木。則金有生扶。木不能薄所不勝也。此卽東垣補土平肝之意也。但天下之病無窮。古人之方。不能盡其變態。則因證立方。當抒獨見。曾有干某其目爲石灰所傷。黑珠已損。視物不明。兩眶腫痛。又有廖婦。左目爲火烙傷。黑珠已壞。疼痛難忍。此兩症。如飛鴻集。龍木論。銀海精微。原機啓微。審視瑤函。等書。及各大家集中。均所未載。余思石本屬陽。又因火化灰。其性更烈。目爲所傷。則血凝水涸。遂處一方。以韭菜地上蚯蚓泥煎湯令服。其腫痛立消。繼以涼血之劑。目遂還光。蓋蚓本土德。而星應軫。水味性鹹寒。最能清熱。其泥尤甘寒。瀉熱解毒。必用韭菜地上者。韭入血分而行氣。氣血行則腫消。熱毒清則痛止也。至火性燥烈。烙目尤酷。遂用陳菜子油令其灌洗。其腫痛亦立消。蓋菜子辛溫無毒。陳則辛溫之氣稍洩。目方苦燥。得此潤之。痛可少減。且味帶辛溫。則能散其凝滯。而腫亦消矣。學者能細認病源。熟諳本草。何患症之難治哉。

用藥法

夫病有虛實寒熱之殊。故藥有補瀉溫涼之別。若虛中挾實。實中挾虛。寒因熱化。熱因寒化。上寒下熱。上熱下寒。其症種種不同。則臨證用藥之法。不可不知。昔韓懋之嫂。口舌脣皆瘡。或至封喉。下部虛脫。白帶如注。醫或投涼劑解其上。則下部疾愈甚。或投熱劑。及以湯藥熏蒸其下。則熱暈欲絕。懋曰。此亡陽症也。以鹽煮附子爲君。制以薄荷防風。佐以薑桂芎歸。水煎後。入井冰冷與之。未盡劑。卽少瘥。或問其故。曰。真對真。假對假。上乃假熱。故以假冷之藥從之。下乃真寒。故以真熱之藥反之。斯上下和而病解矣。此治假熱真寒之法也。張銳治蔡魯公孫婦產後。次日大泄。而喉閉不入食。衆醫曰。二疾若冰炭。雖司命無如之何。張曰。無憂也。取藥數十粒。使吞之。咽喉卽通。下泄亦止。魯公奇之。張曰。此於經無所載。特以意處之。向者所用藥。乃附子理中丸。裹以紫雪耳。方喉閉不通。非至寒之藥。不爲用。既下咽。則消釋無餘。其得至腹中者。附子力也。故一服而兩疾愈。此寒熱並治之法也。羅謙甫治一婦。肝脾鬱結。午前用補中益氣湯下六味丸。午後用逍遙散下歸脾湯。此氣血並治之法也。謙甫又治一婦。肝脾氣滯。與歸脾湯下蘆薈丸。此補瀉兼施之法也。薛新甫治一婦。怒氣傷肝。氣血俱虛。朝用逍遙散。夕用歸脾湯。又治一

婦鬱怒傷肝脾。朝用歸脾湯。夕用逍遙散。蓋一則肝陰大損。故先用逍遙以達木性。次用歸脾以補其土。使木不能尅制。一則脾土既爲肝木所尅。故先用歸脾以扶衰敵強。次用逍遙以疎其氣。使木性得暢。土不復尅。此治標治本先後次序之法也。李果垣治息賁伏梁諸丸。初令服二丸。一日加一丸。二日加二丸。加至大便微澹爲度。再從二丸加服。周而復始。俟積消大半而止。蓋恐病淺藥深。轉傷正氣。故必逐漸增添。此由少加多之法也。李士材製陰陽二積之劑。補中數日。然後攻伐。不問積去多少。再與補中。待其神旺。則復攻之。屢攻屢補。以平爲期。此攻補迭用之法也。余本各法以治目疾。應手輒效。嘗治沈某目紅壅腫。眵淚如膿。口乾唇燥。小便赤澀。此一水不能勝五火也。第降其火。則水不卽生。第滋其水。則火不遽息。乃以六味作湯下青寧丸。火清而水亦壯。又姚某右目爲苗葉刺傷。白障滿泛。疼痛不止。當以活血爲本。治氣爲標。乃朝用四物湯加蘇木、紅花、乳香、沒藥、蟾蟲。以行其血。夕用沉香越鞠丸以通其氣。又干某痘後。兩眸生癰。此因虛鬱熱停滯脾胃。當以扶脾爲本。清熱爲標。乃朝用六君子去甘草加升麻、望月砂、杏仁以健脾潤肺。夕用清目散以瀉火。又李某兩目赤障。晝則時痛時止。此陽不和也。乃朝

用香砂六君子。以和其陽。然上焦鬱氣未通。再用搐鼻碧雲散。以達其氣。又馬某兩目赤翳。夜則時痛時止。此陰不和也。余用補肝散合四物湯。以和其陰。然浮火上升。不可不降。再用熟地附子搗爛。塗湧泉穴。以降其浮游之火。又劉某兩目昏眊。胸膈鬱悶。無事生怒。此腎水不能生肝木也。余用左歸飲下越鞠丸。則壯水之中兼解其鬱。凡此陰陽互濟。氣血並調。虛實兼治。諸法不能遍舉。略述數條。以待學者隅反。或曰。何不一湯以治之。余曰。不然。用藥之法。同於用兵。譬如兩枝兵合路而來。則合師以剿。自可奏功。若東一枝兵。西一枝兵。分路來犯。若合師以剿。東馳西走。力不能專。何如分師進取。各奏成功。然而奇正相生。各存乎人。總期變通盡利。故兵法曰。多算勝者。少算不勝也。

銀海指南

清 桐鄉 顧 錫養 著述

鄞縣 曹赤電 炳章 圈點

卷三

湯丸備要

六味地黃丸陽仲 治肝腎不足。真陰虧損。精血枯竭。憔悴羸弱。腰痛足痠。自汗盜汗。水泛為痰。發熱咳嗽。頭暈目眩。耳鳴耳聾。遺精便血。消渴淋瀝。失血失音。舌燥喉痛。虛火牙痛。足跟作痛。下部瘡瘍等症。

熟地八兩 山萸肉酒潤 山藥各四兩 茯苓乳拌

丹皮 澤瀉各三兩

右蜜丸。梧子大。空心鹽湯下。如用作湯。分兩酌定。

崔氏八味丸金匱 治命門火衰。不能生土。以致脾胃虛寒。飲食少思。泄瀉腹脹。或

元陽虛憊。陽痿精寒。臍腹疼痛。夜多漩溺。膝痠腰軟目昏等症。

即前六味加肉桂附子各一兩。

七味丸 治肝經氣虛。筋無所養。變為寒症。以致筋骨疼痛。脚軟懶行。及傷寒服涼藥過多。水中無火。手足牽引。肝經血虛。以致火燥筋攣。變為結核癰癰等症。

即前六味加肉桂一兩。

都氣丸 治勞嗽。益肺之源。以生腎水也。

即前六味加五味子。

八仙長壽丸 治虛損勞熱。

即前六味加五味子二兩。麥冬三兩。

明目地黄丸垣東 治腎虛目昏。

即前六味加柴胡五味歸身。硃砂為衣。

滋腎生肝飲葵養 治血虛氣滯。或肩背絆痛。或胃脘當心而痛。或肝火鬱於胃中。

以致倦怠嗜臥。飲食不思。口渴咽燥。及婦人小便自遺。頻數無度。

即前六味加柴胡五味白朮當歸甘草。

滋陰腎氣丸。治目神水寬大漸散。或如霧露中行。漸覩空中有黑花。視物二體。

久則光不收。及內障瞳神淡白。

即前六味去萸肉。加柴胡五味。歸身生地。硃砂爲衣。

知柏八味丸。治陰虛火動。骨痿髓枯。

即前六味加知母黃柏各二兩。

加味地黃丸。治肝腎陰虛。耳內癢痛出水。或眼昏痰喘。或熱渴便澀等症。

即前六味加生地柴胡五味。

左歸飲^{景岳}。治腎水乾枯。虛火上蒸脾胃。陰土受虧。以致飲食不進。大便燥結。甚

至三陽癰閉。將成噎膈。治之於早。無不愈也。嘗以此方加歸芍。治傷寒舌黑脣

焦。大渴引飲。此必服攻伐寒涼之藥過多也。此方救之。治瘧疾而兼燥症。熱重

寒輕者。此方更宜。

熟地^{三四錢或加至一二兩}

山藥^{二錢} 茯苓^{錢半}

山萸肉^{一二錢畏酸者少用之} 甘枸杞^{二錢} 甘草^{一錢}

水二盞。煎七分。食遠服。

如肺熱而煩者。加麥冬二錢。血滯者。加丹皮二錢。心熱而躁者。加元參二錢。血熱妄動者。加生地三四錢。陰虛不寧者。加女貞子二錢。上實下虛者。加牛膝二錢。以導之。血虛而燥滯者。加當歸二錢。脾熱易飢者。加白芍二錢。腎虛骨蒸多汗者。加地骨皮二錢。

左歸丸景岳 治真陰腎水不足。不能滋養營衛。漸至衰弱。或虛熱往來。自汗盜汗。或神不守舍。血不歸原。或遺淋不禁。或口燥舌乾。或腰痠腿軟。或昏運眼花耳聾。凡精髓內虧。津液枯竭等症。俱宜速壯水之主。以培左腎之元陰。而精血自充矣。此方主之。

大熟地八兩

山藥

黃肉

枸杞

菟絲子製

鹿角膠切碎

龜膠切碎炒珠

牛膝酒洗蒸熟

者不用

蜜丸。每食前滾清湯或淡鹽湯送下百餘丸。如純陰失守。虛火上炎者。宜用純陰至靜之劑。於本方去鹿膠枸杞。加女貞麥冬三兩。如火燦肺金。乾咳多嗽者。加百合三兩。如氣虛者。加人參三四兩。如大便燥結。去菟絲。加肉蓯蓉三兩。

如血虛微滯。加當歸四兩。如腰膝痠痛。加杜仲三兩。鹽水炒用。如臟平無火。而腎氣不充者。加破故紙蓮肉去心胡桃肉各四兩。龜膠不必用。右丸。五液皆主於腎。故凡屬陰分之藥。無不皆走腎。有謂必須導引者。皆見之不廣爾。

右歸飲景岳此益火之劑也。凡命門之陽衰陰勝者。宜此方加減主之。如治陰盛格陽真寒假熱等症。宜加澤瀉二錢煎成。用涼水浸冷服之。尤妙。

熟地三四錢或加至一二兩

萸肉一錢

山藥二錢

杜仲薑製二錢

枸杞二錢

炙甘草錢一二

肉桂錢一二

製附子一二錢

水二盞煎七分。食遠服。如氣虛血脫。或厥或昏。或汗或運。或虛狂。或短氣者。必大加人參白朮。隨宜用之。如小腹多痛。加吳茱萸六七分。如火衰不能生土。為嘔噦吞酸者。加炮薑二三錢。如陽衰中寒。泄瀉腹痛。加人參肉豆蔻。隨宜用之。如淋帶不止。加破故紙一錢。如血少血滯。腰膝軟痛者。加當歸二三錢。右歸丸景岳治元陽不足。或先天稟衰。或勞傷過度。以致命門火衰。不能生土。而為脾胃虛寒。飲食少進。或嘔惡膨脹。或反胃噎膈。或怯寒畏冷。或臍腹疼痛。或

大便不實。瀉痢頻作。或小水自遺。虛淋寒疝。或寒侵谿谷。而肢節痛痺。或寒在下焦。而水邪浮腫。總之真陽不足者。必神疲氣怯。或心跳不寧。或四肢不收。或眼見邪祟。或陽衰無子等症。速宜益火之原。以培右腎之元陽。而神氣自強矣。八味丸治之不愈者。宜服此。或用右歸飲。

大熟地八兩

山萸肉

山藥

枸杞

菟絲製

杜仲薑炒

鹿角膠炒珠各四兩

當歸三兩便磨勿用

附子製

肉桂各二兩

蜜丸。服如前法。或丸如彈子大。每嚼服二三丸。白湯下。其效尤速。如陽衰氣虛。必加人參以爲之主。蓋人參之功。隨陽藥則入陽分。隨陰藥則入陰分。欲補命門之陽。非加人參不能捷效。如陽虛精滑。或帶濁便溏。加補骨脂酒炒三兩。如飧泄腎泄不止。加五味子三兩。肉豆蔻三兩。麵炒去油用。如飲食減少。或不易化。或嘔惡吞酸。皆脾胃虛寒之症。加乾薑三四兩炒黃用。如腹痛不止。加吳茱萸二兩。湯炮半日炒用。如腰膝痠痛。加胡桃肉連皮四兩。如陰虛陽痿。加巴戟肉四兩。肉從蓉三兩。或加黃狗外腎一二副。以酒煮爛搗入之。

人參固本丸千金 治肺勞虛極。脾虛煩熱。或小便短赤。大便閉結。此陰虛有火之聖藥也。

人參二兩

天冬

麥冬

生地

熟地各四兩

蜜丸

天王補心丹藏道 治思慮過度。陰血不足。怔忡健忘。心口多汗。大便或秘或結。口舌生瘡等症。

生地四兩

柏子仁

當歸酒洗

酸棗仁各五錢

天冬一兩

麥冬一兩

人參五錢

元參五錢

丹參五錢

五味一兩

桔梗五錢

茯苓用扶神

遠志肉五錢

蜜丸彈子大。硃砂為衣。臨臥燈心湯下一丸。或嚙含化。一方有石菖蒲四錢。無五味子。一方有甘草。

龜鹿二仙膏 治瘦弱少氣。夢遺泄精。目視不明。精竭之症。

鹿角十斤

龜版五斤

枸杞一斤

人參一斤

先將鹿角龜版鋸截刮淨。水浸桑火熬成膏。再將人參枸杞熬膏和入。每晨酒服三錢。

扶桑丸

胡僧

除風溼。起羸尪。駐容顏。烏鬚髮。卻病延年。

嫩桑葉

去蒂洗淨暴乾為末一斤

黑芝蔴

名巨勝子

用白蜜一斤。將芝蔴搗碎。熬濃汁。蜜和煉至滴水成珠。入桑葉末為丸。一方桑葉為末。芝蔴蒸搗等分。蜜丸。早鹽湯下。晚酒下。

益氣聰明湯

東垣

治內障目昏耳鳴耳聾。

黃耆

人參

各五錢

葛根

蔓荊子

各三錢

白芍

黃柏

各二錢

升麻

錢半

炙甘草

一錢

每四錢。臨臥服。五更再服。

玉屏風散

效得

治自汗不止。氣虛表弱。易感風寒。

黃耆

防風

各一兩

白朮

炒二兩

為末。每服三錢。

苓朮菟絲丸

治脾腎虛損。不能收攝。以致夢遺精滑。困倦等症。

茯苓

白朮各四兩

菟絲子倍用

蓮肉去心四兩

杜仲酒炒三兩

山藥二兩

五味子酒蒸一兩

炙甘草五錢

右用山藥末以陳酒煮糊為丸。桐子大。空心白滾湯或酒下百餘丸。

桑螵蛸散氏寇 治小便數而欠。能安神魂。補心氣。療健忘。

人參

茯苓一用

石菖蒲鹽炒

遠志

桑螵蛸鹽炒

龍骨煨

龜版酥炙一用

當歸

等分為末。臨臥服二錢。人參湯下。

四君子湯 治一切陽虛氣弱。脈來虛軟。脾衰肺損。飲食少思。體瘦而黃。皮聚毛

落。言語輕微。四肢無力。及脾胃不和。泄痢虛飽。

人參

白朮土炒

茯苓各二錢

甘草一錢

加薑棗煎服。

異功散 調理脾胃。

即前四君子加陳皮。

六君子湯 治脾胃氣虛。飲食不進。致成痰癖。不時咳唾。或胃氣虛寒。動成嘔惡。

凡虛癰及諸病後宜之。

即前四君子加陳皮半夏。

香砂六君子湯 治虛寒胃痛。或腹痛泄瀉。

即前六君子加香附砂仁。

六神散無 治小兒表熱去後。又發熱者。

即前六君子加山藥扁豆。

八珍湯 治氣血兩虛。及胃損。飲食不為肌膚。

即前四君子合後四物湯。

十全大補湯 治真陰內竭。虛陽外鼓。

即前八珍湯加黃耆肉桂。

補中益氣湯 治煩勞內傷。身熱心煩。頭痛惡寒。懶言惡食。脈洪大而虛。氣短

而渴。或陽虛自汗。或氣短不能舉元。致瘧痢脾虛。久不能愈。一切清陽下陷。中

氣不足之症。

黃耆蜜炙

人參

甘草炙

白朮土炒

陳皮

當

歸

分各五

升

麻

柴

胡

分各三

薑三片。棗二枚煎服。如血不足。加當歸。精神短少。加人參五味。肺熱咳嗽。去人參。噤乾。加葛根。頭痛。加蔓荊子。痛甚。加川芎。腦痛。加藁本細辛。風溼相搏。一身盡痛。加羌活防風。有痰。加半夏生薑。胃寒氣滯。加青皮。薤仁。木香。益智。腹脹。加枳實厚朴。木香砂仁。腹痛。加白芍甘草。熱痛。加黃芩。能食而心下痞。加黃連。咽痛。加桔梗。有寒。加肉桂。溼勝。加蒼朮。陰火。加黃柏知母。陰虛。去升麻。柴胡。加熟地山萸山藥。大便秘。加酒煨大黃。咳嗽。春加旋覆款冬。夏加麥冬五味。秋加麻黃黃芩。冬加麻黃。不去根節。天寒加乾薑。泄瀉。去當歸。加茯苓蒼朮。益智。如冬月惡寒發熱無汗。脈浮而緊。加麻黃。若脈浮而緩有汗。加桂枝白芍。調中益氣湯。治脾胃不調。胸滿肢倦。食少短氣。口不知味。及食入反出。

即前補中益氣湯去當歸白朮加木香蒼朮。

四物湯。治一切血虛。及婦人經病。

當歸酒洗

生

地

各三錢

白

芍

二錢

川

芎

錢半

如涼血。心加黃連。肝條芩。肺枯芩。大腸實芩。膽黃連。腎膀胱黃柏。脾生地。胃大

黃。三焦地骨。心胞丹皮。小腸梔子木通。如清氣心與胞絡加麥冬。肺枳殼。肝柴胡青皮。脾白芍。胃乾葛石膏。大腸三焦連翹。小腸赤茯苓。膀胱滑石琥珀。血虛加龜板。血燥加人乳。血瘀加桃仁紅花韭汁童便行之。暴血加薄荷元參散之。血不止加炒蒲黃京墨久不止加升麻引血歸經。婦人經血紫黑。脈數爲熱。加芩連。血淡脈遲爲寒。加桂附。人肥有痰。加半夏南星橘紅。人瘦有火。加黑梔知母黃柏。鬱者加木香砂仁蒼朮神麴。瘀滯加桃仁紅花延胡肉桂。氣虛加參耆。氣實加枳朴。王海藏加芩朮。名溫六合湯。治經水過多。加梔連。名熱六合湯。治血熱妄行。加薑附。名寒六合湯。治血海虛寒。加芫羌。名風六合湯。治血虛風痒。加陳朴。名氣六合湯。治氣鬱經阻。

知柏四物湯 治陰虛有火。

卽前四物加知母黃柏。

羌防四物湯 治風虛眩暈。風秘便難。

卽前四物加羌活防風。

元戎四物湯 治血結便秘。撲損瘀血。

即前四物加桃仁紅花。

加味四物湯薛氏治血虛有熱。

即前四物加丹皮山梔。

當歸補血湯垣東治傷於勞役肌熱面赤煩渴引飲脈大而虛。

黃耆炙一兩當歸酒洗二錢空心服。

歸脾湯生濟治思慮過度勞傷心脾怔忡健忘驚悸盜汗發熱體倦食少不眠。或

脾虛不能攝血致血妄行及婦人經帶或心脾傷痛嗜臥肢體作痛大便不調。

或瘰癧流注不能消散潰斂。

黃耆蜜炙當歸酒洗龍眼肉各二錢棗仁炒研

白朮土炒各半錢人參各一錢茯苓各一錢遠志去心八分

木香磨沖甘草各五分

薑棗煎。如肺腎受傷加麥冬五味。肝腎受傷加白芍。更為有益。如從佛鬱而起則加柴胡丹皮山梔。如非二陽之病至怔忡去木香加枸杞。如夢遺加熟地。五味白芍牡蠣。如挾心包有餘之火加黃連生地。有痰加貝母。如挾相火者加

黃柏知母麥冬。

加味歸脾湯薛氏治血熱。

即前歸脾湯加丹皮山梔。

黑歸脾湯治陰虛血少。

即前歸脾湯加大熟地。亦有將全料炒黑用者。

人參養營湯治脾虛食少無味。身倦肌瘦。肺虛色枯氣短。毛髮脫落。小便赤澀。營血不足。驚悸健忘。寢汗發熱。諸種虛症。

人參 白朮 白芍各錢半 黃耆蜜炙

當歸二錢 茯苓一錢 熟地三錢 甘草炙

陳皮 桂心 遠志各五分 五味十粒

加薑棗煎。

二至丸補腰膝。壯筋骨。強腎陰。烏鬚髮。

冬青子即女貞實冬至日採不拘多少陰乾蜜酒拌蒸曬乾為末瓷瓶收貯 旱蓮草夏至日採不拘多少搗汁熬膏和入

臨臥酒服一方加桑椹乾為丸。或桑椹熬膏和入。

休瘧飲^{景岳}此止瘧最妙之方也。若汗散既多。元氣不復。或以衰老。或以弱質。而瘧有不能止者。俱宜用此。化暴善後之第一方也。

人參

白朮炒

當歸^{各三錢}

何首烏^{五錢}

炙甘草^{八分}

用陰陽水各一盞。煎七分。露一宿。次早溫服。如陽虛多寒。宜溫中散寒者。加乾薑肉桂之類。甚者。或加製附子。如陰虛多熱。煩渴喜冷。宜滋陰清火者。加麥冬生地芍藥。甚者。加知母。或加黃芩。如腎陰不足。水不制火。虛煩虛僂。腰痠脚軟者。加熟地山藥杜仲之類。如邪有未盡。而留連難愈者。于此方加柴胡麻黃細辛紫蘇之屬。自無不可。如氣血多滯者。或加酒水各一盞煎。服藥後。飲酒數杯亦可。

桂枝湯^{景仲}

治太陽中風。陽浮而陰弱。發熱頭痛。自汗惡寒。鼻鳴乾嘔。及陽明病脈遲。汗出多。微惡寒者。表未解也。可發汗。

桂枝^{三兩}

芍藥^{三兩}

甘草^{炙二兩}

大棗^{十二枚}

生薑^{三兩}

熱服。須臾啜稀熱粥以助藥力。宜溫覆取微汗。不可令如水淋漓。汗出病差。停後服。服一劑盡。病症猶在者。更作服。

神朮散藏海 治內傷冷飲。外感寒邪而無汗者。

蒼朮製

防

風

各二

甘

草

炙一

加生薑葱白煎。如太陽症發熱惡寒。脈浮緊者。加羌活。浮緊帶洪者。是兼陽明。

加黃芩。浮緊帶弦數者。是兼少陽。加柴胡。

香蘇飲局方

治四時感冒。頭痛發熱。或兼內傷。胸膈滿悶。噯氣惡食。

香附炒

紫

蘇

各二

陳

皮

去白

甘

草

七分

加薑葱煎。傷食。加消導藥。咳嗽。加杏仁桑皮。有痰。加半夏。頭痛。加川芎白芷。傷

風鼻塞頭昏。加羌活荆芥。心中卒痛。加延胡索酒一杯。

清震湯 治雷頭風。頭面疙瘡腫痛。憎寒壯熱。狀如傷寒。

升麻

蒼

朮

各五

荷

葉

一枚

小柴胡湯景仲 治傷寒中風。少陽症。往來寒熱。胸脇痞滿。心煩喜嘔。默默不欲食。

或脇下痛。或腹中痛。或渴或利。或欬或悸。小便不利。耳聾口苦。脈弦。

柴胡半斤

黃芩三兩

人參三兩

甘草一兩

生薑四兩

半夏半升

大棗十二枚

水一斗二升。煮六升。去渣再煎。取三升。溫服一升。日三服。嘔逆。加生薑以散逆。陳皮以理氣。煩而不嘔。去半夏。人參。加栝蒌以蕩鬱熱。渴者去半夏。加花粉以生津。若渴外有微熱。去參加桂枝以解肌。覆取微汗。咳嗽。去參。棗。生薑。加五味以斂肺。乾薑以散寒。齒燥無津。加石膏以清胃止渴。虛煩。加竹葉以涼心。糯米以和胃。痰熱。加瓜蒌貝母。腹痛。去黃芩。加芍藥。脇下痞硬。去大棗。加牡蠣。脇下痛。加青皮。白芍。心下悸。小便不利。去黃芩。加茯苓。本經頭痛。加川芎。發黃。加茵陳以利溼。

越鞠丸

後丹

統治六鬱。胸膈痞悶。吞酸嘔吐。飲食不消。

香附醋炒

蒼朮泔製

撫芎

神麴

梔子炒黑

等分麵糊丸

如濕鬱。加茯苓白芷。火鬱。加青黛。痰鬱。加半夏。南星。瓜蒌。海石。血鬱。加桃仁。紅花。氣鬱。加木香。枳榔。食鬱。加山楂。麥芽。砂仁。挾寒。少加吳茱萸。

逍遙散_局 治血虛肝燥。骨蒸勞熱。潮熱咳嗽。往來寒熱。口乾便澀。月經不調。凡肝膽兩經鬱火。以致脇痛頭眩。或胃脘當心而痛。或肩胛絆痛。或時眼赤痛。連及太陽。婦人鬱怒傷肝。致血妄行。赤白淫閉。沙淋崩濁等症。俱宜此方加減治之。易曰。風以散之是也。

當歸酒拌

白芍_{酒炒各錢半}

白朮_{土炒}

柴胡

茯苓_{各一錢}

甘草_{炙五分}

加煨薑薄荷煎。

加味逍遙散_{薛氏} 治怒氣傷肝。血少目暗。

即前逍遙散加丹皮山梔。

黑逍遙散 治肝腎陰虛。

即前逍遙散加大熟地。

藿香正氣散_局 治外感風寒。內傷飲食。憎寒壯熱。頭痛嘔逆。胸膈滿悶。咳嗽氣喘。及傷冷傷溼瘧疾。中暑霍亂吐瀉。凡感嵐瘴不正之氣者。並宜增減用之。

藿香

紫蘇

白芷

大腹皮

茯苓各三兩

白朮

陳皮

半夏麵

厚朴

桔梗各二兩

甘草一兩

每服五錢。加薑棗煎。一方加木瓜。

枳朮丸古方 消痞除痰。健脾進食。

白朮二兩

枳實一兩

為末。荷葉包陳米飯。煨乾為丸。痞悶加陳皮。氣滯加木香。傷食加麥芽神麴。

平胃散方局 治脾有停滯。痰飲痞膈。宿食不消。滿悶嘔瀉。

蒼朮二錢

厚朴薑製

陳皮去白

甘草炙各一錢

加薑棗煎。傷食加神麴麥芽。或枳實。溼勝加五苓。痰多加半夏。脾倦不思食。加參耆。痞悶加枳殼木香。大便秘加大黃芒硝。小便赤澀加苓澤。傷寒頭痛加葱頭取微汗。

不換金正氣散方局 治胃寒腹痛嘔吐。

即前平胃散加藿香半夏。

胃苓湯 治中暑傷溼。停飲夾食。腹痛泄瀉。及口渴便秘。

即前平胃散。合後五苓散。

五苓散

景仲

治諸溼腹滿。水飲水腫。嘔逆泄瀉。水寒射肺。或喘或欬。中暑煩渴。身

熱頭痛。膀胱積熱。便秘而渴。霍亂吐瀉。痰飲溼瘧。身痛身重。

猪苓

茯苓

白朮炒共十

澤瀉一兩六

肉桂半兩或

爲末。每服三錢。服後多飲熱水。汗出而愈。傷暑者。加硃砂燈心煎。

蒼朮五苓散 治寒溼。

即前五苓散加蒼朮。

茵陳五苓散 治溼熱發黃。便秘煩渴。

即前五苓散加茵陳。

猪苓湯景仲 治溼熱黃疸。口渴溺赤。

即前五苓散去朮桂加阿膠滑石。

澤瀉湯金匱 治心下支飲。常苦眩冒。

即前五苓散但用澤瀉五兩。白朮二兩。

春澤湯 治無病而渴。與病瘥後渴者。

即前五苓散合四君子湯。

金匱腎氣丸 治脾腎大虛。肚腹脹大。四肢浮腫。喘急痰盛。小便不利。大便溏黃。已成蠱症。亦治消渴。飲一洩二。

熟地四兩

茯苓三兩

山藥微炒

丹皮酒洗

山萸酒潤

澤瀉酒浸

牛膝酒浸

車前微炒

肉桂各一兩

附子製五錢

蜜丸

貞元飲治氣短似喘。呼吸促急。提不能升。嚥不能降。氣道噎塞。勢極垂危者。

常人但知為氣急。其病在上。而不知元海無根。肝腎虧損。此子午不交。氣脫病也。嘗見婦人血海常虧者。最多此症。宜以此飲濟之。緩之。敢云神劑。凡診此脈。必微細無神。若微而兼緊。尤為可畏。倘庸眾不知。妄云痰逆氣滯。用牛黃蘇合。及青陳枳殼破氣等劑。則速其危。

熟地七八錢

當歸二錢

炙甘草一二錢

如兼嘔惡或惡寒者。加煨薑三五片。如氣虛脈至極者。急加人參隨宜。如肝腎

陰虛。手足厥逆者。加肉桂一錢。

佛手散 治產後血虛頭痛。

川芎

當歸

爲末服。

五皮飲瘧

治水病腫滿。上氣喘急。或腰以下腫。

五加皮

地骨皮

茯苓皮

大腹皮

生薑皮

一方五加皮。羅氏五加皮。桑白皮。治病後脾肺氣虛。而致腫滿。

革薺分清飲

治陽虛白濁。小便頻數。漩白如油。名曰膏淋。

川革薺

石菖蒲

烏藥

益智仁

甘草梢減半

入鹽服。一方加茯苓。

理中湯仲景

治傷寒太陰病。自利不渴。寒多而嘔。腹痛便溏。脈沉無力。或厥逆拘

急。或結胸吐衄。及感寒霍亂。凡中宮虛寒。氣不能理諸症。俱宜用此。分理陰陽。調和胃氣。

人參一兩

白朮二兩土炒

乾薑炮

甘草炙各一兩

自利腹痛者。加木香。不痛利多者。倍白朮。渴者倍白朮。踈臥沉重利不止。加附子。腹滿去甘草。嘔吐去白朮。加半夏薑汁。臍下動氣。去朮加桂。悸加茯苓。發黃加茵陳。寒實結胸。加枳實。

附子理中湯 治中寒腹痛身痛。四肢拘急。

即前理中湯加附子一枚。

枳實理中湯 治寒實結胸欲絕。胸膈高起。手不可近者。

即前理中湯加枳實。

桂枝人參湯景仲 治太陽表症不除。而數下之。協熱而利。心下痞鞭。表裏不解者。

即前理中湯加桂枝倍甘草。

理陰煎景岳 治真陰虛弱。脹滿嘔逆。痰飲惡心。吐瀉腹痛。婦人經遲血滯等症。

熟地或三五兩錢 當歸五三七錢或 乾薑炒黃色 甘草炙一錢

或加肉桂一二錢。加附子名附子理陰煎。若風寒外感邪未深入。但見發熱。脈數不洪。凡內無火症。素稟不足者。但用此湯。加柴胡錢半或二錢。連進一二服。

其效如神。若寒凝陰盛。而邪有難解者。必加麻黃一二錢。放心用之。或不用柴胡亦可。恐其清利也。若陰勝之時。外感寒邪。脈細惡寒。或背惡寒者。乃太陽少陰症也。加細辛一二錢。甚者再加附子一二錢。若陰虛火盛。其有內熱。不宜用溫而氣血俱虛。邪不能解者。宜去薑桂。單以三味與之加減。或止加人參亦可。若脾胃兩虛。水泛為痰。或嘔或脹者。加茯苓錢半。或加白芥子五分以行之。若泄瀉不止。及腎瀉者。宜少用當歸。或并去之。加山藥、扁豆、吳茱萸、破故紙、肉豆蔻、附子。若腰腹有痛。加杜仲、牛膝。若腹有脹滯疼痛。加陳皮、木香、砂仁。

四逆湯

景仲

治三陰傷寒。身痛腹痛。下利清穀。惡寒不渴。四肢厥冷。或反不惡寒。面赤煩躁。裏寒外熱。或乾嘔。或咽痛。脈沉微細欲絕。

附子生一枚

乾薑一兩

甘草二兩

冷服。面赤者。格陽於上也。加葱九根以通陽。腹痛真陰不足也。加芍藥二兩以斂陰。咽痛陰氣上結也。加桔梗一兩以利咽。利止脈不出。加人參二兩。以助陽補氣血。嘔吐。加生薑二兩以散逆氣。

當歸四逆湯

治感寒手足逆冷。脈細欲絕。及寒疝臍下冷。引腰膝痛。

即前四逆湯加當歸木通。又桂枝湯加當歸木通細辛。亦名當歸四逆湯。

茵陳四逆湯 治陰黃。

即前四逆湯加茵陳。

四逆加人參湯 治惡寒脈微復利。利止亡血。

即前四逆湯加人參。

四神丸 治腎瀉脾瀉。

破故紙酒浸

五味子炒

肉豆蔻二兩

吳茱萸水一兩 鹽

用大棗百枚。生薑八兩切片。同煮棗爛。去薑取棗肉搗丸。每服二錢。臨臥鹽湯下。

香薷飲 治感冒暑氣。皮膚蒸熱。頭痛頭重。或煩渴。或吐瀉。

香薷一兩

厚朴薑汁

扁豆炒各

冷服。或加黃連。

二香散 治外感內傷。身熱腹脹。

即前香薷飲合香蘇飲加蒼朮木瓜。

大順散 治冒暑伏熱。引飲過多。脾胃受溼。水穀不分。清濁相干。陰陽氣逆。霍亂吐瀉。臟腑不調。

乾薑

肉桂

杏仁去皮

甘草

等分。先將甘草用白砂炒。次入薑杏炒過。篩去砂淨。合桂爲末。每服二三錢。湯點服。

二妙散 治諸般溼熱。

蒼朮

黃柏

爲末服。

清燥湯垣東 治肺金受溼熱之邪。痿躄喘促。胸滿少食。色白毛敗。頭眩體重。身痛肢倦。口渴便秘。

即前二妙散加參耆歸地朮草陳連麥味升柴猪茯澤麴。

六一散間河 治傷寒中暑。表裏俱熱。煩躁口渴。小便不通。瀉痢熱瘧。霍亂吐瀉。下乳滑胎。解酒熱毒。偏主石淋。

滑石六兩

甘草一兩

爲末。冷水或燈心湯下。

生脈散針 治熱傷元氣。氣短倦怠。口渴多汗。肺虛而咳。

人參

麥冬各五分

五味子七粒

五味子湯針

治傷燥咳。唾中有血。牽引胸脇痛。皮膚乾枯。

五味子五分

桔梗

甘草

紫苑茸

續斷

竹茹

桑白皮蜜炙一錢

生地二錢

赤小豆一撮

右九味。水煎空心服。秘旨加白蜜一匙。

麥門冬湯針

治大病後。火熱乘肺。咳唾有血。胸膈脹滿。上氣羸瘦。五心煩熱。渴

而便秘。

麥冬二錢

桔梗

桑皮

半夏

生地

紫苑

竹茹各一錢

麻黃七分

甘草炙五分

五味子十粒

生薑一片

水煎空心服。

茵陳蒿湯仲景

治傷寒陽明病。但頭汗出。腹滿口渴。二便不利。溼熱發黃。脈沉實

者。

茵陳六兩

大黃二兩

梔子十枚炒

右三味。以水一斗。先煮茵陳減六升。內二味。煎至三升。去渣分溫三服。小便當利。尿如皂角汁狀。色正赤。一宿腹減。黃從小便去也。
入正散方。治溼熱下注。咽乾口渴。少腹急滿。小便不通。或淋痛尿血。或因熱為腫。

車前子

木通

瞿麥

蘆薈

滑石

山梔炒黑

甘草梢

大黃

加燈心煎。一方加木香。

小承氣湯

仲景

治傷寒陽明症。譫語。便硬潮熱而喘。及雜病上焦痞滿不通。

大黃四兩

厚朴二兩

枳實三枚

水四升。煮一升二合。去渣。分溫二服。初服當更衣。不爾者。盡飲之。若更衣勿服。

陶氏黃龍湯

治正虛邪實。

即前小承氣湯。加人參、當歸、生地、薑棗煎服。強實者可加芒硝。

大陷胸丸

仲景

治傷寒結胸。項強如柔痙狀。

大黃八兩

杏

仁去皮

葶炒

芒

硝各半

合研取如彈丸大一枚。別搗甘遂末一錢。白蜜丸。合煮服。

脾川煎

凡病涉虛損。而大便閉結不通。則硝黃攻擊等劑。必不可用。若勢有

不得通者。宜此主之。此用通於補之劑也。

當歸三五

牛

膝二錢

肉苁蓉酒洗二

澤

瀉錢半

升麻或一錢

枳

殼一錢虛甚者不可用

如氣虛。加人參無妨礙。如有火。加黃芩。腎虛。加熟地。

清燥救肺湯氏喻

治諸氣膈鬱。諸痿喘嘔。

二桑葉三錢

石

膏二錢

甘

人

參七分

麻仁炒研

阿

膠八分

麥

杏

仁去皮尖

枇杷葉一片刷去

水一碗。煎六分。頻頻滾熱服。痰多加貝母瓜蒌。血枯加生地。熱甚增石膏。

甘露飲

治胸中客熱。牙宣口氣。齒齦腫爛。時出膿血。吐血衄血。目瞼垂重。常

欲合閉。或即飢煩。不欲食飲。及目赤腫痛。不任涼藥。口舌生瘡。咽喉腫痛。瘡疹

已發。皆可服之。又治脾胃受溼。痧熱在裏。或醉飽房勞。溼熱相搏。致生疸病。身目皆黃。肢體微腫。胸滿氣短。大便不調。小便黃澀。或時身熱。

生地

熟地

天冬

麥冬

石斛

茵陳

黃芩

枳殼

枇杷葉

甘草

如胃中有火。而又挾肝木之勢者。加丹皮山梔。渴甚者。加知母。火盛者。加石膏黃連。

半夏瀉心湯

治傷寒下之早。胸滿而不痛者。為痞。身寒而嘔。飲食不下。非柴

胡症。

半夏半升

黃芩三兩

黃連一兩

甘草三兩

人參三兩

乾薑三兩

大棗十二枚

白虎湯

治傷寒脈浮滑。表有寒。裏有熱。及三陽合病。脈浮大。腹滿身重。難以

轉側。口不仁而面垢。讞語遺尿。發汗則讞語。下之則頭上生汗。手足逆冷。自汗出者。通治陽明病。脈洪大而長。不惡寒。反惡熱。頭痛自汗。口渴。舌燥。目痛鼻乾。

不得臥。心煩躁亂。日晡潮熱。或陽毒發斑。胃熱諸病。

石膏一斤 知母六兩 甘草二兩 粳米六合

先煮石膏數十沸。再投藥米。米熟湯成。溫服。

竹葉石膏湯仲景 治傷寒解後。虛羸少氣。氣逆欲吐。亦治傷暑發渴脈虛。

竹葉二把 石膏一斤 人參三兩 甘草二兩

半夏半升 麥冬一升 粳米半升 加薑煎。

滋腎丸東垣又名 治下焦邪熱。口不渴而小便秘。及腎虛蒸熱。脚膝無力。陰痿

陰汗。衝脈上冲而喘。

黃柏二兩 知母一兩 桂一錢 蜜丸。

抽薪飲景岳 治諸凡火盛。而不宜補者。

黃芩 石斛 木通 梔子炒

黃柏各五錢 枳殼錢半 甘草三分

煎成。食遠溫服。如熱在經絡肌膚者。加連翹花粉以解之。熱在陽明頭面。或躁煩便熱者。加生石膏以降之。熱在下焦。小水痛瀉者。加草龍膽車前以利之。熱

在陰分。津液不至者。加麥冬生地白芍之類以滋之。熱在腸胃實結者。加大黃芒硝以通之。

從薪飲。景岳治三焦氣火。一切內熱。漸覺而未甚者。先宜清以此劑。其甚者。宜抽薪飲。

黃芩二錢

麥冬

白芍

黃柏

茯苓

丹皮各錢半

陳皮八分

如多鬱氣逆傷肝。脇肋疼痛。或致動血者。加青皮梔子。

龍膽瀉肝湯局方

治肝膽經實火溼熱。脇痛耳聾。膽溢口苦。筋痿陰汗。陰腫陰痛。

白濁溲血。

龍膽草酒炒

黃芩炒

梔子酒炒

澤瀉

木通

車前子

當歸酒洗

生地酒炒

柴胡

生甘草

瀉青丸錢乙

治肝火鬱熱。不能安臥。多驚多怒。筋痿不起。目赤腫痛。

當歸

川芎

羌活

防風

大黃

龍膽草

梔子

等分蜜丸。彈子大。每服一丸。竹葉湯化下。

瀉白散_{乙錢}

治肺火皮膚蒸熱。灑浙寒熱。日晡尤甚。喘嗽氣急。

桑白皮

地骨皮_{各一錢}

甘草_{五分}

粳米_{百粒}

瀉黃散_{乙錢}

治脾胃伏火。口燥唇乾。口瘡口臭。煩渴易飢。熱在肌肉。

升麻

白芷

防風

枳殼

黃芩_{各錢半}

石斛_{錢二分}

半夏_{一錢}

甘草_{七分}

導赤散_{乙錢}

治小腸有火。便赤淋痛。面赤狂躁。口糜舌瘡。咬牙口渴。

生地

木通

甘草梢

淡竹葉

玉女煎_{景岳}

治水虧火勝。六脈浮洪滑大。少陰不足。陽明有餘。煩熱乾渴。頭痛牙

疼失血等症。其效如神。若大便溏泄者。大非所宜。

生石膏_{三五錢}

熟地_{三五錢或一兩}

麥冬_{二錢}

知母_{二錢}

牛膝_{錢半}

如火之極盛者。再加梔子地骨皮之屬亦可。如多汗多渴者。加五味子十四粒。

如小水不利。或火不能降者。加澤瀉錢半。或茯苓亦可。如金水俱虧。因精損氣者。加人參二三錢尤妙。

左金丸 治肝膽鬱火。左脇作痛。或胸脇痛不可忍。吞酸吐酸。筋疝痞結。酒溼發黃。亦治噤口痢。湯藥入口即吐。

黃連六兩薑汁炒 吳茱萸一兩鹽水丸

三黃丸又名三補丸 治三焦有火。嗌燥喉乾。二便閉結。及溼痰夜熱。

黃連 黃芩 黃柏 粥丸

亦有去黃柏用大黃者。

普濟消毒飲東垣 治大頭天行。初覺憎寒體重。次傳頭面腫盛。口不能開。上喘咽喉不利。口渴舌燥。

黃芩酒炒 黃連酒炒各五錢 陳皮去白 甘草

元參 柴胡 桔梗各二錢 連翹

板藍根 馬勃 鼠粘子 薄荷各一錢

僵蠶 升麻各七分

為末湯調。時時服之。或蜜拌為丸嚥化。一方無薄荷有人參三錢。亦有加大黃治便秘者。或酒浸或煨用。

香連丸

指直

治脾胃兩經中溼火傳變。大腸下痢赤白。膿血相雜。裏急後重。

黃

連二十兩吳茱萸用

木香四兩入錢

醋和丸。米飲下。一方等分蜜丸。一方加甘草八兩。黃連用蜜水拌。蒸曬九次。入木香為丸。

大補元煎

景岳

治男婦氣血大虧。精神失守。急劇等症。此回天贊化救本培元第一要方。

一要方。

人參錢一二

熟地或三四錢

山藥炒

杜仲各二錢

當歸錢二三

黃肉一錢

枸杞錢二三

甘草錢一二

如元陽不足多寒者。加附子肉桂炮薑之屬。隨宜用之。如氣分偏虛者。加黃耆白朮。胸口多滯者。不必用。如血滯者。加川芎。去黃肉。如滑泄者。去當歸。加五味故紙。

五福飲

景岳

凡五臟氣血虧損者。此能兼治之。足稱王道之最。

人參

熟地隨宜

當歸二錢

白朮炒錢

甘草炙一錢

加薑棗。凡氣血俱虛等症。以此為主。或宜溫者。加薑附。宜散者。加柴麻升葛。左右逢源。無不可也。宜涼者。亦當隨宜加之。

五君子煎景岳 治脾胃虛寒。嘔吐泄瀉而兼溼者。

人參二錢

白朮

茯苓各二錢

炙甘草一錢

乾薑炒黃一錢

水一鍾半煎服。

六味異功煎景岳 治症同前而兼微滯者。

即前方加陳皮一錢。此即五味異功散加乾薑也。

五物煎景岳 治婦人血虛凝滯。蓄積不行。小腹痛急。產難經滯。及痘瘡血虛寒滯。

等症神效。

當歸三錢

熟地三錢

白芍酒炒二錢

川芎一錢

肉桂三錢

兼胃寒及嘔惡者。加乾薑炮用。水道不利。加澤瀉或猪苓。氣滯者。加香附。或丁

香木香砂仁烏藥。陰虛疝痛者。加小茴香。血滯不行。臍下若覆杯漸成積塊者。加桃仁紅花。

六物煎景岳治氣血俱虛等症。

熟地或用地當歸

川芎三宜四分白芍俱隨宜

人參炙草

加減一陰煎景岳治水虧火勝之甚者。

生地二錢熟地錢三五

白芍二錢甘草五七分

麥冬二錢知母地骨皮錢各一

如躁煩熱甚便結者。加石膏二三錢。如小水熱澀者。加梔子一二錢。如火浮於上者。加澤瀉一二錢。或黃芩一錢。如血燥血少者。加當歸一二錢。

二陳湯局治一切痰飲為病。咳嗽脹滿。嘔吐惡心。頭眩心悸。

半夏薑製陳皮去白茯苓錢各一甘草五分

加生薑煎風痰。加南星白附皂角竹瀝寒痰。加薑汁火痰。加石膏青黛。溼痰。加二朮燥痰。加葶杏食痰。加查麥神麴老痰。加枳實海石芒硝。氣痰。加香附枳殼。

脇痰及在皮裏膜外。加白芥子。四肢痰。加竹瀝。

六安煎^{景岳} 治風寒咳嗽。痰滯氣逆。

陳皮 錢半

半夏 錢二三

茯苓 二錢

甘草 一錢

杏仁 一錢

白芥子 氣弱者不用

加生薑三五七片。凡外感風邪咳嗽。而寒氣盛者。多不易散。宜加細辛七分。若冬月寒邪盛者。加麻黃桂枝亦可。若風勝而邪不甚者。加防風一錢。或蘇葉亦可。若頭痛鼻塞者。加川芎白芷蔓荊子皆可。若兼寒熱。加柴胡蘇葉。若風邪咳嗽不止。而兼肺胃之火者。加黃芩一二錢。甚者再加知母石膏。所用生薑止宜一片。凡寒邪咳嗽痰不利者。加當歸二三錢。老年者尤宜。凡時行初感痰勝而氣不順者。加藿香一錢。兼脹滿者。加厚朴一錢。暫開痰氣。然後察其寒熱虛實而調補之。若氣虛猝倒。氣平無痰者。皆不可用此。

金水六君煎^{景岳} 治肺腎虛寒。水泛為痰。或年邁陰虛。血氣不足。外受風寒。咳嗽、嘔惡、多痰、喘急等症。神效妙劑。

當歸 錢二三

熟地 錢三五

陳皮 錢半

半夏 錢二

茯苓二錢 炙甘草一錢

加生薑三五七片。如大便不實而多溼者。去當歸加山藥。如痰盛氣滯胸膈不快者。加白芥子七分。如陰寒盛而嗽不愈者。加細辛五七分。如兼表邪寒熱者。加柴胡一二錢。

懷痰丸王隱 治實熱老痰怪症百病。

青礞石一兩 沉香五錢 大黃酒蒸 黃芩各半斤

將礞石打碎。同焰硝一兩。同入瓦罐。鹽泥固濟。曬乾火煅。石色如金為度。研末。和諸藥水丸。量人虛實服之。薑湯送下。服後仰臥。令藥在胸膈之間。除逐上焦痰滯。不宜飲水行動。

牛黃丸 治中風痰火閉結。或癰瘰癧瘻。語言蹇澀。恍惚眩暈。精神昏憤。不省人事。或喘嗽痰壅煩心等症。

牛黃 麝香 龍腦另研 羚羊角

當歸 防風 黃芩 柴胡

白朮 麥冬去心 白芍各七錢半 桔梗

茯苓

杏仁

去尖皮

川芎

大豆黃卷

阿膠

蒲黃

人參

神

麴各一兩二錢半

雄黃

甘草

二兩半

白

肉

桂去皮

乾薑

犀角

一錢

山藥

大

棗皮五十枚

金箔

六百五十片為衣

為細末。煉蜜同棗膏丸。每兩作十丸。金箔為衣。每服一丸。溫水化下。

三生飲 治寒氣中臟。六脈沉細。痰壅喉響。不省人事。乃寒痰厥逆之症。

生烏頭

生南星

生附子各錢半

生

薑五片

生木香五分

水煎服。薛立齋曰。每服必用人參駕馭而行。方為有益。

大秦芎湯 治風中經絡。口眼歪斜。半身不遂。或語言蹇澀。乃血弱不能養筋。宜

用養血疎風之劑。經曰。治風先治血。血行風自滅是也。

秦芎錢半

生地

熟地

白芍

當歸

川芎

羌活

獨活

防風

白朮

甘草

黃芩酒炒

白芷各八分

細辛三分

水煎服。如或煩躁口渴。加石膏錢半。陰雨加生薑三片。春夏加知母八分。

橘紅半夏湯 治痰氣上逆。

橘紅

半夏各一兩

濃煎。加生薑汁服。

橘皮竹茹湯全 噦逆者。此湯主之。

橘皮二升

竹茹二升

大棗三十枚

生薑半斤

甘草五兩

人參一兩

右六味。以水一斗。煮取三升。溫服一升。日三服。後人加半夏麥冬赤茯苓枇杷葉。亦以此名。

半夏生薑加大黃湯全 病人胸中似喘不喘。似嘔不嘔。似噦不噦。心中憤憤然

無奈者。此湯主之。

半夏半升

生薑汁一斤

大黃量加

水七升。煮半夏取二升。內薑汁煮取一升。分四服。日三夜一服。止停後服。

黃連阿膠湯景仲 少陰病得之二三日以上。心中煩不得臥。此湯主之。

黃連 四兩 黃芩 一兩 芍藥 二兩 阿膠 三兩

雞子黃 二枚

右五味以水六升。煮三物去渣。內膠烱盡。小冷。內雞子黃。擾令相得。溫服七合。日三服。

萎蕤湯活人 治風溫兼療冬溫。及春月中風。傷寒發熱。頭眩喉痛。咽乾舌強。胸

內疼痛滿。腰背強。

萎蕤 三錢 石膏 一兩碎 白微 麻黃 湯泡

葛根 一兩 羌活 川芎 甘草

杏仁 各半兩去皮尖 青木香 一分冬一兩

右剉劑如麻豆大。每服五錢。水一盞半。煎一盞。日三服。

脾腎雙補丸仲

人參 蓮肉 炒 山黃 烘 山藥 各一

五味子 蜜蒸 菟絲子 各半斤 橘紅 砂仁 各六

車前子米泔

巴戟肉各十二兩 肉豆蔻十兩

補骨脂水浸炒

右為末。煉蜜丸。如虛而有火。或火盛肺熱者。去人參肉豆蔻巴戟肉補骨脂。

當歸三兩

香附四兩

陳皮二兩

茯神一兩

甘草炙一兩

每服二錢。

達原飲氏吳

枳榔二錢

厚朴一錢

草果五分

知母一錢

芍藥一錢

黃芩一錢

甘草五分

水二鍾。煎八分。午後溫服。

三消飲氏吳 邪漸入胃。此方乃表裏分消法也。

即前達原飲加羌活葛根柴胡大黃薑棗煎服。

涼膈散方 治心火上盛。膈熱有餘。目赤頭眩。口瘡脣裂。吐衄涎嗽稠粘。二便淋

閉。胃熱發斑。瘡疹黑陷。諸風痙瘓。手足掣搦。筋攣疼痛。

連翹

梔子

薄荷

黃芩

甘草

芒硝

大黃

加棗二枚。葱一根水煎。

清心涼膈散 治症同上。

即前涼膈散加黃連竹葉煎成去渣入蜜少許溫服。如頭痛加防風川芎石膏。

田氏五子飲 治精氣不固。夢遺滑脫。

枸杞子

菟絲子

五味子

車前子

覆盆子

水煎服。

滋燥養榮湯 治爪枯膚燥兼風秘。火燄金傷血液亡。

生地

熟地

黃芩

甘草

當歸

白芍

秦艽

防風

三化湯古潔 治中風外有六經之形症。內有便溺之阻。

即小承氣湯加羌活。

犀角地黃湯方 治勞動心火。熱入血室。吐血衄血。發黃發狂。及小兒瘡痘血熱。

等症。

犀角尖

生地

白芍

丹皮

水煎服。或地漿水煎。

治氣六合湯

藏海

治氣鬱經阻。

四物湯加厚樸陳皮。

水煎服。

戊己丸

治脾經受溼。瀉痢不止。水穀不化。臍腹刺痛。

黃連

吳茱萸

白芍

各五兩

一方黃連四兩。吳茱萸二兩。白芍三兩。

右爲細末。麵糊丸。桐子大。每服七十九。空心食前米飲下。

導赤各半湯

節

治勞動心神。伏邪抑發。

人參

麥冬

茯神

甘草

犀角尖

黃連

知母

黃芩

梔子

滑石

水煎服。

吳萸四逆湯

治厥陰中寒。小腹痛甚。

附子

乾薑

甘草

吳茱萸

加生薑水煎服。

三妙散 治溼熱上行。

即二妙散加牛膝爲末服。

補肝散易簡 治肝虛目睛疼冷淚不止筋脈痛及羞明怕日。

夏枯草 五錢

香附 一兩

爲末每服一錢臘茶調下服無時。

當歸養榮湯機原 治睛珠痛甚不可忍。

熟地

白芍

歸身

川芎各一錢

羌活

防風

白芷各七錢

右方以七情五賊勞役飢飽重傷脾胃脾胃者多血多氣之所脾胃受傷則血亦病血養睛睛珠屬腎今生意已不升發又復血虛不能養睛故睛痛甚不可忍以防風升發生意白芷解利引入胃經爲君白芍止痛益血通血承接上下爲臣熟地補腎水真陰爲佐當歸川芎行血補血羌活除風引入少陰爲使血

為邪勝睛珠痛者。及亡血過多之病。俱宜服也。服此藥後。睛痛雖除。眼睫無力。常欲垂閉不減者。助陽活血湯主之。

助陽活血湯機原 治眼睫無力。常欲垂閉。

黃耆

甘草

當歸

防風各五

白芷

蔓荊子各四

升麻

柴胡各七

右方以黃耆治虛勞。甘草補原氣為君。當歸和血補血為臣。白芷蔓荊子防風。主療風升陽氣為佐。升麻導入足陽明足太陰脾胃。柴胡引至足厥陰肝經。為使。心火乘金。水衰反制者。亦宜服也。

當歸補血湯機原 治男子衄血便血。婦人產後崩漏。亡血過多。致睛珠疼痛。不能視物。羞明酸澀。眼睫無力。眉骨太陽俱各酸痛。

生地四分

熟地

當歸各六

白芍

川芎

牛膝

白朮

甘草

防風各五

天門冬四分

右方專補血。故以當歸熟地為君。川芎白芍牛膝為臣。以其祛風續絕。定痛而

通補血也。甘草白朮大和胃氣。用以爲佐。防風升發。生地補腎。天門冬治血熱。謂亡血生風燥。故以爲使。

五退散 治眼中翳障。

蛇退

蟬退

蠶退

猪蹄爪

穿山甲

防風

菊花

草決明

石決明

甘草

右爲細末。每服二錢。食後薄荷湯下。

千金磁硃丸

機原

治神水寬大漸散。昏如霧露中行。漸覩空中有黑花。漸覩物成

二體。久則光不收。及內障神水淡綠色。淡白色者。

磁石

吸鐵者

辰砂

神麴

先以磁石置巨火中煅。醋淬七次。晒乾。另研極細二兩。辰砂另研極細一兩。生神麴末三兩。與前藥和勻。以神麴末一兩。水和作餅。煮浮爲度。搜入前藥。煉蜜爲丸。如梧子大。每服十丸。加至三十丸。空心飯湯下。右方以磁石辛鹹寒。鎮墜腎經爲君。令神水不外移也。辰砂微甘寒。鎮墜心經爲臣。肝其母。此子能令母

實也。肝實則目明。神麴辛溫甘。化脾胃中宿食爲佐。生用者。發其生氣。熟用者。斂其暴氣也。服藥後。俯視不見。仰視漸覩星月者。此其效也。亦治心火乘金。水衰反制之病。久病累發者服之。則永不更作。空心服此。午前更以石斛夜光丸主之。

王肯堂按此方磁石法水入腎。辰砂法火入心。而神麴專入脾胃。乃道家黃婆媒合嬰姁之理。倪生釋之爲費詞矣。或加沉香半兩。升降水火之義。

石斛夜光丸 治症同上。

人參

天冬焙

茯苓各二

麥冬

生地

熟地各一

菟絲子

甘菊

草決明

杏仁

山藥

枸杞子

牛膝酒浸各七錢半

五味子

蒺藜

石斛

菴蓉

川芎

甘草炙

枳殼麸炒

青箱子

防風

黃連

犀角

羚羊角五錢各

爲細末。煉蜜丸如桐子大。每服三五十丸。溫酒鹽湯送下。又名固本還睛丸。
右方羨補藥也。補上治下利以緩。利以久不利以速也。故君以天冬人參菟絲
之通腎安神。強陰填精也。臣以麥冬五味杏仁茯苓枸杞牛膝二地之斂氣除
濕。涼血補血也。佐以甘菊蒺藜石斛菴蓉川芎甘草枳殼山藥青箱之治風療
虛。益氣祛毒也。使以防風黃連草決羚羊犀角之散滯泄熱。解結明目也。陰弱
不能配陽之病。並宜服之。此從則順之治法也。
濟陰地黃丸 治足三陰虧損。虛火上炎。致目瞳散大。視物不的。或昏花澀緊。作
痛羞明。或卒見非常等症。

熟地

黃肉

山藥

麥冬

五味子

當歸

枸杞子

菊花

巴戟肉

肉蓯蓉

右爲末。煉蜜丸。桐子大。每服七八十丸。空心白湯下。
加減駐景丸 治肝腎氣虛。視物眈眈。血少氣多。

熟地

當歸

枸杞子

五味子

車前子各二兩 略炒

楮實子無翳 不用

菟絲子酒煮焙 半斤

川椒

右為細末。蜜水煮和丸。如桐子大。每服三十丸。空心溫酒送下。鹽湯亦可。

三仁五子丸 治肝腎不足。體弱眼昏。內障生花。不計遠近。即前駐景丸加柏仁

棗仁米仁菴蓉茯苓沉香等分為末。蜜丸桐子大。每服五十丸。空心鹽湯下。

四物五子丸 治腎虧血虧。

即前駐景丸合四物。

六味五子丸 治左尺無力。或脈數有熱。真陰虛者。

即前駐景丸去歸地合六味。

地芝丸 治目能遠視不能近視。

生地焙

天冬各四兩

枳殼炒

菊花各二兩

右為細末。煉蜜丸桐子大。每服一百丸。茶清送下。

定志丸 治目能近視不能遠視。

遠志去苗心

菖蒲各二兩

人參

茯苓各一兩

為細末蜜丸。硃砂為衣。每服十丸。加至二十丸。食後米飲下。

除風益損湯機原 治目爲物傷。

四物湯錢各一 防風前胡藁本各七 水煎服。

右方以熟地補腎水爲君。黑睛爲腎之子。此虛則補其母也。以當歸補血。目爲血所養。今傷則血病。白芍補血又補氣。爲血病氣亦病也。爲臣。川芎治血虛頭痛。藁本通血去頭風爲佐。前胡防風通療風邪。俾不凝留爲使。兼治亡血過多之病。

加味四物湯 治打傷眼目。

卽四物湯加防風荆芥等分。

爲散。每服三錢。水一盞半。煎至一盞。再入生地汁少許。去渣溫服。再以生地一兩。杏仁二十粒。去皮尖研爛。用綿紙裹藥敷在眼上令乾。
人參補陽湯機原 治傷寒餘邪不散。上走空竅。其病隱澀赤腫。生翳羞明。頭腦骨痛。

羌活	獨活	白芍	生地
<small>各二</small>	<small>各六</small>		
澤瀉	人參	白朮	茯苓

黃耆

甘草

當歸

熟

地酒洗焙各四分

柴胡

防風

各五

水煎服

右方分利陰陽。升降上下之藥也。羌活獨活為君。導陽之升也。茯苓澤瀉為臣。導陰之降也。參朮大補脾胃。內盛則邪自不容。耆防大實皮毛。外密則邪自不入。為之佐也。當歸熟地。俱生血。謂目得血而能視也。生地補腎水。謂神水屬腎。白芍理氣。柴胡行經。甘草和百藥。為之使也。

神效黃耆湯垣東

治目緊縮小。羞明畏日。視物不明。

黃耆二錢

人參八分

蔓荊子

甘

草炙

陳皮

錢各一

白芍

水煎。臨臥熱服。

五味瀉白散

治風熱翳膜血筋。一切肺熱外障。

當歸

生地

白芍

梔

子

黃芩

各等分為末。每服三五錢。為散為湯任服。

清寧丸 治一切熱病。

大黃十斤須錦紋者切作小塊如棋子大

用好酒十斤。先將泔水浸大黃。浸透。以側柏葉鋪甑。入大黃蒸過曬乾。以酒浸之。再蒸曬收乾。另用

桑葉

桃葉

槐葉

大麥

黑豆

萊豆各一斤

每味煎汁蒸收。每蒸一次。仍用側柏葉鋪甑蒸過曬乾。再蒸再曬。製後再用。

半夏

厚樸

陳皮

白朮

香附

車前各一斤

每味煎汁蒸收如上法。蒸過曬乾。再用好酒十斤製透。煉為梧子大丸。每服一二錢。或為散亦可。

珠參散方新

治真陰不足。陰涸內熱。內障青盲。

真珠

人參

等分為末。人參湯送。或蓮肉湯亦可。

行血散方新

治血為邪乘。凝住經絡。或因過服寒涼。遏抑陽氣。阻塞不通。致目生

翳膜視物少形及婦人經水不至睛赤珠疼起星起障努肉羞明等症。

紅花

蘇木

或合四物六物。或合逍遙八珍。隨時酌用。

清暑湯

方新

治夏月貪涼飲冷遏抑陽氣以致頭痛惡寒相火上炎兩目紅腫眵淚如膿甚者色帶黃滯睛珠翳障及深秋伏暑內發赤瀉羞明。

藿香

青蒿

滑石

以三味作湯暑必傷氣藿香辛溫通氣暑必兼熱青蒿苦寒清熱暑必挾溼滑石甘淡除溼或合四君或合六味或合生脈異功逍遙輩均可隨症酌用。

清火湯

方新

治天行熱毒人有受之即發頭疼目赤癢痛異常或淚如血水舌紅口渴小便短赤。

連翹

山梔

歸尾

赤芍

石斛

水煎服。連翹除其上熱。山梔導其下熱。歸芍破其血。為血實宜破之也。石斛清其中。為中熱宜清之也。合導赤散同用以治兩眦紅腫之症。應手取效。

柏香丸^新 專治努肉扳睛。或眼生血疣。神效異常。數服之後。努肉即退。若血疣則不摘而自落。屢試屢驗。用者珍之。

側柏葉^{同大黃拌} 香 附製 水法丸。每服二錢。

和肝散^新 治肝氣不和。目赤腫痛。或因含怒未發。鬱傷肝陰。以致肝陽上僭。兩

目昏花。羞明翳霧。眵淚俱多。甚則瞳神散大。視物無形。

香 附^{蜜一斤分作四分。一分以乳浸。每浸三日。夜後曬乾。各為細末。}

每服二錢。隨所用湯劑均可加用。或單服亦可。白滾湯調下。

明目散^新 治五志之火上攻於目。生翳起障。赤腫疼痛。眵淚羞明。視物昏花。此方神效。

當歸

草決明

冬朮

蟬退

川芎

大黃

紅花

桑白皮

山梔

薄荷

白蒺藜

蒼朮

木通

連翹

石膏

池菊

荊芥

赤芍

枳殼

生地

黃芩

羌活

獨活各一兩

右為末。每服二錢。隨所用湯劑加入亦可。單服酒調。或蜜湯調下俱可。

明目丸

新方

治火之甚者。

即前明目散加黃連五錢為丸。

撥雲丸

治一切翳膜外障。

當歸二錢

川芎

地骨皮

白蒺藜

密蒙花

池菊

羌活

荆芥各一兩

紅花五錢

木賊一兩

蔓荊子

薄荷

枳殼

甘草各五錢

蟬退

蛇退

川連各二錢

川椒半七錢

右藥各為細末。煉蜜丸桐子大。每服二錢。

復睛丸

治一切目疾。

當歸

蟬退

枳榔

夏枯草

胡黃連

黃耆

白蒺藜各一兩

羌活

獨活

防風

細辛

枳殼

白芍

赤芍

川芎

柴胡

青皮

陳皮

甘草

茯苓

白芷

木賊

蛇退

藁本

右為細末。煉蜜為丸。桐子大。每服二錢。

八製保瞳丸

治肝腎兩虧。瞳神失守。視物不明。

枸杞

一斤分作八分。先用酒潤透。一用蜜拌。一用獨活拌。一用青鹽拌。一用

用三錢。各炒。須不變紅色。為佳。若變黑色。便不效矣。

各磨細末。

稍加煉蜜為丸。桐子大。每服二錢。

啗鼻碧雲散

治腫脹紅赤。昏暗羞明。隱澀疼痛。風癢鼻塞。頭腦痠痛。外翳扳睛。

眵淚稠粘。

鵝不食草

二錢

青黛

川芎

為細末。先嚙水滿口。每用如米許。嚙入鼻內。以淚出為度。無時。此乃開鍋蓋法。

欲使邪毒不閉。令有出路也。

觀音灸 治六淫所侵。頭腦痛不可忍。

麝香 西丁

等分烱化。嵌銅錢孔內。逢痛處灸之。

點藥諸方

珍珠散 古歌曰。不用刀鍼割。全憑此藥方。

珍珠

腐黃
過研

冰片四分

黃連五分

各為細末篩過。再照分數稱定。合為一處。研萬匝。復以綿紙篩下。瓷罐收貯。聽

用。其效如神。

撥雲退翳丹

水銀二錢

青鉛二兩

硼砂

砂六錢

火硝

二錢

點一切星障。努肉。頑翳。老膜。諸般實症。立開瞽目。神效。

瑪瑙

月石

麝香二分

乳香五分

沒藥五分

血竭七分

熊膽

琥珀

珊瑚

各錢半。以上

明礬二錢兩

皂礬一兩

防風

草決明

木賊

威靈仙

龍膽草

荊芥錢半

歸尾五錢

前六味中先將水銀鎔化。入鉛攪勻。傾出研細。然後每味各研和勻。次將後七味水五盞煎至三盞。去渣再煎至將乾。下前六味末結胎。鹽泥固濟。以三炷香為度。先文後武。取掇至地上出火氣。於上刮取其色要淡黃色為佳。每升藥五分配上好煨過蘆甘石一錢。冰片硃砂雄黃珍珠各二分。白丁香飛過礪砂各一分。元明粉五厘。共研極細。瓷瓶收貯待用。

秘製眼藥方 治一切目疾。

蘆甘石不拘多少。用童便浸透。煎滾。去童便以清水漂出臭氣。裝在泥罐內。上用銀罐蓋好。桑柴火燒至硫黃色為度。取出搗細。用清水飛盡砂。曬乾。每淨甘石一斤配葱一斤。薑二兩。敲汁。收在甘石內拌勻。再裝入罐內。仍燒至硫黃色。取出。名五烹法。點一切天行赤眼。入後藥再製。名虎液法。

荊芥

赤芍

薄荷

蘇木

紫蘇 藁本 防風 牛蒡子
羌活 羌蔚子 連翹 蘼艾
蒼耳子 槐角
每甘石一斤。配每藥一兩。煎湯。將甘石拌勻。燒至硫黃色。取出。點一切翳膜。入後藥再製。名龍砂法。

青箱子	蕤仁	車前子	密蒙花
白芍	枸杞子	天麻	山梔
白芷	蔓荊子	連翹	蟬衣
穀精草	乾葛	桑白皮	當歸
栝榔	夏枯草	黃柏	旋覆花
草決明	白豆蔻	黃芩	天花粉
荆芥	柴胡	龍膽草	薄荷
升麻	池菊	元參	生地
石決明	防風	木賊草	白蒺藜

白朮

細辛

香附

黃連

每甘石一斤。配藥每一兩煎湯。將甘石拌勻。燒至硫黃色。取出。點一切星障。入後藥再製。名鳳屑法。

千里光

鵝不食草

經霜桑葉

三味煎湯。用原蠶砂桑柴灰。攤在綿紙上。以湯淋水。拌在甘石內。燒至硫黃色。為度。取出。放露天出火氣候用。點一切年深老障凝翳。諸藥分兩。悉以甘石一斤為準。若甘石多少。藥料亦須增減。

製三黃法

每製甘石一兩。配黃芩黃柏各二錢。黃連五錢。煎濃湯。拌在甘石內。曬乾。名三黃散。

配眼藥法

三黃散四分

珍珠粉一分

製甘石二錢

月石一分

共搗極細。加冰片八厘研勻。瓷瓶收貯聽用。

眼癬方

鳳凰油 治一切火毒。

鷄子黃不拘多少。陳菜油熬枯。去鷄黃。收貯聽用。

水眼藥 治沿爛。

硼砂 枯礬

等分研細。白蜂蜜爲君。拌勻燉透。不時搽抹。

紅淨藥 治燥熱眼癬。

紅棗 綠礬 杏仁 膽礬少減

白菓肉

紅棗去核。將綠礬嵌滿。溼粗紙包裹。火內燒紅透爲度。勿令焦枯。取出。以杏仁等共打和研勻。陰乾。臨用時須加黃柏白芷菊葉。泡水同燉。取水洗淨。

清淨藥 治風熱眼癬。

青葱爲君 杏仁爲臣 銅青爲佐 膽礬爲使

先將青葱取汁。杏仁研霜。熬入銅青膽礬。收乾。臨用時滾水開之洗淨。

黑癬藥 治溼毒眼癬。滿面膿窠。

青 葱

杏 仁

松 香

松香杏仁等分研。大管青葱。將二味裝滿。入陳菜油內浸透燒研細。臨用蘇油調。或鳳凰油調。

滾眼皮法 治心脾火浮。招風沿爛。

胡桃肉去衣

棗子肉去皮

杏 仁去衣

膽 礬

冰 片少許

共研細勻爲丸。隨時滾眼皮。

銀海指南

清 桐鄉 顧 錫養 吾著述
鄞縣 曹赤電 炳章 圈點

卷四

治驗存參

高幼先天不足。肺腎陰虧。肝陽獨盛。或時氣上厥逆。右目珠大神呆。銳眥微赤。宜補肺腎。攝納肝陽。

熟地	山藥	茯苓	萸肉
丹皮	澤瀉	黨參	麥冬
牛膝	丹參	鉤藤	石決明
砂仁			

又照前方去澤瀉。加沙苑蒺藜。

又方丸 六味丸合生脈散。加丹參石決明牛膝枸杞菟絲。
陸幼風鬱化火。刑于脾肺。兩目雲翳。迎風流淚。復生眼癢。

玉竹

苡仁

茯苓

甘草

陳皮

稀莖草

防風

當歸

杏仁

冬桑葉

荷葉蒂

又 異功合逍遙散。加防風桑葉。

陳左火鬱心脾。右目努肉扳睛。兩目翳膜羞明。

桑白皮

地骨皮

米仁

甘草梢

生地

木通

歸尾

赤芍

連翹

黑山梔

竹葉

荷葉蒂

又 黑逍遙散合杞菊。加蟬衣。

吳左風寒之邪鬱于太陽少陽。以致右目紅白翳障。

玉竹

生台朮

雲苓

柴胡

陳皮

甘草

當歸

赤芍

防風。桂枝。杏仁。
吳左邪鬱少陽。兩目雲翳。右目星障。

當歸。焦白朮。赤芍。
甘草。柴胡。薄荷。茯苓。
蟬衣。

白蒺藜。荷葉。燈心。
汪左因虛寒鬱。右目已廢。左目雲翳赤障。

黨參。於朮。茯苓。甘草。
廣皮。炮薑。製香附。當歸。

枸杞子。蟬衣。白豆蔻。
陳右風邪化火。刑尅肝脾。兩目沿眶赤爛。怕日羞明。

羌活。防風。玉竹。焦於朮。
茯苓。甘草。陳皮。當歸。

黃柏。桑葉。燈心。
江右肝腎陰虛。兼有鬱熱。兩目瑪瑙翳障。

歸身

柴胡

生地

山藥

丹皮

茯苓

澤瀉

菟絲子

石決明

蟬衣

胡左風寒化火。刑尅肝脾。以致太陽頭痛。兩目痛傷。星陷。努肉紅腫。

當歸

生台朮

赤芍

茯苓

甘草

柴胡

桑白皮

杏仁

桂枝

防風

蔥頭

又四物湯合逍遙散。加杏仁桑白皮防風。

又生六物合杞菊。加黑山梔白芷。

俞左寒邪化火。刑尅肝肺。右目努肉赤障。雲翳起星。

玉竹

白朮

白芍

茯苓

甘草

陳皮

炮薑

歸身

杏仁

白豆蔻

又行血。熟六物加香附枸杞蟬衣。

又生六味去萸肉。加玉竹麥冬香附枸杞歸身龍衣。

又熟六物加決明子菟絲子枸杞子。

楊左陰虛兼挾寒邪。刑尅肝陰。兩目水晶翳障。左目起星。

熟地

歸身

台朮

白芍

柴胡

茯苓

甘草

炮薑

枸杞子

蟬衣

張右火邪刑于心肺。兩目努肉雙鬩。

蘇木

紅花

當歸

川芎

生地

赤芍

桑白皮

地骨皮

米仁

甘草

黑山梔

丹參

王左陰虛火旺。兩目雲翳。

旱蓮草

女貞子

生地

丹皮

茯苓

澤瀉

知母

黃柏

丹參

石斛

吳左肝藏血。脾統血。血虛則熱。自生風。血少則不能榮筋。以致右目眼皮緊急。拳毛倒睫。又兼氣虛。易致外邪。不時赤瀼。

玉竹

於朮

雲苓

甘草

廣皮

枸杞子

池菊

當歸

草薺

鉤藤

沈左邪尅肝陰。左目白翳垂下。右目線障羞明。

熟地

歸身

川芎炭

白芍

玉竹

甘草

蘇木

紅花

香附

蟬衣

枸杞子

又照前方去蘇木紅花。加麥冬。

戎左精血兩虧。又爲寒鬱。左目不痛而赤。翳障遮瞳。視物不明。

熟地

歸身

川芎炭

白芍

枸杞子

甘菊

製香附

白蒺藜

又歸柴熟六味去萸肉山藥。合枸杞。加石決明白蒺藜。

又熟六物加香附枸杞子蟬衣麥冬。

張左溼熱化火。刑于肝脾肺三經。致生黃疸。兩目雞盲。兼有星障。後防失明。

黨參

米仁

茯苓

甘草

新會白

歸身

石決明

旱蓮草

女貞子

又清火導赤散合二至。加茵陳車前子。

又二陳湯加山梔滑石茵陳草薢車前子澤瀉女貞子野馬料豆乾薑。

陳左燥火刑金尅木。熱傳三焦。左目努肉。兩目雲膜昏花。

生地

木通

甘草

竹葉

冬桑葉

黑芝蔴

黑山梔

甘菊

杏仁

枸杞葉

陳左風寒之邪。鬱于太陽少陽。以致左目垂簾白障。下起三星。眼梢傷痕。

當歸

柴胡

桂枝

白芍

甘草炙

蒼朮

防風

山梔

杏仁 荷葉

張左酒溼化火。刑于脾肺。以致兩目翳膜羞明。

黨參 茯苓 甘草

新會白 杏仁 萆薢

益智仁 雞距子

屠左氣血不足。邪鬱肝脾。兩目拳毛倒睫。瑪瑙翳障。

黨參 生黃耆 生於朮

升麻 柴胡 歸身

防風 蟬衣

沈左溼熱刑于脾胃。致生眼癰眼癬。

生地 木通 甘草

歸尾 山梔 赤芍

蒼朮 蘆根

陸左寒溼邪滯太陰。兩目努肉壅腫。

連翹 黃柏

陳皮 甘草

米仁 歸身

玉竹

焦茅朮

茯苓

甘草

製半夏

陳皮

蘇葉

杏仁

桑白皮

葱頭

生薑

陸右肺腎陰虧。水源乾涸。右瞳發白。左亦淡色。此乃失光之症。

熟地

歸身米炒

炙草

枸杞子鹽水炒

菟絲子

楮實子

桑椹子

五味子

黨參

麥冬

野馬料豆

又左歸飲合生脈散。加菟絲子歸身。

錢左稟質素弱。中年氣血已衰。兼之鬱怒傷肝。脾肺積有溼熱。以致兩目白睛黃膜赤脈。瞳光昏暗。清濁不分。

熟地

丹皮

茯苓

澤瀉

柴胡

枸杞子

米仁

菟絲子

丹參

野馬料豆

張左風溼合邪。鬱于上焦。致生赤爛眼癰。

半夏製

陳皮

茯苓

甘草

蒼朮

黃柏

秦艽

連翹

米仁

枳殼

桑葉

燈心

金右風寒溼三邪鬱于陽明。致生眼癢。沿眶壅腫。

蒼朮

厚朴

陳皮

甘草

黃芩

枳殼

半夏

杏仁

滑石

白芷

晚蠶沙

又異功散合白虎湯。加黃芩秦艽石決明晚蠶沙。

朱左溼熱上壅空竅。兩目翳霧。視物模糊。須防失光。

生地

丹皮

茯苓

澤瀉

萆薢

益智仁

丹參

女貞子

黃蘗

楊右肝腎精血兩虧。復因寒邪鬱久化火。以致右目堆雲內障。極險之症。

熟地

山藥

丹皮

茯苓

澤瀉

肉桂

黨參

歸身

石決明煨

枸杞子

野馬料豆

又

左歸飲加肉桂黨參歸身石決明。

又

左陰虛不足。又兼寒溼鬱于脾陰。致生黃疸。延久失治化火。傷于肝腎。兩目蟹

珠高突。視物無形。勉力擬方救治。

豬苓

茯苓

澤瀉

肉桂

白朮

野馬料豆

紅棗

又

甘露飲加石決明車前子野料豆。

周左風寒之邪。傷于肝腎。右目冰障羞明。

熟地

歸身

乾薑

炙草

桂枝

白芍

柴胡

細辛

白豆蔻

又

照前方去細辛加羌活甘草杏仁。

又

熟四物合逍遙散去柴胡薄荷。加香附紅花蟬衣。

沈左肝腎陰虧。痰哮氣逆。左目雲翳。右目星障。

熟地

歸身

半夏

廣皮

雲苓

炙草

枸杞子

丹參

白蒺藜

席左水虧火旺。腎陽不藏。兩目黑花朦朧。

生地

山藥

丹皮

茯苓

澤瀉

黃柏

龜版

旱蓮草

女貞子

丹參

蓮肉

陸右肝腎精血兩虧。少陽少陰兩經。復有風邪鬱伏。以致頭痛不止。恐致失光。

熟地

山藥

萸肉

丹皮

澤瀉

歸身

柴胡

茯苓

枸杞子

細辛

又七味合生脈散。加歸身白芍細辛。

蔣右血崩之後。氣血大虧。目失滋養。以致瞳神散大失光。法宜補斂。

熟地

黨參

製於朮

黃耆

歸身

炙草

棗仁

茯神

桂圓肉

五味子

麥冬

杜仲

烏賊骨

又左歸飲合生脈散。加丹參。

沈_左寒邪化火。刑尅肺腎。右目平塌已廢。左目蟹睛翳障。視物不明。

歸身

茯苓

焦白朮

甘草

桂枝

白芍

製香附

石決明

菟絲子

又熟黑逍遙去柴胡薄荷。加石決明菟絲子。

又行血熟六物加枸杞子蟬衣。

又香歸熟六味去萸肉。加枸杞子菟絲子白蒺藜。

錢_左氣虛體弱。兼感風寒。痰滯不宣。兩目努肉。赤障羞明。

黃耆

防風

生台朮

玉竹

茯苓

廣皮

甘草

半夏

炮薑

杏仁

吳右氣血兩虧。厥陰頭痛。兼之胃腑受寒。又傷肝腎。以致左目赤障凝翳。下起傷痕。慮發蟹睛。

熟地

歸身

黨參

製於朮

乾薑

炙草

製香附

石決明

砂仁

又

杞菊熟四物。加石決明紅花蟬衣香附。

注左

外感暑邪。內傷冷飲。以致兩目白睛努肉。赤障白翳。雖勞役道途。然舌白脈

遲。謂之陰暑。不可作陽邪治。

乾薑

半夏

甘草

香薷

杏仁

廣藿香

白蔻殼

又

行血熟四物合逍遙散去薄荷。加蒺藜荊芥。

沈左

病由遺濁傷陰。又感暑邪溼熱。以致兩目白障滿泛。蟹睛高突。視物無形。姑

念遠來。勉力擬方救治。

生地 山藥

丹皮

茯苓

澤瀉 廣藷

青蒿

歸身

萆薢 石決明

沙苑蒺藜

野料豆

又服藥後。雖得微光。但右目黑珠泛突已廢。惟左目瞳光未損。尚可保全。

熟地 白芍

川芎炭

歸身

蘇木 紅花

甲片

桃仁

菟絲子 石決明

六一散

降香末

又照前方去桃仁六一散降香末。加香附蟬衣。

又熟六物加香附紅花蟬衣。

張左夏季納涼飲冷。風寒傷於太陽少陽。以致午後如瘧。兩目痛傷。蟹睛高凸。白

障滿泛。視物少形。症已重極。勉擬救治。

柴胡 黃芩

半夏製

甘草

桂枝 歸身

石決明煨

又 照前方去黃芩。加玉竹炮薑。

又 黑逍遙散加桂枝炒白芍石決明青蒿藿香。

又 熟六味合四物去萸肉山藥加香附石決明紅花女貞子。

又 左歸飲去萸肉加玉竹麥冬香附石決明。

任左 暑邪鬱于肝肺。兩目赤障羞明。往來寒熱。

當歸

赤芍

柴胡

茯苓

薄荷

甘草

米仁

連翹

山梔

石斛

西瓜翠皮

沈左 風熱燦于肝胃。以致兩目眼皮緊急。拳毛倒入。內生翳霧。目角溼爛。

白芷

升麻

防風

半夏

枳殼

黃芩

石斛

甘草

鈎藤

當歸

又 杞菊異功散去白朮加米仁當歸石決明。

宣右 陰不和陽。心肺鬱熱。左目大眦努肉。

生地

丹皮

茯苓

澤瀉

當歸

川芎炭

丹參

女貞子

麥冬

黑山梔

省頭草

又

生六味去莢肉山藥加天冬麥冬丹參西洋參黑山梔女貞子。

姚左陰虛不足肝腎兩虧兼之寒邪包暑刑剋肝陰兩目旋螺翳障視物不明勉

擬救治

香附製

夏枯草

熟地

歸身

白芍肉桂煎湯拌炒

玉竹

甘草

川芎炭

紅花

廣藿香

煨薑

燈心

又

寒暑漸覺分消疼痛略止但旋螺轉甚不能睜視姑再擬方補肝散合左

歸飲去莢肉加牛膝歸身

又

疼痛已息寒邪未散旋螺更盛竭力擬救八珍湯去川芎加枸杞菟絲子

炮薑燕窩淡菜

又

旋螺略散視物稍明金水六君煎加枸杞菟絲燕窩煨薑

又行血八珍湯加枸杞子菟絲子桂枝炒白芍。

又補血湯合熟六物加香附枸杞子蟬衣。

沈幼幼年氣血未充。又兼暑熱傷陰。右目內泛已廢。左目白珠縞翳。雞盲之症。

生地

山藥

丹皮

茯苓

澤瀉

歸身

青蒿

廣藿

女貞子

石決明煨

雞戛肝

又杞菊生六味去萸肉。加青蒿歸身石決明雞戛肝。

又杞菊異功散去白朮。用山藥。加青蒿當歸蘆根雞戛肝。

胡右陰虛兼燥。木挾相火上冲。以致厥陰頭痛。左目起星。左目蟹睛翳障。

香附製

夏枯草

生地

丹皮

茯苓

澤瀉

女貞子

旱蓮草

石決明鹽水

丹參

又二至合人參固本。加丹參烏賊骨蒺藜子。

錢左肝腎精血兩虧。厥陰頭痛。左目失光已廢。右目白星繚亂。此青盲之症。

熟地

山藥

萸肉

丹皮

茯苓

澤瀉

五味子

歸身

菟絲子

活磁石醋煨

王右氣血不足。肺腎陰虧。厥陽上熾。以致無風流淚。目珠疼痛。不時心悸耳鳴。

人參

生地

熟地

天冬

麥冬

山藥

萸肉

丹皮

茯苓

澤瀉

丹參

燕窩

許左形旺氣衰。燥邪尅于脾肺。以致兩目赤障滿睛。

人參

石膏

知母

麥冬

粳米

甘草

旱蓮草

女貞子

又二至合異功散去白朮。加米仁川貝丹參麥冬。

又行血生六物合二至。加丹參車前子。

紀左肝腎不足。思慮傷脾。中氣下陷。視物昏花。

熟地

黨參

製於朮

黃耆蜜炙

柴胡蜜炙

升麻蜜炙

陳皮

甘草

歸身

枸杞子

徐右三瘧雖止。鬱熱未清。以致瞳神生翳。視物不清。

製首烏

黨參

歸身

製於朮

炙草

麥冬

青蒿

女貞子

丹參

白蒺藜

徐左太陽陽明感受風溼。左目上下胞壅腫。白睛努肉。

蒼朮

厚朴

陳皮

甘草

猪苓

茯苓

澤瀉

白朮

滑石

蘇葉

錢右太陰風溼。以致左目努肉壅結。上下眼胞腫脹。水泡鼻瘡。

蒼朮

厚朴

陳皮

甘草

半夏薑製

廣藿

滑石

蘇葉

黃芩

大腹皮

又異功散去白朮用米仁。加豨薟草防風當歸山梔滑石。
又異功散合三妙加枳殼滑石。
又六君子湯合左金丸加當歸。
沈左精血不足。肝鬱不舒。脾肺兩經復積溼痰。以致兩目昏花。肢體壅腫。氣喘等症。

製香附

砂仁

黨參

白朮

茯苓

甘草

陳皮

製半夏

熟地

歸身

桑螵蛸

徐左氣血不足。操持過勞。中宮不運。左目上脾結生梅核。後防瘤患。

黨參

焦於朮

雲苓

甘草

歸身

川芎炭

白芍酒炒

熟地

穿山甲

煨木香

顧左氣滯痰凝。鬱熱化燥。左目上脾結生櫻核。兩目午後赤澀。

半夏製

陳皮

茯苓

杏仁

白芥子

貝母

枳殼

冬桑葉

黑芝蔴

柏子仁

菊花葉

錢左精血不足。肝熱上浮。以致無風流淚。

旱蓮草

女貞子

玉竹

天冬

麥冬

生地

熟地

冬桑葉

黑芝蔴

丹參

汪左脾虛脫力。陰虧陽浮。以致頭疼目暗。視物不明。

熟地

黨參

黃耆蜜炙

製遠志

歸身

炙草

製於朮

桂圓肉

煨木香

茯神

棗仁

野馬料豆

俞左火邪刑於脾胃。以致皮翻粘臉。遍身瘡瘍。

西洋參

米仁

茯苓

甘草

石膏

知母

丹參

山梔

石斛

吳左風溼熱合邪。刑於肝胃。右目堆雲外障。面鼻溼瘡。

石膏

知母

甘草

米仁

蒼朮

歸尾

羚羊角

鮮石斛

又白虎湯加山梔豨薟草。

又生玉女煎加西洋參歸尾穀精草。

陳右三瘧失調。肝腎陰虧。兩瞳色淡。漸至失光。

製首烏

淡鼈甲

黨參

麥冬

枸杞子

菟絲子

女貞子

五味子

黃左肝陰不足。厥陽上浮。又兼暑熱刑於肝胃。致生紅白堆雲外障。視物模糊。

旱蓮草

女貞子

石膏

熟地

牛膝

鹽水炒

知母

麥冬

西洋參

丹參

又二地六味去萸肉。加牛膝女貞子西洋參麥冬。

趙右風溼化火。刑尅肝脾。左目努肉翳障。兩目眼皮紅腫。疼痛羞明。

羌活

防風

柴胡

桑白皮

歸身

赤芍

焦於朮

茯苓

甘草

又加味逍遙散。

陳左陰虛火旺。心腎不交。火搏水陰。以致瞳神細小。視物模糊。

生地

山藥

丹皮

茯苓

澤瀉

黃檗

龜版

女貞子

陸左暑熱刑于脾肺。兩目努肉壅腫。

生地

木通

赤芍

歸尾

黑山梔

石斛

六一散

廣藿香

青蒿

扁豆葉

葉左陰虛兼暑。刑尅肝脾。兩目努肉紅腫。畏熱羞明。

旱蓮草

女貞子

新會白

西洋參

扁豆肉

六一散

廣藿香

青蒿

張右內蘊暑熱。外束寒涼。左目聚星。右目白障。壅腫疼痛。

麥冬 丹參

香薷

扁豆

厚朴

廣藿香

蘇葉

陳皮

當歸

赤芍

茯苓

柴胡

薄荷

荷梗

又逍遙散合清暑湯。

沈右肝腎不足。陽明胃熱兼之。少陽相火浮動。不時齒痛。兩目翳膜赤澀。

熟地

石膏

牛膝

知母

麥冬

石決明

丹參

女貞子

蘆根

戴左表虛脾胃不足。又兼風邪尅肺。兩目努肉壅腫。眼皮寬縱。

黨參

生黃耆

白芍

葛根

升麻

蔓荊子

甘草

黃檗

歸身

石決明

蟬衣

歸柴熟六味去萸肉。加枸杞子蔓荊子。
高右肝經鬱熱不達。兩目白障滿佈。視物不明。

當歸

生地

梔子

黃芩

木通

澤瀉

車前子

甘草梢

柴胡

龍膽草

蘇木

紅花

楊左暑風化火。刑尅肝胃。右目堆雲白障。沿眶溼爛。

竹葉

石膏

粳米

麥冬

甘草

玉竹

廣藿香

青蒿

當歸

滑石

稻葉

張左肺陰大虧。腎氣不納。以致少陰頭痛。左目珠大脫眶。

熟地

萸肉

山藥

丹皮

茯苓

澤瀉

牛膝

車前子

製附子

肉桂

人參

菟絲子

青鉛

汪左心腎不交。相火上浮。水不能制。左目胭脂內障。謹防血灌瞳神。已成危症。勉力擬方。

生地

山藥

丹皮

茯苓

澤瀉

黃柏

龜版

丹參

牛膝

女貞子

車前子

又滋陰生六味去萸肉。合人參固本。加丹參牛膝女貞子車前子。

又明目地黃湯去柴胡。加丹參菟絲子麥冬。

姚左右目爲苗葉刺傷。白障滿泛已廢。血絡受傷。疼痛不止。擬補血活血法。

熟地

白芍

當歸

川芎

蘇木

紅花

乳香

沒藥

蜜蟲

又行血熟六物加枸杞子防風酒炒白蒺藜。

張右血爲邪乘。凝而不行。以致白睛努肉。色紫。眼皮青黯。

生地

當歸

川芎

赤芍

蘇木

紅花

半夏

茯苓

陳皮

甘草

杏仁

桔梗

桑白皮

干左兩目爲石灰所傷。黑珠已白。視物不明。眼皮壅腫。晝夜疼痛。

生地

木通

甘草梢

竹葉

連翹

黑山梔

歸尾

赤芍

蘇木

紅花

用韭菜地上蚯蚓泥煎湯代水。不時以蟹沫洗眼。

廖右左目因火烙傷。黑睛已壞。疼痛難忍。眼淚羞明。宜先以陳菜油灌洗止痛。

當歸

生地

赤芍

川芎炭

連翹

黑山梔

黃柏

杏仁

乳香

沒藥

徐幼穉年飲食不調。積成脾疳。兩目于黃昏時不能見物。此鷄盲之症。

黨參

茯苓

焦於朮

廣皮

炙草

山查炭

神麴

五穀蟲

穀精草

鷄內金

柏^幼稚年失乳。氣血未足。致成肝疳。雀盲失光。

黨參

茯苓

山藥

炙草

新會白

歸身

白芍

菟絲子

石決明^煨

雞戛肝

人乳^{沖服}

鍾^右溼熱停滯脾肺。左目努肉壅腫。

蒼朮

厚朴

陳皮

甘草

豬苓

茯苓

澤瀉

白朮

丹參

通草

李^左心腎不交。水火不濟。少陰虛熱上浮。皆肉壅突。

生地

山藥

丹皮

茯苓

澤瀉

黃柏

龜版

丹參

女貞子

柏子仁

又 薛氏歸脾湯加丹參蓮肉。

周右寒傷肝陽風傷肺陰右目星障疼痛羞明。

玉竹

陳皮

茯苓

甘草

焦於朮

當歸

柴胡

赤芍

防風

杏仁

荷葉

又 黑逍遙合杞菊加蟬衣。

陸左陰分素虧又兼寒鬱化火刑尅肝肺兩目努肉壅腫黑珠內泛視物少形。

熟地

黨參

歸身

川芎炭

白芍

炙草

炮薑

杏仁

白蔻仁

又 熟黑逍遙合杞菊加杏仁陳皮。

又 行血熟六物加菟絲子石決明。

馮左邪鬱肝陰左目花翳白障右目星翳昏朦。

生地

川芎

歸身

白芍

柴胡

茯苓

焦白朮

甘草

蘇木

紅花

枸杞子

蟬衣

又

黑逍遙散加枸杞子蟬衣。

又

八珍湯加枸杞子蒺藜。

又

左歸飲去萸肉加香附歸身蟬衣白蒺藜。

干幼

痘後陰虛鬱熱停滯脾胃兩目致生眼癢。

玉竹

米仁

茯苓

新會白

升麻

石斛

望月砂

杏仁

丹參

又

生六味去萸肉山藥加丹參石決明望月砂菴荬草。

胡右陰虛不足相火上浮右目黃膜上冲視物不明。

生地

山藥

丹皮

澤瀉

熟地

雲苓

石決明

菟絲子

野馬料豆

又 滋陰二地六味去萸肉。加玉竹麥冬丹參女貞子石決明淡菜。

又 貞元飲合人參固本。加石決明丹參。

又 方人參固本合六味去萸肉。加歸身石決明菟絲子。

朱左 陰分有虧。肝肺燥熱。兩目赤障。雲膜羞澀。宜滋陰潤燥。

生地

丹皮

茯苓

澤瀉

玉竹

麥冬

石斛

女貞子

菊花

甜杏仁

桑白皮

冬桑葉

陳幼 痧後感受風溼。化爲燥熱。鬱于足太陰陽明。兩目溼爛眼癢。

黃芩

白芷

丹皮

石膏

當歸

生地

赤苓

石決明

米仁

秦艽

麥冬

蘆根

沈右 風傷太陰。血凝氣滯。左目白睛努肉。紅腫羞明。

川芎

當歸

赤芍

生地

丹參

桔梗

杏仁

前胡

蘇木 紅花

張右肝腎陰虧。虛陽上炎。以致眼梢赤脈。乾瀯昏花。

生地 山藥 茯苓 澤瀉

丹皮 丹參 麥冬 石決明

鉤藤 柏子仁 料豆皮 石蓮子

又照前方去山藥料豆皮。加西洋參女貞子。

王左肺腎陰虧。兼有溼熱。以致兩目紅白翳障。瞳神淡色。視物模糊。

生地 茯苓 丹皮 澤瀉

旱蓮草 女貞子 西洋參 麥冬

丹參 石斛 草薺

方左精神不足。心腎不交。以致下焦遺泄。左目瞳神淡色。後防失光。

熟地 山藥 丹皮 茯苓

澤瀉 歸身 石決明 玉竹

麥冬 菟絲子 桑螵蛸

徐左體弱陰虛精血不足兼之寒邪化火刑尅肝胃以致左目堆雲內障右目白障下垂視物不明勉力擬方

玉竹

生台朮

茯苓

廣皮

甘草

炮薑

熟地

歸身

龍衣

燈心

又八珍湯去川芎加香附陳皮枸杞子升麻牛膝。

又行血八珍湯加枸杞子石決明龍衣料豆皮。

又歸柴熟六味去萸肉加菟絲子石決明牛膝蟬衣野馬料豆。

朱右肝虛血燥少陽鬱熱右目銳眥雲翳起星。

歸身

柴胡

生地

山藥

丹皮

茯苓

澤瀉

白蒺藜

麩仁

枸杞子

甘菊

野馬料豆

冬桑葉

又二地六味去萸肉加西洋參麥冬石決明菟絲子。

王右風熱鬱於陽明。右目下睥眼癰壅腫。

蒼朮

厚朴

茯苓

甘草

當歸

連翹

荊芥

防風

天蟲

枳殼

金銀花

薄荷

葱白頭

朱左暑邪內受。寒邪外束。結聚不散。以致右目雲翳赤障。壅腫溼爛。

玉竹

米仁

陳皮

茯苓

六一散

當歸

香附

香薷

厚朴

防風

杏仁

金右火鬱脾肺。以致偷鍼變癰。

連翹

黑山梔

歸尾

赤芍

生地

木通

甘草梢

石斛

石決明

杏仁

枇杷葉蜜炙

趙左陰虛邪鬱。三瘰未已。目珠紅赤昏花。

歸身

焦白朮

白芍

茯苓

柴胡

薄荷

甘草

鼈甲

青蒿

石決明煨

程左精血不足。肺腎陰虧。水源乾涸。以致左目瞳神發白。視物模糊。防有頭風失明之患。

人參

生地

熟地

天冬

麥冬

枸杞子

菟絲子

五味子

覆盆子

桑椹子

又貞元飲合生脈散。加枸杞子菟絲子五味子女貞子桑椹子真珠子覆盆子

又生脈散合七子。加阿膠野馬料豆。

又左歸飲合七子。

徐左中氣下陷。虛熱上浮。迎風流淚。眼皮寬縱。

黨參

綿黃耆

製於朮

新會白

升麻蜜炙

柴胡蜜炙

歸身

炙甘草

陳^幼厥陰陽明溼火。以致滿額肥瘡。兩目赤障。啓睫無力。

杏仁

麥冬

冬桑葉

龍膽草

黑山梔

生地

木通

當歸

黃芩

澤瀉

石膏

知母

米仁

甘草

石斛

白芷炭

黃^左風寒溼三氣鬱于陽明。右目壅腫偷鍼。

白芷

蒼朮

厚朴

陳皮

甘草

天蟲

草薢

赤苓

米仁

葱頭

莊^左瘧後元虛。溼鬱肺腎。兩目白睛黃膜。右目黑花矇矇。

生地

丹皮

茯苓

澤瀉

山藥

黨參

麥冬

女貞子

丹參

草薢

野料豆

又 人參固本加米仁何首烏茯苓桑椹子野料豆。
陶右風溼熱三邪鬱於陽明太陰兩目致生溼爛眼癬。

蒼朮

厚朴

陳皮

甘草

豬苓

茯苓

澤瀉

米仁

防風

豨薟草

黃柏

晚蠶沙

又 平胃散合三化湯加草薢赤苓龍衣。

又 清火導赤散合白虎湯加白芷天花粉忍冬花。

又 清火導赤散加天花粉金銀花米仁。

沈左肝腎素虧兼之風鬱化火令目凝脂白翳垂簾赤障右目凝翳。

羌活

獨活

製香附

夏枯草

當歸

白芍

柴胡

茯苓

甘草

枸杞子

焦於朮

葱頭

燈心

黃左心腎水火不交虛陽上炎兩目不時舉發偷鍼眼癰之患。

生地

柏子仁

當歸

棗仁

天冬

麥冬

人參

玄參

丹參

桔梗

茯神

遠志

石菖蒲

郭左肝腎不足。虛熱生風。左目赤障。瞳神細星。右目雲膜。

生地

熟地

玉竹

甘草

川芎炭

歸身

白芍

枸杞子

甘菊

白蒺藜

冬桑葉

荷葉蒂

又杞菊熟六味去萸肉。加黨參麥冬歸身桑葉馬料豆。
史右太陰鬱邪凝結。左目赤障。狀如魚胞。

半夏

茯苓

廣皮

甘草

桔梗

杏仁

前胡

當歸

紅花

葱鬚

蔡右肝脾不足。風溼眼癢。

玉竹

陳皮

茯苓

甘草

米仁

秦艽

防風

當歸

白芍

冬桑葉

緒左風寒溼邪乘於脾胃。兩目致生眼癢。

半夏

茯苓

陳皮

甘草

蒼朮

厚朴

桑白皮

薄荷

黑山梔

連翹

燈心

曹左先天不足。後天亦虧。肝風犯胃。以致右目眼皮緊急。拳毛倒刺。赤障雲翳。

玉竹

米仁

陳皮

茯苓

甘草

鉤藤

當歸

秦艽

草薢

穀精草

冬桑葉

張右風溼邪毒。鬱於足太陰陽明。以致脣瘡面疹。兩目赤障玉粒。

甘草

桔梗

桑白皮

地骨皮

杏仁

薄荷

葛根

白芷

連翹

茯苓皮

葱頭

朱右心腎水火不交。燥邪復尅肝脾。兩目乾澇。久視無光。宜養陰潤燥。

生地

丹皮

茯苓

澤瀉

冬桑葉

黑芝朮

丹參

棗仁

蕤仁

湘蓮

張左酒溼兼風鬱於陽明。兩目沿眶赤爛。

生地

當歸

米仁

葛花

草薢

茯苓

陳皮

荊芥

槐米

料豆皮

冬桑葉

吳左操勞過度。傷及心脾。兩目皆肉腫突。視物不清。

熟地

黨參

製於朮

黃耆蜜炙

歸身

炙草

棗仁

製遠志

茯神

菟絲子

湘蓮肉

金右風熱鬱於肝脾。兩目赤脈貫睛。凝翳滿目。沿眶赤爛。

連翹

山梔

歸尾

赤芍

生地

木通

甘草梢

羌活

薄荷

枳殼

菊花

桑葉

車前草

沈左溼邪化火。目胞浮腫。

豬苓

茯苓

澤瀉

白朮

桂枝

黃柏

桑葉

燈心

戒左暑風溼邪鬱於肝脾。目胞浮腫。白翳赤障。頭痛不止。

當歸

赤芍

薄荷

茯苓

米仁

藿香

青蒿

滑石

石斛

荷梗

又二至合黑逍遙去白朮甘草。加米仁穀精草石決明六一散。

又二地六味去萸肉。加西洋參麥冬菟絲子丹參六一散。

孫幼溼食傷脾。又兼肝木尅土。遂致腹大膨脹。兩目雞盲。

蒼朮	厚朴	陳皮	甘草
黨參	雲苓	山查	麥芽
神麴	草薺炭		

艾左肺腎陰虧。氣逆上衝。以致珠大脫眶。

人參	生地	熟地	天冬
麥冬	五味子	丹參	菟絲子
枸杞子	牛膝		

又人參固本合五子飲加丹參。
 董幼穉年氣血未足。內熱傷陰。以致兩目雞盲。咳嗆多痰。此肺疳之症。

黨參	山藥	茯苓	炙草
新會白	歸身	石決明	甜杏仁
川貝	雞肝		

又異功散去白朮用山藥。加歸身石決明菟絲子鉤藤野料豆紅棗。
 李左勞心過度。思慮傷脾。陰精不能上注。以致右目銀翳白障。瞳神淡色。防有失

光之患。

熟地

歸身

黨參

製於朮

茯苓

白芍

炙草

丹參

棗仁

枸杞子

野馬料豆

又

左歸飲合生脈散加丹參。

張左

肝胃陰寒兼之太陽少陽兩經風邪頭痛。右目堆雲白障。努肉壅腫。

吳茱萸

淡乾薑

甘草

歸身

柴胡

羌活

枸杞子

白蒺藜

葱白

又

歸芍六君子加香附白蒺藜枸杞子豆蔻仁煨薑紅棗。

葉左

肝腎陰虧。虛陽上炎。以致兩目小眦努肉壅結。右目橫關內障。勉力擬方。

西洋參

天冬

麥冬

生地

熟地

旱蓮草

女貞子

丹參

蘇木

紅花

又 人參固本加歸身石決明丹參牛膝菟絲子。

又 努肉已退其半。橫關內障微現。視尚模糊。宜養陰和中退障為主。行血熟

六物加菟絲子白蒺藜甲片。

又 橫關內障稍爲縮短。紅障未消。手足寒冷。乃內素有熱。外束寒邪所致。其障必須全現。在外方可消去。難以速效。姑再擬方。理中湯合理陰煎。又合補肝散加菟絲子新絳屑。

又 照前方加肉桂炒白芍。

又 橫關內障喜得全現。在外已短其半。兩目紅障十去其八。視仍未清。行血八珍湯加枸杞子蟬衣野料豆龍衣。

又 橫關內障已短大半。紅障亦散。視猶不清。補血八珍湯加菟絲子香附白蒺藜龍衣。

又 補血異功散加丹參菟絲子牛膝鳳皇退。

又 橫關內障浮薄。視物昏花。異功散加香附歸身馬料豆龍衣。

又 補肝四君子加蟬脫丹參龍衣。

又 二至合異功加香附歸身龍衣白蒺藜。

又 二至合異功散加丹參蟬脫青葙子新絳屑。

又 四君子加當歸鹿角屑煨木香白蒺藜。

又 右目橫翳未盡視尙不清。行血熟四物合五脫散。

馬幼痘後迎風流淚。又兼火鬱睛明。左目已成漏睛。

生地

木通

甘草梢

竹葉

連翹

黑山梔

歸尾

石決明

赤芍

沈左氣血大虧。兼之風寒鬱伏厥陰陽明。以致寒熱骨疼。氣逆嘔吐。兩目堆雲內

障。視物無形。勉力擬方。

人參

製於朮

乾薑

炙草

熟地

歸身

肉桂

吳茱萸

白芍

獨活

生薑

大棗

又 兩瞳痛傷。最爲危重。前進溫中解寒之劑。骨痛頭疼少止。然兩目難以奏效。

再須質之高明。

歸身

熟地

製半夏

陳皮

茯苓

炙草

黨參

製於朮

枸杞子

白蒺藜

焦枳殼

馬料豆

顧右陰虛內熱。燥邪傷脾。左目櫻核。右目瘤子。

生地

丹皮

茯苓

澤瀉

歸身

石決明

丹參

黑山梔

女貞子

石斛

葉幼暑溼化火。刑尅肝脾。致生眼癰。右目起星。滿面瘡瘍。

生地

當歸

赤芍

柴胡

茯苓

米仁

甘草梢

薄荷

黃蘗

滑石

張右體素陰虧。兼之懷娠中滿。肝胃蘊熱。化火生風。以致左偏頭痛。左目堆雲內障。險極之症。

黃連

吳茱萸

生地

歸身

白芍

甘草

製香附

夏枯草

黃芩

焦枳殼

又補肝二至左金白虎湯加黃芩枳殼蘆根。
錢左心腎不交下焦遺泄。瞳神散大。失光之症。

生地

山藥

萸肉

丹皮

茯神

澤瀉

黃檗

龜版

丹參

麥冬

湘蓮

盧左燥熱刑於心肺。右目小眥努肉玉粒。

生地

丹皮

茯苓

澤瀉

玉竹

麥冬

丹參

車前子

女貞子

石斛

冬桑葉

趙右瘀血凝滯右目睛明穴中。以致內生血瘤。顏色青紫。大如銀杏。疼痛羞明。

桃仁

紅花

川芎

當歸

生地 赤芍 製香附 夏枯草

丹參 側柏葉

又 血瘤已落。紅翳未盡。視物不清。生六物合杞菊加丹參石決明茺蔚子。

沈左 溼熱鬱於脾肺。致生黃水瘡。兩目微腫赤爛。畏日羞明。

蒼朮 厚朴 陳皮 甘草

生地 木通 黃檗 萊豆皮

竹葉 燈心

張左 風尅陽明。血凝氣滯。以致脾翻粘瞼。

生地 當歸 赤芍 川芎

蘇木 紅花 焦枳殼 煨木香

施左 寒燥合邪。刑於脾肺。兩目赤濇雲膜。眼梢溼爛。

玉竹 廣皮 茯苓 杏仁

甘草 歸身 麥冬 麩仁

白蒺藜

冬桑葉

料豆皮

蔡左精血不足。肝鬱不舒。兼之寒鬱少陰。以致右目瞳神內障。視物模糊。竭力擬方。

黨參

製於朮

茯苓

陳皮

炮薑

甘草炙

遠志

枸杞子

白蔻仁

花椒目

又內障已散。舌色微白。視物不清。宜溫中養陰保光為主。六味異功散加香附

歸身枸杞子桂枝炒白芍佛手。

程右肝腎精血兩虧。陽氣不藏。以致螢星滿目。謹防青盲。

熟地

山藥

黃肉

丹皮

茯苓

澤瀉

人參

麥冬

五味子

青鉛

曹左熱鬱三焦。黃膜努肉。

生地

木通

甘草梢

竹葉

連翹	山梔	歸尾	赤芍
黃芩	甘菊	焦枳殼	料豆皮
冬桑葉			

又知柏四物加石決明黑山梔車前草。

錢幼目腫如桃。眵淚如膿。皮膚蒸熱畏風。兩日常閉難開。未卜黑珠損否。症擬暑溼。宜用清利。

香薷	厚朴	扁豆	茯苓
蒼朮	黃檗	銀花	六一散

張左風寒鬱伏肝肺。以致左目凝脂翳障。有變旋螺之勢。

桂枝	白芍	炙草	香附
蘇葉	陳皮	當歸	杏仁

枸杞子

沈左寒邪挾風。乘虛傷於肝胃。右目小眥痕陷。堆雲白障。疼痛羞明。

黨參	生台朮	乾薑	甘草
----	-----	----	----

川芎

歸身

枸杞子

白豆蔻

又八珍湯去川芎。加紅花陳皮石決明。

胡左熱鬱三焦。大小皆赤障。防變努肉攀睛。

生地

當歸

川芎炭

赤芍

丹皮

山梔

旱蓮草

女貞子

桑白皮

竹葉

燈心

李左燥火刑金尅木。兩目雲膜赤障。

生地

木通

赤芍

歸尾

連翹

山梔

桑白皮

地骨皮

米仁

甘草梢

燈心

又清火導赤散加黃芩石斛竹葉。

桂右精血素虧。又兼暴怒傷陰。以致瞳神散大。視物不明。

柴胡

五味子

歸身

熟地

山藥

黃肉

丹皮

茯苓

澤瀉 遠志

又照前方合生脈散。

瞿右陰精不能上承於目。以致乾澀昏花。宜滋陰充液。

旱蓮草 女貞子 生地 山藥

丹皮 茯苓 澤瀉 天冬

麥冬 棗仁 蓮肉

馬右肝經鬱熱。兩目已成赤脈貫睛。

川芎 當歸 生地 赤芍

茯苓 柴胡 鬱金 甘草

蟬衣 荷葉邊

施右燥熱鬱於肺胃。右目拳毛倒入。眼皮緊急。

知母 黃蘗 生地 丹皮

澤瀉 歸身 麩仁 麥冬

冬桑葉

馬右產後氣血兩虧。陽明虛熱生風。以致頭痛目疼。

熟地

歸身

川芎炭

白芍

黨參

茯苓

製於朮

炙草

升麻

杜仲

省頭草

又照前方去升麻加枸杞子。

范左酒濕傷於肺腎。兩目銀翳赤障。

生地

丹皮

茯苓

澤瀉

遠志

萆薢

丹參

雞距子

野馬料莖

又生六味去萸肉合杞菊。加萆薢益智仁菟絲子。

尤左肝腎精血兩虧。又兼寒邪傷陰。以致左目瞳神蟹珠。視物少形。勉擬溫中救

陰法。以圖得效。

製附子

乾薑

生白朮

炙草

歸身

熟地

肉桂

枸杞子

製香附

石決明煨

馬右精血素虧。兼之懷妊中滿。氣鬱肝膽。兩目視物昏花。防變青盲。宜滋陰疎利。

生地

熟地

山藥

雲苓

澤瀉

製香附

歸身

黃芩

蘇梗

焦枳殼

荷葉

又治氣六合湯加黃芩枸杞子。

陸幼風濕鬱於脾肺。兩目眼癢。滿身風疹。

玉竹

苡仁

茯苓

廣皮

甘草

稀莖草

秦艽

當歸

杏仁

顧左陰不攝陽。肝風內動。兩目時痛時癢。赤澀昏花。

枸杞子

甘菊

玉竹

新會白

雲苓

山藥

甘草

石決明

料豆皮

黑芝麻

冬桑葉

又 二地六味去萸肉。加西洋參麥冬鉤藤石決明丹參料豆皮。

又 左歸飲合扶桑加丹參石決明。

范左 暑濕兩邪刑於肝肺。兩目黃白雲膜。黑珠白陷。

豬苓

白朮

澤瀉

茯苓皮

五加皮

地骨皮

生薑皮

廣藿香

當歸

六一散

花椒目

張右 陽明血少。胃熱生風。兩目黑珠雲翳。眶腫赤爛。

防風

山梔

藿香

石膏

甘草

當歸

鉤藤

桑葉

蘆根

葉左 血虛內熱。風邪化燥。刑於脾肺。兩目沿眶赤爛。右目翳霧昏花。

當歸

生地

赤芍

黃芩

秦艽

防風

甘草

杏仁

山梔

蕤仁

竹葉

張左少陰邪熱。左目眥肉壅突疼痛。

黃連

黃芩

犀角

知母

山梔

滑石

麥冬

茯神

西洋參

王右風邪鬱伏肝肺。兩目星障滿佈。紅腫羞明。

羌活

防風

生地

川芎

當歸

赤芍

薄荷

白蒺藜

荷葉

周左誤傷左目。瞳神驚散。膽腎精液爲瘀。血灌渾。下視略有微光。右目近視光呆。

宜保全右目。兼理左目。行氣活血爲要。

熟地

川芎炭

歸身

白芍

桃仁

紅花

枸杞子

菟絲子

楮實子

紫槿皮

肉桂

製香附

廣蟲

又照前方去肉桂。加黨參丹參。

沈左邪火上攻。大皆腫痛出血。

鮮生地

白芍

丹皮

犀角

藕汁

徐左體素陰虧。又兼寒鬱肝胃。右目小眥痛傷痕陷。左目星翳努肉。視物不明。

熟地

歸身

柴胡

白芍

茯苓

焦於朮

甘草

炮薑

白蒺藜

砂仁

荷葉

又熟六物加枸杞子白蒺藜。

朱左心腎不交。氣血不和。虛陽上浮。中氣下陷。以致左目瑯瑤垂簾。右目蜆肉垂簾。視物不清。

蘇木

紅花

熟地

川芎炭

歸身

白芍

黨參

炙草

龜版

黃蘗

又滋腎生肝。飲去黃肉五味子。用菟絲子白芍。加丹參蟬脫。
又行血生補。中益氣湯加丹參蟬衣。
王右氣血素虧。兼之風寒鬱伏。太陽少陽。以致左目蟹睛高突。右目雲翳赤障。壅腫疼痛。

玉竹

陳皮

生台朮

茯苓

甘草

當歸

柴胡

防風

白芍

石決明

車前子

又黑逍遙去薄荷。加蔓荊子蟬脫石決明杏仁車前草。

又補肝散合生六物加石決明茺蔚子。

朱左氣血兩虧。風寒邪尅肝陰。以致兩目壅腫努肉。黑珠內泛。視物無形。勉力擬方救治。

熟地

川芎

當歸

白芍

柴胡

茯苓

焦於朮

甘草

防風

蘇木

紅花

煨薑

燈心

又行血熟六物加炮薑菟絲子香附。

何左年未弱冠。氣血不能充足。左目爲物所傷。青珠已破。泛壅高突。疼痛不止。勉

擬救治。

蘇木

紅花

熟地

川芎炭

當歸

白芍

香附

牛膝

紫槿皮

炮薑炭

防風炭

麝蟲

又左目黑珠泛突已平十分之九。傷痕未退。白障未消。未識瞳神損否。姑再擬

方。行血熟六物加防風炭香附炭菟絲子牛膝麝蟲。

又凝瘀已散。珠圓平復。白障未退。瞳神已損。光影全無。惟念尙在童年。再擬一

方。望其僥倖。行血八珍湯加枸杞子菟絲子。

徐幼穉年氣血未足。又兼風濕鬱於脾肺。以致咳嗽氣逆。左目紅腫珠突。眼淚如

膿。

羌活

防風

當歸

赤芍

柴胡

茯苓

米仁

甘草

杏仁

葱頭

又珠突已平。紅腫少退。不能睜視。

異功散去白朮用米仁。加稀荃草防風當

歸石決明杏仁。

黃_左精血兩虧。酒濕傷於肺腎。以致瞳神渾濁。視物昏花。須防失光。

旱蓮草

女貞子

生地

山藥

丹皮

茯苓

澤瀉

草薢

益智仁

丹參

雞距子

陸_左精血兩虧。心腎不交。相火上炎。以致大眦發癢出血。宜引火歸原法。

熟地

山藥

丹皮

茯苓

澤瀉

萸肉

製附子

肉桂

人參

韓_左中氣不足。眼皮寬縱。拳毛倒睫。

黨參

生黃耆

生於朮

歸身

陳皮

升麻蜜炙

柴胡蜜炙

甘草

蔓荊子

錢左濕熱停於脾肺。兩目睥內魚子石榴。視物羞明。

當歸

石決明

玉竹

茯苓

蒼朮

甘草

黃檗

又魚子石榴已散。紅翳未盡。補血六君子去參用玉竹。加石斛。

唐右暮年肝腎陰虧。水火不能既濟。以致瞳神淡色。時見火星飛揚。視物模糊。宜壯水固精。交通心腎。

熟地

歸身

炙草

枸杞子

菟絲子

五味子

桑椹子

女貞子

丹參

龜膠

蓮肉

羅左體素陰虧。精血不足。左目爲物所傷。氣血復虧。以致瞳神散大。眼皮垂下。啓

睫無力。視物不明。竭力擬治。少或有效。再可商也。

熟地

歸身

炙草

枸杞子

菟絲子

五味子

楮實子

覆盆子

人參

麥冬

黃耆酒炒

麋蟲

洋蟲

又眼皮稍能睜視。瞳神略小。惟視物尙覺不明。貞元飲合五子加人參黃耆

紅花麋蟲。

又生脈散合五子加熟地歸身阿膠。

孔左視白爲黃。視紅爲紫。視正爲橫。睜目頭暈。此陰極陽飛之症。

生地

熟地

山藥

黃肉

丹皮

茯苓

澤瀉

肉桂

菟絲子

丹參

又金匱腎氣丸以丸作湯合生脈散加丹參。

又十全大補湯。

姚左精血素虧。淫邪復傳肺腎。以致兩目白睛黃膜。瞳神昏暗。夜視不明。雀盲之症。

生地 熟地 天冬 麥冬

茵陳 黃芩 枳殼 石斛

甘草 枇杷葉 旱蓮草 女貞子

丹參

又 人參固本合二至。加丹參茵陳黃芩。

又 夜視得明。溼熱已退大半。惟內熱尙未盡除。二地六味去萸肉合二至。加

牛膝車前子丹參野馬料豆。

徐^左暮年肝腎陰虧。三陰三陽脈息歇止。又兼脾胃衰弱。不能健運。以致兩目眼

皮紅赤翻出。視物不清。

熟地 人參 黃耆^{蜜炙} 製於朮

茯神 製遠志 棗仁 歸身

煨木香 龍眼肉 炙草 龜膠

鹿角膠 枸杞子 炮薑

楊^幼脾胃溼火。左目下睥生菌。

又

蘇木	川芎炭	陳皮	眼苗已消。紅翳未盡。
紅花	赤芍	甘草	照前方去蘇木紅花加石斛黑山梔。
生地	蒼朮	蘆根	
當歸	厚朴		

銀海指南終

銀海指南 卷四 治驗存參

鎮海指南卷四 治驗存參

六六

張跋

昔人有云。用古方療今病。譬之折舊料改新房。必再經匠氏之手。然後可施以成室。故治病不遵古方。非法也。若徒泥古方。亦非法也。不遵古方。則牽強湊合。補瀉混投。溫涼雜用。散亂無紀。何以取效乎。徒泥古方。則固執不通。欲使今人之病。盡如古人。而以印板治法。希冀成功。蓋亦難矣。此中元妙。非有心斯道者。不能窺測也。古方之多。不可勝紀。世所重者。惟傷寒金匱千金外臺。以及和劑局方。聖濟總錄。諸書而已。他如河間東垣丹溪。皆有所主。各成一家。亦爲醫林所珍重。至於景岳張氏。就古方而增減之。名曰新方。配陰藥於陽藥之中。如補陰理陰之類是也。合陽藥於陰藥之內。如五物六物之類是也。提要鉤元。人皆尊而奉之。眼目一科。似不必皆備。然其法不可廢也。先生每與及門輩一一講明。今觀案中所用。皆古人之成法。而參以己意。隨手奏功。宜其頌聲載道。而四方來求診者。無日不爛其盈門也。先生每苦於酬應之煩。切脈後隨症定方。口授執筆者書之。一人未畢。又是一人。刻無寧晷。故著語不多。惟敘其病因症系。若方中加減之妙義。有識者細

繹自明。原無容飾說也。間嘗竊取先生之法。以治內科雜症。亦無不驗。因知先生於醫門十三科。無一科不深究其理。融會貫通。而後有此神巧。使其治傷寒內外兒女諸科之病。更能起死回生。豈僅爲眼科聖手乎。以此知先生之治目。非治目也。乃治病也。夫病邪之中人。必先由五臟六腑。而後達於四肢五官。目居至高之位。全賴清純之氣。以爲涵養。一有鬱遏。諸症蜂生。苟舍其本而徒治其標。譬猶舍潤之石。雖拭不淨。必待地氣轉旋。天氣開朗。其垢自除。故先生立論。以治本爲急務。而治標之法。或點或洗。間或用之。誠的確不磨。足闢近時諸家之謬也。末學淺陋。未能博覽羣書。幸蒙提命多年。得窺萬一。用誌數言。以見醫之用方。能宜乎今而合乎古。則善矣。古婁受業內姪張畹百拜跋。

凡受

人生天地之間。苟能愛身惜命。淡於七情。和於六氣。病安從生乎。一有不慎。病即隨之。可爲寒心者此也。夫病有從外來者。有從內發者。從外來者其病輕。藥之即愈。不藥亦愈。從內發者其病重。藥之未必即痊。不藥焉能平復。況外至之病。皆由內召。臟腑先虧。而後賊邪得以乘之。因邪引邪。變幻莫測。爲禍非常。凡病皆然。而於目病爲尤甚。蓋目之爲病。種種不一。其大要不外乎陰虛陽虛二者而已。經曰。陰虛者目不明。又曰陽脫者目眇。然少年陰未充長。中年陰氣自半。老年陰衰陽亢。所謂陽常有餘。陰常不足也。故治目以滋陰爲先。而和陽次之。乃世人惑於有火則病。無火不病之說。概用寒涼清降。以爲六淫之邪。皆從火化。五志之過。亦能化火。即有倖中。而凝住翳障。有終身受累者矣。丹溪曰。實火可瀉。芩連之屬。虛火可補。參耆之屬。苟不辨明虛實。而用氣惡味劣之品。其貽患可勝言哉。故善治火者。必先治水。但使水源充足。則火雖有炎上之性。亦必有所畏而不敢騰其焰矣。今觀先生案中。凡受邪化火者。必深究其本來。風寒則溫散之。暑溼則清利之。燥

邪則滋潤之。氣鬱則達之。血凝則行之。隨症投劑。立收奇效。而用方之妙。變化無窮。尤令人不可思議焉。如某方與某症對則用之。某藥與某症不對則去之。某症必以某藥治則加之。更有兼症錯雜。非一方所能治者。或合二方。或合三方。斟酌盡善。務使與病症的對。然後定案。用雖由於自己。方多傳於古人。間或自撰小方。具有卓識。可以繼往。可以開來。誠千秋治目之金鑑也。余以舉業耽誤。不獲常侍先生。而先生待之甚殷。訓之甚切。嘗謂余曰。今世之人。虛者多而實者少。能知陰虛陽虛。與夫六氣之感。七情之傷。按症而審之。切脈而辨之。審辨明白。其於治病也何有。信如斯言。先生之道大道也。先生之傳真傳也。欲秘之而無可秘。欲宣之而又無可宣也。吾嘗深思熟慮焉。始而茫然。繼而豁然。惟願世之業是科者。羣奉爲典型。而服膺弗失。則挾持有具。不至貽斯世以昏矇之患矣。戊辰四月下浣。平湖受業門人及芬百拜謹跋。

後記

《一草亭目科全書》明末醫學家鄧苑著。鄧苑，字博望，江西清江人。長于眼科。鄧氏認為眼科疾病，不外內障外障兩類。先以目論、目議二題，簡述有關眼科理論；次論內障外障的證治；後叙小兒痘毒眼、疳積眼、小兒雀目治法；末附薛氏選方。書中有論有方，方多為常用者，且包括不少外用藥。文字簡潔，切合實用。本書現存主要版本有清代康熙五十一年壬辰（公元一七一二）年）潁川唐氏刻本及《藝海珠塵》本。為中醫眼科名著之一。

《異授眼科》作者不詳。由清代胡芝樵重校。本書除簡述眼科理論及辨證規律外，還周詳地敘述了眼藥的配伍、制劑、用藥方法，並從臨床實踐出發，用問答的方式提出了七十二種眼科病症的診治方法和「經驗奇方」。故本書是一部臨床實用之眼科專著。

《銀海指南》（又名《眼科大成》）清代顧錫著。顧錫，字養吾，桐鄉（安徽桐城北）人，長于眼科。本書共四卷。卷一論述中醫對眼的生理（即「五輪八廓」理論）的認識及目疾的病因與病理（即六氣、七情與眼病的關係）。卷二討論臟腑主病及傷寒、中風等十六種病兼目疾，後列辨脈辨舌、用方法、用藥法。卷三列載眼科臨床應用方劑一八六首；用方宗張景岳，用藥宗徐之材。卷四為醫案。本書除系統闡述理論外，強調注重臨證經驗，並以内服藥為治本的重要性，對中醫眼科學頗有影響。本書現存主要版本有嘉慶十五年庚午（公元一八一〇年）三友草堂本，同治六年丁卯（公元一八六七年）掃葉山房刊本（題為《眼科大成》）。

上述三種眼科專著，均據原刊本作校勘；為保存《中國醫學大成》刊本的原貌，僅對其明顯的錯訛及句讀，作了校正。

夏 翔

中國醫學大成書目